



WANTOK



Wan Wik, Februari 16 - 22, 2006 NAMBA 1647 NIUSPEPA BILONG YUMI OL PNG STRET! K1.00 long Mosbi tasol - Ausait Mosbi K1.30

SWIT BILONG GRAUN EM I PNG

STRETIM SINDAUN
WANTAIM SAVE: Wok
agrikalsa em i bun bilong
yumi ol pipel bilong PNG.
Lukim ol stori long wok i
kamap insait long
agrikalsa sekta insait
long 'Lukluk long Rurel
Indastris' spesol
PES 17-21



INSAIT
KA MAMAT SIM MAS - PES 3

Mas pas...
PES 2

...
'Somare i no'

KOMENRI - PES 15:
Agrikalsa - bakait
bun bilong PNG

KOTIM OL TASOL!

**'Sapos yu husat man i lukim wanem stua i hait na operetim hos res masin,
wantu tru yupela mas go na ripot long ol polis' - Geming Bot - PES 3**

TOYOTA
HILUX
SINGLE CAB

LIMITED EDITION

FREE*
ACCESSORIES VALUED OVER
K3000

• 4x2 and 4x4 • Limited Stock for
Limited Time only

Ela Motors
NATIONWIDE

Offer Valid from 01/02/06 until Stocks last

Conditions Apply

Wok long ileksen i stat

Andrew Molen i raitim

NAMBA bilong ol manmeri long komon rol long vot i planti tumas na sampela nem em ol giaman nem tasol.

Long dispela as Iektorel Komisn (PNGEC) nau i statim wok bilong stretim ol nem long komon rol.

"Ol nem long komon rol i go planti tumas na sampela i no tru.

"Mipela i nogat rait long lo long rausim nem bilong ol man i stap long rol olsem na mipela i laik mekim nupela gen na stretim gut," Iektorel Komisina Andrew Trawen i tok long gavman tok bek so long NBC long Mande dispela wik.

Wok long Hailans i pinis na komisn i lukluk long go long narapela 4-pela rijen bilong kantri.

"Wok bilong stretim nem bilong ol manmeri insait long komon rol em i wanpela bikpela wok olsem na mipela i laik kisim nem bilong olgeta lain husat i nap long vot bai nogat hevi kamap long taim bilong ileksen.

"Mipela i makim Hailans long mekim dispela wok pas long ol narapela bilong wanem ol provins bilong em i

gat moa populesen o manmeri long ol narapela na tu em i ples we planti hevi na trabel i save kamap long taim bilong ileksen," Mista Trawen i tok.

Em i tok tu olsem planti ol ples i stap longwe antap long ol maunten na bik bus olsem na ol i wok long hap pas bai ol i noken i gat hevi bihain, long nogut taim i sot long ol.

"Mipela i stat namel long las yia na pinis long Septemba na Oktoba," Mista Trawen i tok.

Dispela yia stat long mun Mas bai ol i go long ol Niugini Ailan, Sauten na Momase rijen na pinis long mun Jun.

Mista Trawen i tok stat long tete (Fonde, 16, Februari) bai olgeta nem ol i kisim long Hailans bai go insait long Iektorel Menesmen Sistem (EMS) bilong ol long kompyuta.

"Mipela i pinisim wok sam-

pela wik i go pinis long stretim EMS we mipela i bin yusim nambawan taim long 2001 long redi long 2002 ileksen, na nau redi long putim ol nupela nem i go insait," Mista Trawen i tok.

Ol wok long kamapim aweanes long nupela sistem bilong vot, LPV na awenes na rol rejistresen em Mista Trawen i tok i kamap orait na ol i no aburusim taim.

"Nau mipela i redi long go long ol narapela provins, stat long pinis bilong dispela mun (Februari).

Em i tok em i amamas long wok i kamap long Hailans maski i gat sampela toktok olsem sampela manmeri no putim nem bilong ol.

Joe Hilarai, Dairekta bilong Iektorel Etministresen na Margaret Vagi, Dairekta bilong Infomesen na Komyuniti Awenes husat ol i go pas long wok antap long

Hailans na ol bai raun tu long ol narapela provins i tok ol samting i go gut tasol na i nogat wanpela bikpela hevi kamap taim ol i wok.

"Mipela save olsem mipela i mas stretim komon rol bilong wanem ol bipo nem i pulap nating long buk na sampela lain i dai pinis o i nogat kain man o meri stap moa.

"Dispela as mipela i strong long mekim dispela wok," Mista Hilarai i tok.

Em i tok ol i skelim ol nem long bipo komon rol na kanim wantaim namba bilong ol pipel long sensas na i painim olsem i gat bikpela asua i stap long namba bilong ol pipel long komon rol.

Tasol em i tok bekim bilong ol pipel i gutpela tru na planti i amamas long awenes bilong LPV.

Mis Vagi i tok i nogat paul samting i kamap bilong wanem ol fom ol i givim long wan wan provins i gat mak long en na dispela i mekim isi long ol i luksave long wanem fom o pepa em bilong wanem provins.

Bihain long ol i stretim ol nem ol i kisim bai ol i salim i go bek long ol provins ya na husat ol i no bin i stap bai ken givim nem bilong ol.

Ol Is Awin refuji laikim ol developmen program

Veronica Hatutasi i raitim

OL REFUJI o pipel i tusim ples bilong ol long Wes Papua bikos long hevi na i stap nau long is Awin kem, i laikim ol developmen program long helpim bildim gutpela bihain taim long ol yet na ol pikinini bilong ol.

Is Awin kem i stap long boda eria long Westen provins na em i gat samting olsem 2,500 Wes Papua pipel i stap insait long em. Na Yunaitet Nesens Hai Komisn bilong Refujis (UNHCR) na Katolik Daiosis bilong Daru-Kiunga na Dipatmen bilong Boda Afeas na Spesel projek i save lukautim ol dispela refuji pipel.

Long dispela wik, ol komyuniti lida long Is Awin kem i bin bung wantaim bikman bilong UNHCR i makim Australia, Nu Silan, PNG na Saut Pasifik em Neil Wright na Wallaya Pura i makim UNHCR PNG opis na Proteksen opisa Fadeal Novak na ol arapela bikman moa long provins.

Ms Pura i tok ol komyuniti lida i bin givim ol wanpela petisen we ol i askim long ol humen developmen program long helpim ol i tusim pasin bilong wetim helpim ol taim na ol i ken bildim strongpela na gutpela bihain taim long ol yet na ol pikinini bilong ol.

Ms Pura i tok taim grup i kam bek long Mosbi, ol bin bung wantaim sampela bikman long gavman na ol Diplometik Kops wantaim tu ol lain i makim ol intenesenel ogenaesen.

Mista Wright i bin tok tenkyu long gavman bilong PNG long gutpela wok kamap stat yet long taim ol bin opim gem opis bilong UNHCR long yia 2003.

Em i tok long tripela yia ya, gavman bilong PNG i givim tok orait long olgeta refuji long Is Awin long stap long PNG, givim ol bet setifiket long ol refuji pikinini we mama i karim ol long PNG. Wankain tu ol i mekim long ol lain i stap long 17-pela setelmen long ol boda eria bilong PNG na Indonesia. Na olgeta refuji husat i kamap long kantri long Disemba 2000 em ol i putim ol i go long Is Awin kem.

Ol ples Iektorel Komisn bai go raunim long dispela yia

Provins	De
Nesenei Kapitel Distrik (I ron nau)	Februar 8 - 28
Manus, Noten, Westen na Sandaun	Mas 6 - 31
Nu Ailan, Milen Be, Galp na Is Sipik	Epril 10 - Me 5
Is Nu Briten, Sentrel na Madang	Me 8 - Jun 2
Wes Nu Briten na Morobe	Jun 5 - 30

RABAU SHIPPING LIMITED HAS THE FOLLOWING VACANCIES

RABAU OFFICE

Personnel Manager

At least five (5) years experience in a comparable position organizing overseas and Papua New Guinea employees.

- . A good knowledge of Labour and Immigration laws and procedures is essential.
- . Knowledge of sea going staff will be of assistance.

Preference will be given to Rabaul based applicants, but accommodation will be provided for an exceptional candidate from outside of Rabaul.

Please send no more than a 2 page letter including reference details.

Junior Legal Officer

We are looking for a recently graduated lawyer to be based in Rabaul. For further details, please write to Mrs. L. Sharp, PO Box 276, Rabaul, East New Britain Province including details of degrees.

Sea Staff

For our expanding fleet of passenger ships, we have the following vacancies:

Master 4	2	Positions
Master 5	4	Positions
Engineer 1	2	Positions
Engineer 2	3	Positions
Engineer 3	3	Positions
Engineer 4	5	Positions
Engineer 5	5	Positions

All positions are open to both genders. Reply to PO Box 276, Rabaul, East New Britain Province, Attention: Managing Director

Mauspas i autim tok



AUTIM TOK: Maski maus bilong em i pas, em i no stopim dispela man long autim tok bilong bikman long Goroka taun.

James Kila i raitim

ATING planti manmeri long Goroka taun long lsten Hailans provins i mas lukim pinis dispela mauspas man husat i save karim buk Baibel na go het yet long traim autim tok bilong God. Planti manmeri long Goroka i bin guria tru long lukim dispela man husat maus bilong em i pas tasol em i save karim wanpela megafon o spika we ol i save yusim long toktok na em i save givim toktok namel long Goroka taun stret.

Wantok Niuspepa i bin bungim dispela man i givim toktok long Lopi Strit long Goroka na i kisim poto bilong em. Tru tumas, taim em i laik

statim toktok ol manmeri i save go pulap tru na lukim wanem kain ol eksen em i save mekim. Sampela lain i tok olsem dispela man em bilong Mendi o Ialibu long Sauten Hailans provins na dispela yia tasol em i muv i kam long autim tok bilong em long Goroka taun.

Sore tru, sapos yu nupela man o meri i lukim em bai yu bai guria tru bikos em i no save toktok. Em i save kamapim ol pairap long maus olsem "tetete, d a d a d a , mememememe" na dispela i save mekim planti ol lain i save go bung na lukim em. Planti taim em i save mekim kain kain stail olsem tromoi lek i go kam olsem em i laik

kung-fu o samting. Em i save wokabaut i go kam klostu klostu na mekim ol kain kain toktok bilong em. Planti taim ol manmeri i no save long wanem ming bilong ol toktok em i givim bikos dispela ol toktok em 'dadadada, mememe, tetetetete...' tasol. Wantok i traim long kisim nem bilong em, tasol sore tru. Olsem wanem bai yu kisim nem bilong em. Sampela lain i tok olsem dispela stritman bilong autim tok i save long rit na rait tasol dispela ol toktok i tru o nogat, em yumi no save nau.

Tasol bikpela samting em bagaros ya i save karim buk Baibel na sanap holim laut spika na givim toktok bilong em namel long Goroka taun na pulim planti manmeri.

Planti taim dispela mauspas strit-pritsa i save sanapim ol lip diwai na ston na traim long kamapim sampela kain piksa we ol lain husat i sanap bung bai i ken kisim ming bilong em. Sampela taim em bai kisim K2 bilong ol man na soim sampela piksa gen na bihain tromoi K2 ya i go daun long graun na wantu tru em bai muv i go na holim baibel bilong em na mekim toktok ya 'tetetetete, mamamamama' na surukim yet toktok bilong em yet i go.

K4 milien i lus nating

Andrew Molen
i raitim

...i gat bilip olsem ol man i paulim

POLIS bai sekim K4 milien we i lus long dipatmen bilong fainens na tresari we ol i bilip olsem sampela ol bikman long gavman i bin traim paulim.

Tasol wok long painimaut long dispela i bin kirap wantaim memba bilong Anglimp Saut/Waghi na siaman bilong palamen komiti bilong foren afeas, Jamie Maxtone-Graham.

Las wik long Palamen haus, Mista Maxtone-Graham i givim olgeta pepa bilong wok painimaut bilong em, we i gat ol giaman sek, kot pepa, giaman tok orait na ol narapela, i go long deputi komisina bilong operesen, Gari Baki husat i tok polis bai kisim dispela olsem wanpela komplek na i lukluk long en.

Mista Maxtone-Graham i mekim wok painimaut bilong em yet stat long mun

Februari las yia (2005) bihain long em i go long benk long kisim mani long wanpela sek tasol ol lain long fainens i stopim dispela sek na em i no kisim mani.

"Dispela i bin mekim mi belhat bilong wanem mi no inap kisim mani na helpim ol pipel bilong mi.

"Long hap nau mi yet olsem wanpela lida i kamapim wok painimaut long save wanem as tru na ol i stopim sek bilong mi bai mi no inap long kisim mani long en," Mista Maxtone-Graham i tok.

Em i tok em i painim olsem planti mani i wok long go aut nating nating long dipatmen bilong kain kain wok na i go long kain kain man.

Mista Maxtone-Graham i tok em i luk-save long nem bilong 6-pela man husat em ol bikman na em i tok sampela moa wok bai ken painim ol narapela

husat nau yet nem bilong ol i no klia tumas.

"Ol haus sik i sot long marasin, rot i bagarap na ol papamama i painim hat long skul long dispela taim na i gat sampela lain i hait na stilim mani bilong ol pipel i stap na dispela i no gutpela," Mista Maxtone-Graham i tok.

Mista Maxtone-Graham i tok dispela ol traipela mani i save go aut isi tru wantaim tok orait bilong ol lain long dipatmen bilong Atoni Jenerel na jastis na nogat man i save askim wanpela samting.

Em i gat bilip tu olsem ol lain i stap insait long dispela pasin i save wokbung wantaim, we sampela bilong ol i stap long dipatmen bilong fainens, dipatmen bilong Atoni Jenerel, sampela long nesene kot sistem na sampela ol autsait man tu.

Mista Maxtone-Graham i tok em i amamas long Praim Minista Sir Michael Somare na gavman bilong em long wok bilong ol long strongim bek ekonom bilong kantri tasol em i tok i gat planti man i stap husat i save hait na paulim mani bilong ol pipel.

Deputi Polis Komisina, Baki i kisim ol pepa long Mista Maxtone-Graham na i tok polis bai no inap go het na holim ol man nating tasol sampela moa gutpela na bikpela wok painimaut bai kamap wantaim halivim bilong Mista Maxtone-Graham bipo long ol i ken holim ol man na sasim ol.

"Dispela em i hevi bilong Frod (pasin bilong paulim mani) na em bai go stret long Frod Skwat long lukluk long en," Deputi Komisina Baki i tok.

Em i tok amamas tu long wok Mista

Maxtone-Graham i mekim we i helpim polis na kantri tu long pait agensim pasin korapsen.

"Polis i laikim kain sapot olsem bilong ol lida long helpim long holim ol lain i save paulim mani bilong kantri.

"Polis i laikim tu sapot bilong ol pipel long mekim wok bilong ol," Deputi Komisina Baki i tok.

Long wankain taim Mista Maxtone-Graham i tok tu olsem em i amamas long tokaut long polis na lo long kain ol paul pasin i kamap na em i singaut long husat manmeri no laik tokaut ples klia long i kam toktok long em bai em i kisim i go long polis.

"Em wan wan lain tasol i save kamapim dispela kain bikhet pasin, olgeta narapela PNG manmeri em ol gutpela lain tasol ol i pret long tokaut nogut bai ol i kisim hevi," Mista Maxtone-Graham i tok.



WANTOK

POLITIKS i wok long strong bek gen nau ileksen i wok long kam klostu. Ol bikman we ol i haitim pes bipo, nau i wok long kamap ples klia.

Plantitok win i bin raun olsem bai gat sampela senis i kamap insait long gavman na ol ministri bipo long ileksen. Sapos yu laik ritim ol stori bak-sait long ol dispela tokwin, ritim WANTOK SISTEM we i save kamap olgeta wik insait long niuspepa bilong yumi ol grasruts ya.

TRU TUMAS, sampela pati i wok long bungim ol memba bilong em na ol i wok long raun i go long ol bikpela wok na bihainim praim minista raun. Ating ol tok win i bin raun bipo klostu bai ol i karim kaikai nau. Mipela i lukluk i stap.

GUTPELA tok lukaut i kam long wanpela as ples man i stap long sait bilong ol bikpela haiwe insait long sentrel provins. Em yet i sindaun na lukim hevi i kamap long ol pipel bilong em na i nogat wanpela halivim i kam long ol bikman memba bilong ol. Olsem na tok lukaut i go pas pinis - 'Noken kam painim vot long Haiwe'. Ating yumi olgeta i mas mekim olsem ah?

SAMPELA memba insait long Mosbi siti yet i wok long sindaun nating na haitim pes bilong ol inap tripela yia na ol rot insait long ilektoret bilong ol em maus bilong ol hul long rot i klostu groim tit bilong katim ol wil bilong kar nau. I mobeta olsem mipela i noken votim bek ol dispela giaman man husat i no save lukluk long ol pipel bilong ol i votim ol. Nogat. Bai ol i tromoi ol giaman tok promis nabaut long winim vot bilong ol manmeri, na bihain bai ol i lus tingting long ol na lukluk moa long strongim ol liklik bisnis bilong ol yet.

Pablik mas kotim ol hos res masin bisnis



PIPIA SAMTING: Ol wokman bilong Nesene! Geming Bot wantaim IRC na Goroka polis i brukim 9-pela hos res masin na redi long kapsaitim kerosin long kukim ol long Kafana pipia ples.

James Kila i raitim

OL MANMERI long pablik insait long kantri i mas tokaut sapos ol i lukim ol lain stua bilong ol Esia man o bisnisman i hait na kisim mani long ol hos resis masin.

Hos res masin i wok i stap insait long PNG i brukim lo bilong kantri.

Rejistra bilong Nesene! Geming Bot, Joe Krammer i tokaut long dispela las wik long Goroka taim em wantaim ol opisa bilong em i bin go long Isten Hailans na brukim na kukim 9-pela hos res masin.

Dispela ol masin em gavman i tambu long en pinis insait long PNG bikos em i no bihainim lo bilong Geming Ekt bilong kantri.

Mista Krammer wantaim ol

opisa bilong em i bin go long Isten Hailans na wantaim halivim bilong ol opis bilong Intene! Revenu, Kastoms na polis ol i karim ol dispela 9-pela hos res masin i go daun long Kafana rabis ples na kukim ol dispela masin. Ol dispela masin ya em polis long Isten Hailans i bin painim long ol stua bilong sampela lain Esia long Kainantu na Goroka.

"Sapos yu husat man i lukim wanem stua i hait na operetim hos res masin, wantu tru yupela mas go na ripot long ol polis," Mista Krammer i bin tok.

Em i tokaut tu olsem nau yet opis bilong em i wok long kisim sampela ripot olsem sampela ol lain bisnis lain bilong Esia husat i stap long kantri i wok long hait tasol na pilai dispela hos res masin.

Dispela hos res masin i bin

kamap wanpela bikpela hevi tru namel long ol liklik pikinini na sumatin we i lukim ol i no skul gut bikos ol i save go pilai dispela hos res masin olgeta taim. Plantitok win i save tromoi nating mani we ol papamama i givim ol long baim kaikai i go long ol dispela hos res masin.

Las yia, Nesene! Geming Bot wantaim halivim bilong polis, kastoms na tu ol IRC i bin mekim wanpela bikpela operesen long kantri long holim pas dispela ol lain husat i operetim dispela ol hos res masin.

Mista Krammer i tok long Goroka olsem em i tenkyu tru long ol dispela lain olsem ol polis, IRC na ol narapela wokman husat i helpim ol long rausim ol hos res masin las yia insait long dispela bikpela operesen ol i bin kamapim.

Narapela bikpela stori em Wantok i bin kisim long Rejista bilong Nesene! Geming Bot, Mista Krammer em olsem opis bilong em i wok long wetim yet wanpela tok orait o toksave i kam long gavman na ol lain long ovasis husat i papa bilong sampela ol prodak we sampela lain i wok long salim insait long PNG.

Dispela ol prodak em planti bilong ol em ol i wokim long Saina na i no trupela prodak. Ol i giaman samting tasol. Taim wanpela manmeri i baim ol dispela samting bai yu painimaut olsem em bai i no inap stap longpela taim na em bai bagarap. Narapela samting tu em bai yu lukim olsem prais bilong ol dispela samting i no antap tumas, tasol wankain bren o samting olsem long ovasis em prais bilong em bai antap tru.

WANTOK

Hey Wantok do you want to reach the enormous Pidgin market in PNG?
Than you need to talk to us now!

We can help you with all your advertising requirements...printing and design, translation and of course insert quotations.

Call your WANTOK advertising team now for an obligation free quotation.

PH: 325 2500, FAX: 325 2579

Email: word@wantok.com.pg

advertising@wantok.com.pg

OL RIPOOT LONG NAITKLAB NA PATI PLES WOK PAINIMAUT WANTAIM VERONICA HATUTASI

Naitklab strongim pasin nogut

I gat bikpela sapat long kamapim long bilong kontrolim ol samting naitklab bikos planti yangpela pipel na ol famili i wok long bagarap. Na sik AIDS i wok long go bikpela bikos long ol samting i save kamap long ol naitklab i save pulim tingting nogut long pipel.

Kodineta bilong HIV/AIDS Ministri wantaim Pot Mosbi Katolik Asdaiosis, Pater Jude Ronayne-Forde OFM i tok bihainim planti bikpela toklok i kamap long ol nait klab, ol pikinini manmeri we krismas bilong ol ino inap long go insait long ol naitklab na wokim pasin nogut, pasin bilong ol manmeri i slip wantaim (sex) na Entatenmen bisnis, ol naitklab em ol ples nogut long bagarapim PNG long HIV/AIDS.

"Ol nait klab em ples bilong ol manmeri i bung wantaim long "entertainment" - long bung wantaim singsing na danis, dring bia na spak na tu long lukim ol samting olsem ol seks-pilai na long mekim pasin pamuk.

I gat ripot i bin kamaut bipo i bin tok olsem, bikpela hap bilong ol lain i save raun long nait klab, ol i save mekim pasin pamuk.

"Ating yumi mas klia long dispela samting. Nait Klab i save sapatim HIV i kamap bikpela insait long PNG. I gat saplai long ol seks-woka (ol pamuk meri) long planti nait nlab. Planti yangpela meri na ol boi tu - ol "underage" i save kamap seks-woka long nait klab. Na planti pilai ol i wokim long Nait Klab i save kirapim ol man na meri bilong pamuk nabaut bihain long lukim dispela pilai.

"Tok i klia na ol bosman bilong ol nait klab i no ken traim long ronawe long pasin nogut i save kamap long bisnis ples bilong ol. "Yupela i opim dua na wokim bisnis na kirapim ol program i save sapatim ol dispela pasin nogut.

Kamapim naitklab lo

Veronica Hatutasi i raitim

...Ol sios mas wok wantaim long daunim AIDS hevi

SINGAUT i go long Palamen Komiti i wok long lukluk long ol Naitklab na Pati Ples long glasim Seks, 32.1 long Samari Ofens Ekt na wokim lo long stopim ol pasin nogut i save kamap insait long ol Naitklab na Entateinmen (Pati) bisnis.

Long wankain taim tu, singaut i go long ol sios grup long sanap na bung wantaim na kamap papa (take ownership) long ol wok na pait long daunim HIV/AIDS.

Pasto Daniel Hawali em Siaman bilong Nesenel Kapitel Distrik Provinse! AIDS Kaunsel (NCD PAC) na Feit Beis Ogenaisesen (FBO), Reveren Robert Sanasi i Siaman bilong NCD Ministas Fratenel na Isu Aluvula em HIV/AIDS Rispons Kodineta bilong NCD PAC i wokim ol dispela toklok long wanpela bung long tokaut long

wari na sanap bilong ol long Naitklab; na Entatenmen bisnis long PNG na bagarap em i kamapim long komyuniti na kantri.

Ol FBO i makim 200 kongrikesen na 100 pasto na 200,000 pipel insait long NCD.

Tripela bikman i tok ogenaisesen bilong ol i luksave olsem Naitklab bisnis bai i stap long PNG tasol gavman i mas wokim long stopim ol pasin nogut i kamap insait long ol bikos ol i strongim HIV/AIDS i kalap long planti moa pipel.

"Ol FBO i gat bikpela wari long ol ges haus na loj we i wok long karimaut ol (immoral) ol deti pasin nogut. Ogenaisesen bilong mipela i lukim ol Naitklab olsem ples we i save pulim tingting bilong ol man, moa yet, ol yangpela, long wokim pasin nogut, olsem ples we i

save strongim paia long ol doti tingting long wokim pasin nogut. Mipela i luksave olsem ol Entatenmen bisnis bai stap tasol long leit 1980's, moa klab i kam insait na sampela i no bihainim long na kisim ol kain kain samting i no stret i kam insait.

"Mipela i save olsem planti ol entatenmen bisnis na haus i laik wokim ol samting i bihainim lo, tasol i nogat lo long kontrolim ol samting i save kamap insait long ol naitklab," tripela bikman ya i tok.

Reveren Sanasi i save lukautim Sione Kami Memoriel Yunaitet Sios i tok strong long hevi we ol naitklab i kamapim long ol famili na yangpela pipel na i autim tok i go long ol sios na pasto long wok bung wantaim long daunim ol sosel hevi we i brukim ol famili na apim sik HIV/AIDS long kantri.

ges haus na loj i wokim we i brukim lo;

"Singautim Palamenteri Komiti i lukluk long ol Naitklab na Enteteinemen bisnis long kamapim stret lo bai lukautim Enteteinemen bisnis;

"Palamenteri Komiti i givm mani long karimaut wok painim long Enteteinemen bisnis insait long NCD kwik-taim;

"Singautim long ol Enteteinemen bisnis long kamapim Asosiesen na ol bai gat luksave long ol sosel hevi na wok wantaim ol grup olsem ol FBO olsem ol patna long daunim;

"Singautim Palamenteri Komiti long glasim Seks 32.1 long Samari Ofens Ekt na putim lo long stopim ol pipia pasin i save kamap insait long ol naitklab, ges haus na loj na

"Singautim ol sios na ol pasto long kamap papa long ol wok bilong pait egensim HIV/AIDS insait long NCD.

Tripela bikman i tok ol pasto na pater i mas toklok long HIV/AIDS taim ol i givim semon long sios.


"Ol sios i mas kam wantaim no wok wantaim long kamap papa long daunim ol hevi na kamapim gutpela senis long ol famili, komyuniti na kantri. Wei ol naitklab i go long em i kamapim pret pasin na em i taim nau long gavman i kamapim lo na go hetim ol rekomendesen o tingting long PNG i ken wok-about gut aninit long han bilong Bikman we Mama Lo bilong kantri i tokaut olsem PNG em i wanpela Kristen kantri," Reveren Sanasi i tok.

NCD PAC na FBO wantaim Ministas Frateniti i bin kamapim 7-pela rekomendesen o tingting long gavman long traim kamaoim lo long kontrolim ol naitklab na daunim sik HIV/AIDS long siti na kantri. Em long;

"Singautim NCDC long karimaut wok painim na glasim ol naitklab, ges haus na sekim ol laisens bilong ol;

"Singautim ol loman olsem polis long stopim ol samting ol naitklab,

Man amamas long Ramu Suga



TENKYU LONG BLESING: Mista Zambe i sanap holim sekmani em i winim long resis Ramu Suga i mekim.

Andrew Molen i raitim

TENKYU: Skul fi mani bilong ol pikinini em i wanpela hatpela samting long painim na long sampela husat i no wok, em i hat moa yet. Tasol i gat taim we gutpela samting i save kamap. Paul Zambe bilong Morobe provins em i wanpela laki man husat i winim K500 long wanpela resis bilong Ramu suga long baim skul fi bilong pikinini bilong em.

"Tupela yia mi nogat wok na mi painim hat long skul fi bilong pikinini na nau mi laik tok tenkyu long God long blesing bilong em na Ramu Suga long givim mi dispela sans," Mista Zambe i tok.

Mista Zambe i lukim dispela resis insait long Wantok Niuspepa na i tok em i traim tasol, em i no ting em bai win. Tasol taim em i kisim toksave olsem em i win em i no bilip. Em yet i kam long opis bilong Wantok long autim dispela tok tenkyu bilong em.

Ramu Sugar bai salim planti pikinini i go bek long skul

RAMU SUGAR

back to school FEES

K100,000

bilong ol skul fi long winim

Baim paket Ramu Sugar long stap insait long dispela tesis.

Raitim bekim long entri fom na pasim wantaim wanpela paket i nogat suga long en long soim olsem yu bin baim.

Salim entri bilong yu i kam long Ramu Sugar Back To School Promotion C/- Locked Bag Service Lae, Morobe Province, o putim insait long entri bokis i stap insait long wan wan ol stua.

Dro o taim bilong painim ol wina bai kamap long Fraide long olgeta wik stat long namba 27 de bilong mun Januari na bai pinis long namba 24 de bilong mun Februari.

Ramu Sugar back to school promotion

Name:.....

Address:.....

Phone:.....

POST TO:
Ramu Sugar Back to School Promotion.
C/-Locked Bag Services
Lae,
Morobe Province
Papua New Guinea

Bai i gat 40 manmeri i ken winim K500 wan wan wik inap long 5-pela wik olgeta

Dispela resis bai pinis wantaim las entri o pas ol i kisim long namba 24 de bilong mun Februari.

Bogenvil laikim Elementeri tisa trening



WELKAMIM: Oi yangpela meri Buka i wokim kain stail Solomon danis long opim bikpela edukesen bung long Buka long dispela wik na welkamim ol bikman.

Veronica Hatutasi i raitim

OL Elementeri skul tisa i mas kisim trening bipo ol i kisim ol long wok, ol pipel bilong Bogenvil i tok strong oisem.

Provinsel Edukesen Seketeri bilong Bogenvil, Tony Tsora i tok planti papamama na pablik long Bogenvil i no laikim bai ol manmeri nating i nogat

skul long wok tisa i skulim ol pikinini bilong ol.

"Em i bikpela wari long Bogenvil long ol elemeteri tisa. Bikpela egensim stret i kamap long ol papamama. Ol i laikim bai ol Elementeri tisa i go skul na kisim trening long wok pastaim bipo ol i putim ol long wok.

"Ol i tok ol dispela elemeteri skul yia i bikpela samting bikos em ol faur-

desen yia na ol samting we ol pikinini i lainim long dispela taim bai helpim ol long kirapim tingting na save bilong ol long skul na bai stap olsem stia long skul na laip bilong ol long bihain taim," Mista Tsora i tok.

Em i tok wanpela rivyu komiti bai lukluk long Edukesen sistem long Otonomes rijen bilong Bogenvil na dispela bai wanpela long ol tu.

Ol skul i save kisim ol yangpela manmeri we ol komyuniti lida na sief i makim long kamap olsem ol tisa long Elementeri level na bihain taim ol i wok tisa, ol i save wokim ol insevis kos long helpim ol long save long wok tisa.

Elementeri skul level i hap long nupela Edukesen Rifom we kantri i go hetim long yia 1995 na i go het yet.

Gavman bai saptim edukesen long Bogenvil

EDUKESAN Minista Michael Laimo i tok Nesenel Gavman bai saptim edukesen na ol wok developmen long dispela eria insait long Bogenvil.

Mista Laimo i wokim dispela toktok long bung bilong Nesenel Edukesen Bot (NEB) bung long Buka long dispela wik.

Em i tok dispela rivyu o glasim edukesen sistem long Bogenvil em wanpela task Fos i karimaut bai helpim Otonomes Bogenvil Gavman (ABG) long glasim nesenel edukesen sistem na kamap wantaim wanpela sistem long Bogenvil bai helpim ol pipel long rijen.

Na Mista Laimo i tok em i laik lukim dispela rivyu ripot.

Em i tok rivyu ya em i bikpela samting na ol edukesen atoriti long rijinel (Otonomes rijen) na nesenel bai lukluk long kisim sampela gutpela samting long en.

Komiti i gat sampela ol biknem Bogenvil pipel long Edukesen olsem Dairekta bilong Opis bilong Haia Edukesen Dokta William Tagis olsem Siaman na ol arapela bikman moa long nesenel na provinsel edukesen Dipatmen.

NEB bung long Bogenvil i glasim ol polisi bilong gavman long edukesen sistem na wok long mesim sistem, kisim kwaliti edukesen i go long ol ruel eria aninit long distrik semis impruvmen program, 10 yia Nesenel Edukesen Plen, ol skul i mas kamap self rilaien na i no lukluk long gavman i helpim ol tasol.

Noken bagarapim ol skul propeti

Veronica Hatutasi i raitim

OL komyuniti i kisim strongpela askim long lukautim ol skul na ol klasrum na ol arapela bilding long gutpela bilong ol pikinini bilong ol.

Edukesen Minista Michael Laimo i wokim dispela singaut long toktok bilong em long opim Nesenel Edukesen Bot miting long Buka long dispela wik.

Bihainim planti bagarap long ol skul bilding na ol arapela propeti ol sumatin na komyuniti i wokim long ol skul, Minista Laimo i apil long ol skul Etministreta, papamama na komyuniti long lukautim ol skul propeti, klasrum, haus tisa na ol arapela skul bilding.

"Skul i bilong komyuniti na komyuniti i mas amamas na lukautim ol skul long ol birua olsem ol raskol husat i save stilim ol samting. Bai ol wok mentenens i mas go het yet. Mi apil long ol provinsel atoriti na ol skul bot long karimaut ol mentenens na ol skul i ken operet gut long skulim gut ol pikinini inap long skul yia i pinis," Mista Laimo i tok.

Minista Laimo i bin wokim wankain singaut tu long ol papamama na sumatin long Sogeri Nesenel Hai skul husat i bin statim skul wanpela wik bihain long 2006 skul yia bikos sampela Gret 12 sumatin long las yia i bin spak na bagarapim ol haus slip, toilet na lait long skul.

Best Brand...Liklik Prais!

Long olgeta droa bai igat NIU Praiz long...

K60,000.00

K55,000.00

K45,000.00

K40,000.00

K30,000.00

K25,000.00

K20,000.00

K15,000.00

K10,000.00

K 5,000.00

AKITA EN21-83N #103794
21" KALA TV
• saun sistem: BK,DK1 • geim entateinmen
• 255 posisenol sistem • rimot kontrol
Bipo Kes K295

LONG FOTNAIT K28 **KEB MONI K699** **DIPPOSIT K1.00** **KEB MONI K699**

ENZER DVD Pleia #E5518X #114831
• pilaim DVD, DVD-R, DVD-RW, VCD, SVCD, MP3, CD, CD-R, CD-RW, piksa-CD (jpeg) • rimot kontrol • lait well

LONG FOTNAIT K17 **KEB MONI K399** **DIPPOSIT K1.00** **KEB MONI K399**

SANYO BIG300K #224794
Isi-Long-Karim Pawa Kaset Redio
• 65Wats/Pawa P.M.P.O.
• BeisXpanda • AC/DC
• FM/MW/SW1/SW2
Bipo Kes K225

LONG FOTNAIT K10 **KEB MONI K199** **DIPPOSIT K1.00** **KEB MONI K199**

PHILIPS FW-V357 #202967
VCD Mini Hi-Fi Sistem
• 80W RMS/1500W P.M.P.O. • CD/VCD/CD-R/CD-RW/MP3 pb
• Fulap long ol Karaoke stail • Digital Sound Kontrol

LONG FOTNAIT K50 **KEB MONI K1,299** **DIPPOSIT K1.00** **KEB MONI K1,299**


BAIM NAU SEIVIM NAO

The Courts Price
The Lowest Price Anywhere!

COURTS
Edim valu Olgeta deil

PORT MORESBY - OP 7 PELA DEI # 302 5800 or kam long Spring Garden Rot, Gordons / LAE: OP MON-SAT # 472 4800 or kam long Milfordhaven Rot, Lae, Morobe Province.

TOKSAVE: Courts Retail Finance i new long go apil Kam iukit oipela long kisim moa kolosen. Courts i K1.00 DIPPOSIT bipo na bilong yu. Kam i ukit oipela long bipo moa kolosen long oipela Lae. Diposit bilong PMS. *Tasa oipela i masim long ul kaga long oipela ententeinmen long bipo moa kolosen na bai nogat kolosen long dispela seri. *Mipela ipit lai long strein len ol suka bama long ol kolosapa moventimen. Ol laip em stia long itoe taim mipela kolosen dispela ad-ententeinmen. Wantaim kaga halina stia long haripela stail. *Self bai PMS - 21/01/06



STRETIM ROT: WANPELA kontrakta wantaim ol wokman bilong em i stretim rot namel long Yalu ples na 14 Mail. Dispela ples em taim bilong ren, kolta i bruk na planti pot hul i bin kamap. Olsem na dispela kontrakta kampani i putim kolta na pasim. Dispela em kam aninit long K6m, we Morobe Provinsel Gavman i putim mani long stretim rot insait long Lae siti.

Lae polis holim tupela man long dai

Bustin Anzu i raitim

POLIS long Lae i holim pasim tupela man na askim tupela long dai bilong wanpela man Sentrel husat i bin dai long ples Omisis, insait long Gabensis long Lae.

Dispela birua i bin kamap long Omisis Forestri Rises Senta, we polis i tok tupela man ya bin kilim dai dispela wokman bilong fore-

stri. Dispela hevi i bin kamap long wanpela nait long las wik, we dispela wokman bilong forestri i laik waswas ausait long haus bilong em taim tupela man ya bin ronim em na sutim em long bus naip na dai long sem hap.

Man ya i gat 26 krismas na em i marit na ol i gat wanpela bebi. Wanpela bilong dispela tupela

trabel man i go long han bilong polis long neks de na narapela i bihainim em.

Polis i sasim tupela wantaim na tupela bin kamap long Lae distrik kot long dispela wik.

I bin gat traipela mak bilong sap samting i sutim dai dispela yangpela man na polis i holim pas naip we ol i yusim long kilim dai dispela man Sentrel.

RABAU SHIPPING LIMITED
PO BOX 276, RABAU, ENBP
PAPUA NEW GUINEA

Phone: 982 1070, 1071, 1072, 1073; Fax: 982 1955; Email: kulapom@online.net.pg

TO ALL SCHOOLS AND EDUCATIONAL INSTITUTES

We have been offered a large number of fake student identification cards, which we are advised, are being produced in Buka and Morobe for K10.00 per card.

Would every school or education institute who will have students traveling in 2006/2007 please submit to our Rabaul office a copy of a bona fide identification card issued by your properly authorised learning institution.

It is easier for the traveling student if they have an identification card showing their photograph and signature.

When making identification cards for your students who maybe at your institutions for more than one year, for the sake of returning students, we suggest you put in a validity date that would reasonably cover their return date if they will be continuing into 2007.

For those students who do not have identification cards, please contact us and we will send you our cards with instructions.

Students joining new schools in the absence of identification cards, please have proof of acceptance plus proof of payment of fees.

In 2006, we will be reluctant to accept any faxed copies of letters etc. We require original documents.

For any genuine students who may have been inconvenienced, we apologise.

Management
Rabaul Shipping Ltd

Rausim kopi takis

...Ol liklik groa i no wanbel

Bustin Anzu i raitim

OL liklik manmeri husat i save planim na baim kopi (small holder coffee growers) i no wanbel long tingting bilong Gavman long putim takis long ol kopi. Na ol i laikim bai gavman bai rausim dispela (GST) takis.

Gavman i putim dispela takis long Januari 1, 2006 na samting olsem 362,000 husat i save planim na baim kopi i pillim olsem dispela bai bagarapim ol wan sait na ol i laik bai gavman i mas rausim kopi takis ya.

Kopi Indastri Koporesen (CIC) sif eksekutiv opisa Ricky Mitio i tok long Lae olsem planti bilong ol dispela growa i save stap insait long ol ples we laip i hat, wantaim liklik luksave bilong gavman na i no save kisim bikpela mani.

Mista Mitio i tok CIC i bin toktok strong wantaim dispela tingting bilong rausim takis long 2002, taim gavman i kamap wantaim dispela tingting long putim takis long ol kopi growa.

Dispela, em i tok, ol growa i kisim bikpela hevi olsem ol i putim tupela takis wantaim long wanem, ol i peim pinis takis long prodaksen i kam insait na nau bai ol i peim narapela takis bilong go aut.

"Dispela em dabol takis," em i tok. Bikpela tingting nau i stap long ol growa i pusim tingting long gavman

mas rausim dispela takis.

Bosman bilong CIC Mitio i tok CIC i bin tok pait wantaim gavman na Internal Revenue Komisn (IRC) long dispela takis tasol IRC i nogat baset long dispela.

Long narapela wankain story, Mitio i tokaut olsem gavman i no peim mani bilong surety fi aninit long dispela grin revolusen polisi

Aninit long dispela program, CIC i save karim kopi long ol ples i go long ol maket, aninit long dispela luksave long skelim pei bilong karim ol kopi (shared cost basis).

Long kamapim dispela wok, gavman i mas baim K1 milien i go insait long wanpela fan long mekim dispela wok. CIC wantaim gavman wantaim mas lukluk long hevi bilong kopi olsem kina-kina.

Mitio i askim nesinol na Provinsel gavman long lukluk long dispela mani.

"Nau yet, Enga Provinsel Gavman i peim K200 000 long sait bilong em," Mitio i tok.

Em i tok tu olsem Morobe Provins i gat planti kopi beg, samting olsem K20, 000 kopi beg i stap insait long ol haus lain long ples, we ol i wet long kisim i kam aut long ol maket long Lae. Tasol Morobe Provinsel Gavman i no putim sampela mani long dispela wok.

Las yia, Nesenel Gavman i givim K500, 000 long mekim dispela wok.

Sekim gut wok bilong Lutheran Siping

Bustin Anzu i raitim

PLANTI ol Kristen bilip manmeri bilong Evanjelikel Lutheran Sios bilong PNG (ELC/PNG) i bin askim sios bilong ol long lukluk gut insait long ol wok bilong Lutheran Siping (Luship).

Reveren Giegere Wenge, husat i bin lus long resis long kamap namba wan bisop long bikpela sinot bilong Lutheran sios long Wasu, insait long Morobe provins long las mun, i mekim dispela toktok.

Em i tok olgeta buk bilong dispela ol sip bilong misin i mas gat wok painim aut long luksave sapos olgeta wok i ron stret. Dispela siping grup mas gat bod bilong em yet na ino ken kam aninit long Kambang Holdings, we nau i wok long lukautim olgeta wok wantaim.

Long dispela sinot,

wanpela ripot we Kambang Holdings i soim kam aut ples klia i soim olsem ol menesmen bilong Kambang Holdings i feil long kamapim ripot bilong ol yia namel long 2001 i go long 2004.

"Long ol yia 2001, 2002, 2003 na 2004, Kambang Holdings inap long kamapim ol bisnis ripot na bod inap long kamapim ol nupela rot, wantaim strongpela as tingting olsem ol samting bilong misin i stap olsem wanem na lukluk long helpim wok misin insait long kantri.

"Kambang Holdings inap long lukluk long mekim ol dispela wok. Tasol ol dispela samting ino kamap insait long siks pela mun bilong 2005 na bod ino gat gutpela sapot i bin tok olsem Kambang Holdings Limited i mekim ol los insait long ol operesen bilong em," dispela ripot i bin tok.

Insait long dispela ripot pepa, KHL inap long peim 10 pesen reit, samting olsem K150, 000, insait long dispela K1.5 milien bilong sios investment long Lutheran Siping.

Insait long wankain taim, wanpela sinia wokman bilong Luship i sutim tok long ol menesmen bilong KHL i mekim planti paul pasin wantaim wok bilong siping operesen.

Em i tok sip i save mekim planti mani long ol ron bilong olgeta sip tasol ol ino save peim ol wok man meri bilong ol stret o sampela taim, peim ol bihain long tupela de samting.

"Bipo, mipela save kisim pei long Trinde, tasol nau mipela save kisim long ol Fraide o nogat long ol Mande," em i tok.

Em i tok ol menesmen bilong KHL ino tok klia long ol dispela kain paul pasin bilong ol.

Taitwara bagarapim Dei



BLOKIM TAITWARA:
Taitwara i laik go insait long haus na dispela mama i traim long blokim.



GADEN BAGARAPIM:
Ol famili i sekim ol gaden kaikai bilong ol bikpela ren na taitwara i bagarapim.

Aloysius Aisi i raitim

OL pipel bilong Lowa Dei insait long Westen Hailans i singaut long ol helpim long ol provinsel na nesanel lida bilong ol kwiktaim bihain long taitwara i bagarapim ol haus samting na ol gaden kaikai bilong ol. Na nau, ol i bungim hevi long kaikai i sot.

Bikpela ren i pundaun stat yet long Janueri na dispela mun yet na wara i karamapim ol ples na taitwara i karim ol pik, kakaruk, dog, na pusi na ol i dai pinis.

Ol kopi gaden, banana, swit potato, pinat, sugaken, taro, ol narapela gaden kaikai i bagarap tu long ol taitwara.

Samting olsem 2,000 pipel i stap long Kram, Kema, lan, Kupakana na

...Ol i singaut long helpim

Kamund blok i kisim hevi long ol taitwara.

Petrus Baim husat i Siaman bilong Mun Katolik Peris na Vais Siman bilong PNG Red Kros long Stop AIDS insait long Westen Hailans i tok planti pipel na moa yet, ol pikinini, i gat sik pekpek wara na ol arapela sik long skin we i kamap olsem wari nau.

"Ol dispela komyuniti i laikim helpim tasol i luk olsem ol atoriti long Westen Hailans Provinsel Gavman i no save long hevi i kamap long ol dispela ples," Mista baim i tok.

Em i tok Asbisop bilong Hagen Asbisop Michael Meir tasol i givim helpim

tasol dispela i no inap bikos mani em ol i yusim long baim 13-pela bek rais long ol pipel i kaikaim.

Em i tok planti ol liklik kakaruk, pik na kopi projek bilong ol asples bisnis lain em taitwara i bagarapim.

Em i tok ol pipel i lusim olgeta samting na ol i nogat kaikai. Na ol i laikim ol provinsel na nesanel gavman lida bilong ol long givim helpim i go long ol.

Ol pipel long ol ples i stap long hevi i tok long namba wan taim insait long 60 krismas, 5-pela wara olsem Wara Muka, Purum, Yan na Param i wok long tait bikpela na strongpela tru. Na ol i pret olsem wantaim ol hevi ren i wok long pundaun yet, bai laip na sindaun bilong ol pipel i bagarap moa.

Reip i kamap bikpela moa long Goroka

...Lukautim gut ol pikinini meri

Sape Metta i raitim

STRONGPELA toksave i go long ol papamama long Goroka insait long lsten Hailans provins long putim was long ol pikinini meri bilong ol.

Ol Goroka CID polis i putim dispela toksave bihain long seksuel vailens na reip i wok long go bikpela long Goroka taun na provins.

Bikpela namba bilong ol lain husat i wok long kisim ol bagarap na bungim dispela kain ol hevi seksuel vailens, na reip hevi em ol pikinini meri we krismas bilong ol i aninit long 15 i go daun long 3-pela yia.

Wantok Niuspepa i harim planti ripot na i wokim lukluk raun long ol opis na painimaut olsem em i tru, dispela ol pasin i save kamap.

Ol CID polis long Goroka i ol i save kisim 5 o 6-pela ripot long wan wan de. Na hap bilong dispela namba, 3 o 4-pela em ol pikinini meri we krismas bilong ol aninit long 15 i go daun long 3 yias, em ol i save kamap long putim ripot long hevi bilong reip pasin em man nogut i mekim long ol.

Na namel long Mandei go long Fraide long ol taim bilong wok, ol CID opisa i tok

ol i save harim na kisim moa long 20-pela ripot em ol meri, ol yangpela na ol liklik meri i save bringim i kam long opis bilong ol.

"Dispela em i bikpela namba tumas na mipela i laik mekim strongpela toksave i go long ol papamama ol i mas putim was na lukautim gut ol pikinini meri," ol CID opisa i tok.

Ol i tok dispela ol pasin nogut i ken i go daun na stop sapos ol atoriti olsem Jastis Dipatmen na ol lida long Palamen i ken kamapim ol strongpela lo bilong givim bikpela mekim save long ol man husat i save bagarapim ol meri na pikinini.

Long opis bilong Pablik Solisita, Wantok Niuspepa i kisim ol ripot wankain olsem long opis bilong CID. Ol opisa long opis bilong Pablik Solisita i mekim ripot olsem ol i holim planti ol ripot long ol man husat i wokim reip pasin na ol plisman i holim pasim ol na salim ol i go daun long Bihute banis kalabus we ol i wetim taim bilong kot.

Ol i tok ol i holim planti ol fail bilong ol reip kes, na long abrusim dispela kain ol hevi, ol papamama i mas lukautim gut ol pikinini meri.

Long opis bilong ol sios mama grup long Goroka

husat i save sanap na wok strong long sapatim rait na fridom bilong ol meri na pikinini, na egensim seksuel vailens.

Opis i gat bikpela belkros long kain reip pasin we i wok long kamap bikpela long ol viles, seteimen na taun komyuniti.

Grup lida, Helen Paul i tok, inap em i nap. Nau em i taim long givim bikpela mekim

save long dispela ol animel husat i nogat wanpela luk-save long ol meri na pikinini.

Em i tok ol dispela animel husat i save bagarapim ol meri na pikinini i mas kisim laip yia long kalabus o sapos lo i ken kamapim indai penelti (death penalty) long ol reipis we

i ken givim gupela skul long ol arapela man nogut husat bai i ken kisim kain mekimsave sapos ol i laik wokim reip pasin.

Em i tok, "ating moabeta yumi i bringim lo bilong buk tambu (Baibel) i kam bek. Na taim ol man nogut i wokim reip pasin orait ol atoriti i mas putim ol i kamaut long ples klia na pablik i ken kisim ol ston na stonim ol i go inap long ol i dai.

Dispela em i tru tru jastis, na em i eksen jastis," Ms Paul i tok.

FEBRUARY CLEARANCE SALE



YAMAHA E25BMHLR

- ✓ 25hp Enduro
- ✓ 2 Cylinder, 2 Stroke
- ✓ Manual Start, Pre Mix
- ✓ Manual trim/tilt
- ✓ Tiller handle & shallow water drive

SPECIAL PRICE
K6,699

Available Immediate Delivery

For More Information Contact your nearest Ela Motors branch

Port Moresby... Ph 3229400	Kavieng..... Ph 9842788	Wewak..... Ph 8562255
Lae Ph 4781800	Kimbe..... Ph 9835155	Vanimo... Ph 8571254
Kokopo..... Ph 9829100	Lihir..... Ph 9864099	Tabubil... Ph 5489060
Madang..... Ph 8522188	Buka..... Ph 9739915	Alotau.... Ph 6410100

Email : jmoveh@elamotors.com.pg



Ela Motors

Offer Expires: 31 / 03 / 2006 or until Stocks Last!

For Rent



RAINBOW UNITS



GORDANS FLATS

We have units available for rent immediately only to corporate clients.

Located at Rainbow village and Lapwing drive Gordans.

- Rainbow village 3 bedrooms fully furnished security fenced.
- Rent at K350 per week
- Gordans 2 bedrooms fully furnished security fenced
- Rent at K250 per week
- Both units have been recently renovated and are in very good condition

For inspections call us now on phone: 325 2500

'Noken kam painim vot long haiwe' - Ples lida

Andrew Molen i raitim

OL pipel long Hiritano Haiwe i les pinis long ol memba bilong ol i no save lukluk long ol taim ol i bungim hevi na nau ol i tokaut olsem ol memba i noken painim vot na i go mekim giaman toktok long haiwe bilong ol.

Max Bauai, wanpela komyuniti lida long "Braun Riva" husat i makim maus bilong ol taim long haiwe i givim dispela strongpela tok lukaut bihain long ol i traim long kisim helpim long ol memba bilong ol taim tait wara i pasim rot bilong ol long kam long taun klostu tripela wik nau.

"Ol memba i no save lukluk long mipela taim mipela i save bungim bikipela hevi," Mista Bauai i tok.

Em i tok nau long dispela taim ol i bungim bikipela hevi long wara i tait na pasim rot na

planti manmeri nogat sans long i kam long taun na salim ol gaden kaikai na abus bilong ol.

"Planti bilong mipela i no wok na i stap long ples na mipela i save kisim moni long lukautim mipela taim mipela i kam salim ol gaden kaikai o buai bilong mipela.

"Taim wara i tait olsem nau, rot i save pas na mipela i nogat we long kam long taun," Mista Bauai i tok.

Em i tok tu olsem wara i save bagarapim ol gaden na haus na ol i save nogat kaikai na i stap.

Ol i save stap hangre inap wara i go daun dispela i ken inap olsem wan o tupela mun.

"I no nau tasol, dispela hevi save kamap olgeta yia taim i gat bikipela ren na olgeta taim ol kaunsil na ol bikman bilong mipela i kam ripot, mipela i no save kisim wanpela bekim na

mipela i ken wet tu o tripela mun," Mista Bauai i tok.

Em i tok planti yia ol i save bungim wankain hevi tasol nogat man i save helpim ol.

Ol gaden i save bagarap, haus i bruk na sampela laip tu i lus pinis na tasol olgeta yia wankain hevi bai stap yet bilong wanem i nogat wanpela man i mekim wanpela samting.

"Dispela i kamap olgeta taim na mipela i les pinis, nau mi laik singaut long ol pipel long Hiritano haiwe olsem ileksen i kam klostu na ol i mas lukluk gut pastaim bipo long ol i vot.

"Mipela i no wari long moni bilong ol, mipela i no askim long ol i givim moni long mipela olgeta de tasol mipela i laikim tasol long kisim helpim taim wara i bagarapim ples bilong mipela.

"Ol i ken putim mipela long narapela hap i nap wara i go daun, stretim ol hap long rot

we i daunbilo tumas na wara i save karamapim, wokim bris o painim narapela hap long mekim rot i go we wara i noken bagarapim, i gat planti we i stap long stretim dispela hevi," Mista Bauai i tok.

Long stat bilong dispela mun bikipela ren i pundaun planti hap long NCD na Sentrel provins we i lukim sampela ples olsem Inawabui long Mekeo na rot namel long hap i kam olsem long Bihoto i stap aninit olgeta long wara na ol kar i no i nap long ron.

Ol Kar i save stop long hap-sait na ol manmeri i save putim samting long het bilong ol na brukim wara we i kam i nap long nek bilong ol.

"Nau mi toktok makim maus bilong ol lain long Laloki go long Hisiu na ol kendidet i mas tingting gut taim ol i kam kempen long ileksen neks yia.

Pawa i stap long ol yut

Andrew Molen i raitim

PAWA i stap wantaim ol yut na ol yangpela manmeri bilong kantri.

Ol i ken kamapim senis long gutpela o long nogut bilong kantri na liklik komyuniti bilong ol.

Olgeta samting i kamap i save soim han i go bek long eksen bilong ol yut, planti taim dispela em ol nogut samting, tasol sapos i gat wanpela opis long gavman long makim dispela ol lain, planti ol hevi bilong komyuniti bai ol yet i stretim namel long ol.

Dispela em i wanpela samting we provinsel yut kaunsil bilong Nesenel Kapitel Distrik (NCD) i wok long pait strong long en klostu 7-pela yia nau.

"Planti hevi bilong HIV/AIDS na lo na oda i wok long kamap na ol toktok i sut i go bek long ol yut olsem ol i as bilong ol dispela hevi tasol em i no tru.

"Asua i no stap long ol yut o wanpela man, asua i stap long sis-

tem," siaman bilong NCD Provinsel Yut Kaunsil, Dennis Gerry i tok.

"Planti mangi pinis long skul na i stap na nogat wok bilong ol, bai yu mekim wanem long ol," em i tok.

Em i tok kain kain hevi wok long kamap bilong wanem ol atoriti no save long wanem samting bai ol i ken mekim long daunim dispela ol samting we i wok long bagarapim Papua Niugini stap.

"Yumi mas traim na kamapim sampela nupela rot long lukluk long ol yut," siaman ya i tok.

Mista Gerry i tok i gat ol yut kaunsil long olgeta level bilong komyuniti pinis, long wod na distrik level i go antap long provinsel level olgeta hap long NCD na kantri tasol i nogat wanpela long nesenel level yet na em i askim gavman long wanem as tru na i

nogat yut kaunsil long nesenel level.

NCD opis bilong Mista Gerry i wok strong long lukluk long ol hevi bilong ol yut tasol em i tok wanem samting ol lain long nesenel kapitel distrik komisin (NCDC) i kamapim long lukluk long ol yut i no save wok bilong wanem ol i no save long sindaun bilong ol yut.

"Mipela i laikim bai mipela i mas i gat wanpela man long opis bilong mipela i stap long NCDC bod long lukluk long ol yut.

"Em i mas wanpela yut memba yet bai em i save long sindaun bilong ol manki, wanem as tru ol i save simukim mariwana o stilim kar o reip, dispela man bai save na wanem tingting em i gat bai kam stret long ol yut bai ol atoriti i ken i go het wantaim wok long stretim ol dispela hevi.

POSF

RETIREMENT SAVING ACCOUNT

Wanem samting em i Ritaiyament Sevings Akaunt o RSA?

Ritaiyament Sevings Akaunt o RSA em i wanpela akaunt we ol memba i ken larim ol moni bilong ol taim ol i pinis long wok, olsem wanpela sevings na investment akaunt. Dispela akaunt em i gutpela bikos moni bilong yu bai stap gut na i stap longpela taim moa. Na tu ol i no inap teksim moni bilong yu olsem taim yu pinis long wok na yu laik rausim olgeta moni bilong yu long wanpela taim tasol.

Husat ol i ken opim wanpela RSA?

Olgeta manmeri husat i memba bilong wanpela supafan na ol i kamap long taim we i ken ritaiya o pinis long wok (olsem 55-pela krismas o 25 yia sevis) i ken opim wanpela RSA.

- NOGAT LAM SAM TAKIS*
- SANS LONG KISIM PEI YET - Bai yu ken kisim petnalt pe bilong yu yet!
- NOGAT TAKIS LONG INTRES - Winim ol Bank!
- RAUSIM OLGETA MANI BILONG YU - Bilong ol taim nogut!

*Conditions Apply - Call POSF for details
MEMBER SERVICES PH: 309 5244



LUKSAVE MAS STAP: Siaman bilong NCD Provinsel Yut Kaunsil Dennis Gerry (raitim) na Sief Eksekutyif Opisa David Oala i laikim bai i mas i gat luksave long ol yut i kam long Nesenel Gavman Level.

Ol Hap Hap Nius

"NUPELA Ogenaisesen bilong ol meri i kirapim wok bilong em long Pot Mosbi. Soroptomis Intenesenel i gat 39 memba. Em i kirapim wanpela projek ol i kolim long "Nupela bilong Tumora" long helpim ol mama i karim ol nupela bebi long Pot Mosbi Jenerel Haus sik wantaim ol nepi na ol samting we ol mama i laikim. Helpim bai i go long ol mama i sot long ol samting.

"OL meri dokta long kantri i laikim yet nupela kensa masin bikos i gat bikpela wok long helpim planti meri na ol mama i wok long dai long dispela sik. PNG i nogat masin bihain long wanpela masin tasol i bin bagarap moa long 10-pela yia i go pinis. Long las yia, Dokta Mary Ponifasio husat i bos long PNG Meri Dokta Asosiesen i bin stap long karimaut fan resing na i kam inap nau, ol i kamapim K180,000 tasol. Pe bilong masin i winim milien kina. Askim nau bilong ol meri dokta i go long Nesenel Gavman na Helt Dipatmen long givim helpim mani long baim dispela kensa masin.

"Helt na sefti em ol bikpela samting tude na konferens bilong ol polis meri long mun Oktoba long dispela yia bai givim bikpela lukluk long em. Wok redi long dispela bung i kamap na we ol polis meri long olgeta hap bilong kantri bai kamap long en long toktok long ol samting we i karamapim ol na moa yet, ol eria bilong helt na sefti bilong ol polis meri.

Ol meri i mas toktok ...Luksave long rait bilong ol

OL meri i wok long ol stoa i mas kisim luksave long ol wok ol i save mekim we i save abrusim taim i go long nait.

Dispela i tingting wanpela rutsman husat i wari long planti meri i wok long ol stoa, haus kai na ol bisnis we ol Asia na ol arapela lain i papa long ol tasol ol i save kisim liklik pe tumas i gat long em.

Man ya i no laikim bai nem bilong em i kamap long niuspepa.

Em i tok planti em ol yangpela meri na ol yangpela mama husat i save wok hat long taim namel long 7-30 moning inap long 8-9 kilok nait.

"Planti hap ol meri i wok insait long ol haus kaikai, stoa na ol kampani ol man Asia na ol arapela lain i ranim. Wanpela taim mi bin toktok wantaim wanpela wok meri long wanpela stoa we ol Asia i papa long em na mi askim, "yu save kisim hamas mani long wanpela potnait?" Dispela meri i tok, em i save kisim mak long K50.00-K60.00 long wanpela potnait.

"Ol papa bilong ol stoa na kampani mas noken yusim ol meri olsem "sip leba" na givim liklik pei. Ol meri i no save tokaut na komplem long hevi na

wari ol i save bungim. Olsem na ol papa bilong ol kampani na stoa i kisim ol meri long wokim wok na peim ol long liklik mani tasol," man ya i tok.

Em i tok long narapela taim em i bin lukluk raun i go long wanpela pis faktori na em i lukim olsem namel long 4-5,000 wok meri i stap insait. Mi askim wanpela bos meri, "Olsem wanem na planti meri tasol i wok long hia?"

Em i bekim tok olsem, ol bos i laikim ol meri bikos ol i no save komplem long pei na hamas awa ol i save wok long en".

"Sori o, ol meri i no save sindaun gut. Ol i sanap na rausim skin bilong pis stat long moning i go inap apinun. Taim mi lukim dispela mi no wan bel bikos ol bos i tritim ol wok meri olsem samting bilong mekim wok tasol.

"Na mi lukim ol meri long hap i wok olsem masin. Dispela i mekim mi long pilim olsem ol meri i no wok long mani. Ol i wok long amamasim bos bilong ol.

"Ol meri tu i mas opim maus na tokaut long wanem kain ol samting ol bos na ol kampani i mekim na ol i no amamas long en. "Tru, ol meri i wok long

mani tasol ol bos man i mas givim fridom na rispektim ol rait bilong ol. Insait long wok ples yumi mas luksave long ol rait bilong ol meri.

Planti meri i bin tokaut na pait long ol rait bilong ol. Sampela ol i pasim maus na hangamap nating i stap," dispela man i tok.

"Plenti meri i gat bel insait long wok ples. Plenti taim ol wok man na bos ol i save paulim ol yangpela na marit meri. Man bilong ol marit meri o papamama bilong ol yangpela meri i ting olsem em i stap gut. Tasol ol man ol i save grisim ol meri gut na kisim ol i go long narapela hap o opis bilong ol. Planti meri ol i save ting long wok bilong ol, o ol i laik bai bos i givim o antapim namba bilong ol long wok bilong ol. Olsem na ol i no save tokaut na hait. Tasol ol meri tu i mas stap pas tasol long wanpela man bilong ol na tokaut wanem samting i kamap long yu. Noken tingting long namba na amamas tasol.

Olsem na ol meri i gat rait long toktok insait long famili, wok ples na long kantri. Wanem samting yu toktok bai i senisim sindaun na laip bilong yu long famili, wok ples na long kantri," man ya i tok.

Lo bilong Lukautim ol Meri



Ol toktok long Mentenens. Skruim i kam long las wik

SAPOS yu na man bilong yu i stap wantaim, yu mas tokim mejistret long wanem taim na long wanem risen man i bin pinis long givim yu inap mani long lukautim yu. Sapos em i mekim nogut long yu long ol narapela kain pasin tu, yu mas tokaut long wanem pasin em i mekim na bilong wanem yu no lusim em.

Maski yutupela i stap wantaim, yu mas soim olsem em i no givim yu inap mani bilong lukautim yu. Yu mas tokim kot hamas mani yu ting man i kisim long pe long wok, long bisnis o long gaden.

Tokaut hamas mani em bin givim yu na long ol wanem taim. Na toksave tu olsem em yet i save mekim wanem long mani em yet i holim. Na tok hamas mani yu na ol pikinini i nidim long lukautim sindaun bilong yupela.

Moa long neks wik.

Sotpela Tok Lukaut:

SLIP wantaim em rot we bai binatang bilong AIDS i kalap i go long narapela. Na wanpela rot we sapos yu gat dispela binatang na yu no inap long givim sik long narapela em noken slip wantaim narapela. Sapos yu gat AIDS binatang pinis, em i isi long kisim ol narapela STD sik olsem gonoria, sifilis na ol kain sik nogut olsem.



Kuk Kona wantaim MERI WANTOK

Lemon Slais
Biskit Beis

Yu mas Gat:

- 125 grems bata
- 200 grems kondens milk
- 1-pela peket Erurut biskit
- 1-pela kap kokonas
- 1-pela tebolspun lemon rind o skin

Bilong wokim Lemon Aising

- 90 grems bata
- 3-pela kap aising suga
- 2-pela tispun lemon juis

We long Mekim na Kukim:

- 1- Putim ol biskit, lemon skin yu katim na kokonas long wanpela baul o dis na miksim gut.
- 2- Meltim bata na miksim wantaim milk na kap saitim i go antap long biskit, miks na putim insait long aibokis long wanpela awa.
- 3- Seksekim aising suga long wanpela baul o dis na putim i go wantaim bata na miksim gut.
- 4- Isi isi, kapsaitim lemon juis.
- 5- Putim aising i go antap long slais.

Raun lukim ol meri na pikinini



BIKMERI: Dokta Stephanie Ferguson i go pas long woksop bilong ol nes na HEO long Mosbi. Dokta i wok wantaim Wol helt Ogenaisesen Wes Pasifik rijen.



(Antap) **LAINIM SAVE:** Save ol nes na HEO i lainim long woksop bai helpim wok long ol haus sik long kantri.

HARIM GUT: Sampela ol HEO na ol nes i sindaun harim toktok bilong ol bikman long nes woksop i bin pinis long dispela wik.



STORI TASOL

wantaim



FR. PAUL LIWUN, SVD

Husat bai wokim wok?

LONG Trinde 14 Disemba 2005, mi joinim ol pater na narapela manmeri go long Sikiro peris, insait long Enga Provins. Long dispela de, Sikiro peris i selebretim 50 yia bilong peris bilong ol na wanpela sista bilong Sikiro peris tu i bin wokim fainol vows o tok promis bilong em long karimaut wok bilong Bikipela. Em bikipela de bilong Sikiro.

Pipel i bin statim selebresen long wanpela mun i go pinis. Ol i bin wokim prosesio wantaim Buk Baibel na stet bilong Santu Maria i go long tripela grup: Long de 14 Disemba, olgeta i kam bek long stesen. Ol bin putim gutpela bilas bilong tumbuna, singsing na danis gut tru, long bringim Buk Baibel na stet insait long Bokis Kontrak. Ol i amamas tru bikos em i bikipela de bilong ol.

Bipo long Misa, ol yut bilong peris i bin wokim wanpela welkam singsing. Insait long welkam singsing bilong ol, ol i bin soim amamas bilong ol. Bikos, insait long 50 yia, Sikiro peris i bin givim pikinini bilong ol long wokim wok bilong sios. Ol i amamas tru bikos ol i gat wanpela bisop pinis, ol i gat sampela pater, sampela bruder na sampela sista pinis, wanpela bilong ol em Sister. Getrude bilong lain Rosari Sista husat i bin wokim fainol vows bilong em long de 14 Disemba, taim ol i selebretim 50 yia bilong peris.

Bisop Arnold Orowae, em i bilong Sikiro peris, i bin go pas long misa na kisim promis bilong Sister. Getrude. Insait long skul bilong em, em i bin tok strong na salesim ol manmeri bilong Sikiro peris long mekim wok long strongim sios na peris bilong ol yet. Planti wok ol misioneris i bin mekim bipo, nau yumi lukim kaikai bilong en. 50 yia bipo yumi save ting narapela manmeri, ol misineri i mekim wok. Tasol nau, krismas bilong yumi em i 50 yia pinis, em i mak olsem yumi i gat planti save pinis long mekim wok bilong sios. Nogut yumi tingim olsem: bihain long dispela selebresen bai yumi kisim malolo tasol na wetim long kamap bilong narapela 50. Nogat!! Nau em i taim bilong taitim bun. Husat bai mekim wok? Yumi tasol bai mekim wok long spiritual na fisikel wantaim long strongim sios bilong yumi. Taim bilong masta em i pinis. Ol i bin soim planti samting long yumi pinis, olsem na nau yumi yet i mas taitim bun. Taim mi harim skul bilong Bisop, mi tingim bek long rot i go long Sikiro. Em i gutpela bikos mipela i bin go long bikipela ka i gat 4-wil draiv bilong em. Taim mi sindaun long ka na skelim rot i go long Sikiro, mi tingim olsem mipela i no wokabaut long rot. Planti hap mipela i wokabaut insait long wara (river). Bikos i gat bikipela - bikipela hul i stap namel long rot na ka i ronim insait long wara. Long sampela hap i gat gras i karamapim rot olsem mipela i wokabaut namel long bus. Luk olsem i nogat wanpela man i wari long dispela rot. Pipel i wetim gavman i wokim, na gavman i wetim pipel i mekim wok. Husat bai wokim wok?

Rot i go long Sikiro em i wanpela liklik hap rot bilong dispela kantri. Ating planti rot insait long dispela kantri i stap olsem rot i go long Sikiro o narapela hap ating rot bilong ol i bagarap nogu tru i winim rot i go long Sikiro. Olsem na mi tingim gen askim bilong Bisop, husat bai wokim dispela wok (rot?). Taim bilong masta em i pinis, nau em i taim bilong yumi yet.



TOK LONG GOD I GAT PAWA

Nau Bikipela i stap klostu long yupela na wetim yupela, olsem na nau em i taim bilong yupela i mas beten long em na i go klostu long em. Ol manmeri bilong mekim ol pasin nogut i mas lusim ol pasin nogut bilong ol na ol i no ken tingting moa long mekim ol dispela pasin. Na ol i mas kambek long God, Bikipela bilong yumi. Em i save marimari moa yet long ol manmeri i kambek long em, na em i save lusim sin bilong olgeta dispela taim. Bikipela i tok olsem, "Ol tingting bilong mi i no olsem tingting bilong yupela ol manmeri. Na ol pasin bilong mi i narakain tru long ol pasin bilong yupela. Skai i stap antap tru long graun, olsem tasol ol pasin bilong mi na tingting bilong mi i winim tru ol pasin bilong yupela na tingting bilong yupela."

AISAIA 55:6-9

Pater skulim Simbu pipel long helpim ol yet

...Soim rot long redim kaikai

Bruder Aloysius Aisi i raitim

WANPELA KATOLIK Sios Pater husat i karimaut ol program long helpim komyniti long Simbu provins i winim sapat na luksave bilong Gavana na planti arapela Kristen Sios.

Pater Joseph Sakite em wanpela Divain Wod (SVD) pater bilong kantri Gana long Afrika i bin peris pris bilong Gogolme Peris insait long Simbu provins long 10-pela yia na nau i wok i stap long Mingende Peris. Em i save raun long ol wan wan komyniti long provins na karimaut "Gutpela Sindaun Program" (GSP).

Aninit long dispela program, em i save karimaut aweanes program em yet i bin kamapim long helpim pipel long kamap "self rilaien" o wokim samting long helpim ol yet na i no wetim helpim i kam long ausait. Tu, em i save givim ol sotpela kos long rot bilong redim kaikai (o food processing).

Long dispela taim, Seven De Etventis Sios (SDA) komyniti i bin askim Pater Joseph long ples Minai insait long Suave Distrik long karimaut 4-pela de wokshop long rot bilong redim kaikai. Ples Menai em i ples



YUMI TU KEN MEKIM: Gavana Peter Launa i lukluk long ol flaua na kaikai samting we ol pipel i lainim long mekim long wokshop bilong Pater Joseph. Pater Joseph i putim ret na blekpela wul kep na toktok wantaim gavana.

bilong Simbu Gavana, Peter Launa. Planti yangpela man na meri bilong ples na komyniti i bin stap insait long wokshop. Ol bin lainim rot long yusim kasava o tapioca na redim na tanim i go long flaua paura, pinat long mekim pinat bata na rot bilong redim ol arapela kaikai ol pipel yet i ken mekim long ples.

Pater Joseph i tok PNG i gat planti kain kain kaikai na prut i gro long graun na wanpela rot long yusim ol dispela kaikai na tromoim liklik mani long baim

ausait na tu, wokim mani long ol em long gat save long ol rot bilong prosesim ol o yusim ol long kamapim ol narapela prodak long ples level.

"Planti long yupela i gat graun. Yusim long groim kaikai. Bikipela mani i stap long dispela bikos taim yu groim kaikai bilong yupela yet, yupela bai gat mani long poket bilong yupela yet," Pater Joseph i bin tokim ol lain i stap long wokshop.

Em bin tokim ol tu olsem dis-

pela em i wanpela rot long baim skul fi long em.

Ol lain i bin stap long kos i amamas tru long save ol i kisim na tok dispela em i namba wan taim kain kos i kamap long ples bilong ol. Rijinel memba na Gavana bilong Simbu, Mista Launa i bin stap long wokshop olsem wanpela ges.

Taim Mista Launa i luksave long gutpela wok Pater Joseph i wokim insait long 13 krismas long Simbu provins, em i strongim em long skruim wok

Ol Sauten Hailans mama sapatim Bisop Stephen

...Agensim Fri Edukesen polisi

OL MAMA long Sauten Hailans provins i sapatim ol toktok bilong Katolik Bisop bilong Mendi Daiosis, Bisop Stephen Reichert, long tok egensim "Fri Edukesen Polisi" bilong Gavman bilong Gavana Yami Hawari.

Na ol i no amamas long toktok we Gavana Yawari mekim long salensim Bisop Stephen long no ken go insait long politiks taim em (Bisop) i autim ol tingting bilong em long "fri edukesen" sistem long provins bikos em i kamapim hevi.

"Mipela ol mama i wari na i egensim fri edukesen polisi bikos polisi ya i kamapim hevi long skul bilong ol pikinini bilong mipela. Bisop i no toktok long politiks tasol em i wari long bihain taim bilong ol pikinini long provins, bihainim ol hevi i bin kamap long las yia bikos long "fri edukesen polisi" las yia. Gutpela na bihain taim long ol pikinini bilong mipela em bikipela wari mipela i gat na Bisop i mekim wok long lukautim jastis na rait bilong ol pikinini long edukesen," Jennifer Pat bilong Caritas Mendi i

makim maus bilong ol mama long provins i tok

Ms Pat i tok bikos long fri edukesen polisi bilong Gavana Yawari, ol metriel long yusim long skul na ol kaikai bilong ol boda sumatin i save kamap leit na dispela i kamapim hevi long ol sumatin na ol i no skul gut.

Em i tok ol mama i wanbel stret long pas bilong Bisop Stephen i bin kamap long nius bikos em i makim maus bilong komyniti na ol lain i save stap isi long toktok long gutpela bilong ol pikinini na bihain taim bilong ol, na em i no tok egensim politikel kempein bilong Gavana Yawari.

Ms Pat i tok sios i save givim sevis long sosaiti na olsem, em i gat wok long karimaut ol sosel wok long sosaiti.

Em i tok wok bilong bisop na sios i no bilong sevim sol tasol olsem gavana i tok tasol antap long dispela, em i mas tokaut sapos samting i no go gut long sosaiti. Na em i maskarimaut wok long sosaiti long lukautim pipel i gat gutpela sindaun na gutpela bihain taim.

Pogivim na stap fri

PASIN bilong pogivim o lusim tingting long rong o asua narapela i wokim long yumi em i bikipela samting long stap yumi gat long em tude.

Na Jisas i tok long dispela taim em bin stap laip long graun moa long 2,000 yias i go pinis.

Em yet i bin lusim sin bilong ol birua bilong em. Jisas yet i wok hat long lusim sin bilong ol birua bikos em man na em i gat bodi na spirit. Tru em i gat bodi na spirit tasol em ino mekim wanpela sin, na buk Baibel i tok Jisas i winim ol traimekam long em. Jisas em man na em i save long ol pen na hat wok bilong yumi. Em i bin pilim nogut taim ol pipel i mekim pasin nogut. Jisas em i tru tru man na sampela taim em i pilim nogut, kisim wari, amamas na kraik long soim wanem samting em i pilim. Yumi ken lukim dispela taim em i beten na kraik long Papa bilong em long gaden Gesemani.

Sapos Jisas i askim yumi long pogiv, Jisas ino askim long mekim wanem samting i hat tumas. Em i no tok olsem em bai isi, tasol em i askim yumi long lusim sin bilong arapela na beten long ol birua husat i bagarapim yumi. Dispela em i isi bikos taim yumi kisim baptais, yumi kisim pinis nupela laip na Holi Spirit. Long beten bilong Papa bilong mipela, yumi tok; "Papa, lusim sin bilong mipela olsem mipela i lusim sin bilong narapela ol i mekim sin long mipela." Long Matyu 6:14 Jisas i tok, "Sapos yu lusim sin bilong narapela, Papa bilong yu long Heven bai lusim sin bilong yu. Sapos yu no lusim sin bilong narapela, Papa bilong yu ino inap lusim sin bilong yu tu."

Sapos yumi ino inap pogiv, God ino inap pogivim yumi tu.



**GUTPELA
HELPIM
SKUL:**

Pater Joseph Sakite bilong Simbu Katolik Daiosis i givim skul bilong kaikai long ol manmeri bilong ples Minai, Simbu.

Photo: Bruder Aloysius Aisi

**GLASIM
TOK**
wantaim



BISOP PETER FOX

**Pilai Kat i gat
Skul bilong Yumi**

Mi save karim wanpela pek pilai kat long bilum bilong mi na dispela i nap mekim yu i kirap nogut. Mi no gembol o pilai laki tasol watpo na mi save karim pilai kat? Pilai laki em i wanpela samting i save kamapim hevi tasol mi save yusim pilai kat long pilai trik wantaim. Pilai kat nating wantaim ol poroman i ken kamapim amamas na i no pasin bilong gembol.

Mi gat askim sapos yu save lukluk gut long wanpela pek bilong pilai kat. Yu save lukim tu olsem King Hat em wanpela king tasol i nogat mausgras long em? Na Spet Ais i gat moa bilas long ol narapela? Olgeta kat i narakain long wanpela narapela. Tasol sapos yu lukluk long beksait, ol i luk wankain, tasol sapos yu lukluk long ol pes, ol i narakain. Em i wankain long pipel tu. Wan wan i narakain.

Wanpela dek kat we sampela i lus i nogat yus bilong em. Olgeta kat i mas stap sapos yu laik pilaim gutpela gem. Bai yu mas gat olgeta kat bikos wan wan i narakain. Wankain wantaim pipel tu. Yumi olgeta i gat samting long givim bikos yumi wan wan i bringim samting i narakain long gem o pilai bilong laip.

PNG i wanpela ples i gat ol planti narakain samting. Em i gat planti tokples, kalsa o tum-buna pasin, ol sios na ol kain bilip. Tru, yumi save tok wan wan tokples, lotu na kalsa bilong yumi em i top tasol sapos yumi laikim kantri bilong yumi i kamap strong na develop gut, yumi olgeta i mas wok bung wantaim long kamapim gut kantri bilong yumi. Wan wan man i gat wok long mekim, olsem tasol ol pilai kat long wanpela pek kat i narakain. Yumi laikim ol kain kain pipel wantaim ol kain kain save long go hetim kantri bilong yumi.

Pilai kat i ken skulim yumi tu narapela samting. Na dispela em, wanpela kat em yet i nogat yus o wok bilong em. Wanpela pikinini i ken brukim wanpela kat tasol pasin kat wantaim raba na em bai hat long brukim.

Long PNG tu i kamap strongpela, yumi mas yunait na wok bung wantaim long strongpela bilip long Papa God i bungim yumi wantaim. Sapos yumi lukautim yumi, famili bilong yumi, vile, ol wantok na abrusim ol narapela, satan bai brubrukim yumi wan wan na dispela gutpela kantri bilong yumi bai bagarap na bai nogat long em.

Yumi mas wok wantaim, luksave long wanpela narapela, maski yumi i no wankain, sapos yumi laik pilaim hap bilong yumi long dispela gem bilong laip.

Woksop long kamapim Pastorel plen

Veronica Hatutasi i raitim

KATOLIK Sios bai kamapim **Nesanel Pastoral Plen** bilong stiaim rot sios long kantri i go long em, insait long wanpela woksop long mun Mas long Goroka.

Opis bilong Katolik Bisops Konferens i tok dispela plen i bihainim ol toktok i bin kamap insait long Jenerel Asembli (GA) bilong Sios na ol arapela bikpela sios bung long 2003 na 2004.

Long GA, ol Katolik manmeri i bin makim ol wan wan long ol 19 daiosis i bin serim, autim na kamapim ol tingting bilong ol long wok we ol i laikim Katolik Sios long PNG i mekim long ol yia i kam.

Kefamo Konperens Senta long Goroka, Isten Hailans Provins bai lukim ol bosman bilong ol Katolik Komisn long kantri bai bung long glasim na skelim ol ripot bilong GA na yusim olsem ol as stiatok long kamapim Nesanel Katolik Pastorel Plen.

Bryan Cussen em wanpela save man long Pastorel Plening bai go pas long woksop we bai stat long

Mas 10 inap long de namba 19.

Woksop i kam aninit long Sios Patnasip Program bilong strongim ol institusen na fanding sapot long dispela i kam long AusAID Sios patnasip program na Caritas Australia, em helpim grup bilong Katolik Sios.

Long wankain taim tu, ol Katolik Edukesen Seketeri na Kodineta long kantri bai holim 10-pela de Menesmen, Lidasip na Komyunikesen woksop long Pot Mosbi klostu long pinis bilong mun i kam.

Opis bilong Sios patnasip Program (CPP) i tok long dispela woksop, ol Katolik Edukesen Seketeri na Kodineta i save gat dispela kain bung long olgeta long kisim skul long skruim save bilong ol long edukesen menesmen.

Long ol yia i go pinis, planti long ol lain i kam long kos i bin askim sapos ol i laikim tu trening long lidasip na komyunikesen eria na wantaim mani helpim bilong CPP, askim bilong ol i karim kaikai.

Nesanel Katolik Edukesen Komisn wantaim Divain Wod Yunivesiti i redim ol

samting we bai kamap long kos long Don Bosko Teknolojikel Institut we bai stat long Mas 27 inap long Epril 7.

Ol bikman ya bai lainim ol samting olsem fainensel menesmen, opis etministresen, plening, taim menesmen na ol kain lidasip. Taim ol opisa i kamapim gutpela wok long ol eria ya, wok long karimaut gutpela sevis i go long pipel bai kamap strong tu. Tu, ol opisa bai gat save long toktok wantaim ol AusAID ejensi lain, ol wan wan sios bai toktok wantaim ol gavman Liesen opisa.

DWU na sios wok bung wantaim komyuniti

Salome Vincent i raitim

I gat wanpela wok bung wantaim namel long ol loko sios na Bisnis na Menesmen Grup bilong Divine Word Yunivesiti, long givim trening na ol arapela kain sevis i go long Madang komyuniti.

Big man bilong Bisnis na Menesmen Fakalti long DWU, Dokta Romulo Lindia i tok taim dispela patnasip o wok bung i bin stat long 2005 wantaim Jomba Peris. Etministresen bilong skul i no bin givim mani long helpim ol, long wanem skul i laikim bai ol i mas wok hat long strong bilong ol yet.

Dispela tupela grup i kisim bikpela luksave taim ol i winim K10, 000 long wok ol i mekim long helpim komyuniti.

Long wanpela miting long Februari 11, Dokta Romulo i mekim wanpela tok askim long peris kaunsel bilong Holi Spirit sios sapos ol i laik stap insait long dispela patnasip. Ol memba bilong peris kaunsel i amamas tasol na givim tok orait bilong ol. Long dispela miting ol i toktok long ol program we bai i kamap long wanwan mun bilong dispela yia.

Wok bilong ol bai i lukluk long skulim na givim trening long ol yut na ol pipel insait long komyuniti husat i gat intres long lidasip, liklik bisnis menesmen, wok bilong kamap gutpela papamama na long developmen bilong wanwan manmeri.

Wanpela program ol i kolim long medikel misin bai kamap long mun Ogas. Ol lain bilong RD Tuna bai helpim ol long skulim ol manmeri long we bilong sekim presa bilong blut, we bilong lukautim gut ol pikinini, we bilong lukautim ol disebel manmeri na long givim aut marasin.

Dokta Romulo i tok bikpela samting ol i laikim, em long skulim ol manmeri long kamap ol gutpela bisnis lain na wok ol i lukluk long em nau em long kirapim wanpela stoa bisnis bilong komyuniti.

Em i tok wantaim dispela mani ol i kisim, em bilong helpim ol wantaim ol program bilong ol long dispela yia.

Ol Hap Hap Nius

Ol Hap Hap Nius long Minai, bilong long ol skulim long bilong ol arapela samting i gat histri long ol Bikpela Winta Olimpiks pilai i bin stat long dispela wik inap long Februari 24.

Asbisop bilong Turin Kadinel Severino Poletto i tok bai ol visita na pilai inap long lukim ol naispela wok bilong ol na long wankain tu, lukim ol histri sios i ken strongim spirituel na pnea laip bilong ol. Wanpela histri sios em Katitrel bilong

San Joaquin Baptis na Sabel bilong Holy Shroud o Kos we Glasim i bin werim na ol skulim em ol Roman soldia i bin rausim long em.

SINGAUT i go aut long luksave (respect) i mas stap long ol lotu na tu, long noken yusim fridom long toktok long kamapim bagarapim na bel nogut long ol lotu. Long wankain taim tu, ol lain i save yusim lotu long kirapim pait (fanatics) i mas noken yusim sans long kamapim pait pasin na hevi. Ol dispela toktok i

Kamap bihainim ol hevi, pait bagarap na dai we droing bilong Profet Mohamet long wanpela niuspepa long kantri Denmark long Yurop tupela wik i go pinis.

L'Ossevatore em wanpela niuspepa bilong Vatikan i tok bihainim dispela, ol midia i mas glasim tingting na wok bilong ol yet long kwesten bilong fridom long toktok bikos dispela samting nau i sut long Profet Mohamet i kamapim bikpela hevi we ol Muslim esktrimis i wok long kamapim birua na dai olsem peibek.

Nogat spes long ol NCD skul

Veronica Hatutasi i raitim

OL SKUL insait long Nesenel Kapitel Distrik (NCD) i gat bikpela hevi nau long nogat moa spes long kisim moa nupela o trensfa sumatin i kam insait.

Olsem na askim i go long ol arapela provins

olsem long Sentrel na Milen Be long kisim ol sumatin inap ol NCD skul i gat spes.

Long wankain taim tu, askim i go long ol papamama long pinisim skul fi long ol pikinini bilong ol bipo long pinis bilong Tem 1.

Asisten Edukesen Seketeri bilong NCD

Tau Nana i tok i nogat moa spes long kisim ol nupela na trensfa sumatin long olgeta level bilong skul stat long Elementeri i go antap long Gret 12.

Long nau, i gat moa long 60,000 sumatin long olgeta gret level insait long ol NCD skul. Na bikos long hevi long spes na planti skul pikinini i nogat hap

long skul long em, edukesen atoriti i askim sampela skul long kisim ekstra o wanpela moa klas bilong Gret 9 na 11.

"I nogat moa spes insait long ol NCD skul long olgeta level nau. Hevi em nogat moa klasrum we ol sumatin i ken skul long em long ol skul. Bikos long dispela hevi, mipela i

askim sampela skul long kisim wanpela moa Gret 9 na 11 klas. Mipela i sori tasol bai mipela i wokim wanem.

Longpela lista bilong ol sumatin i weit i stap tasol mipela i nogat spes long kisim moa Gret 9 na 11 na ol arapela moa. Mipela i askim ol arapela provins long helpim mipela na kisim ol

sumatin long ol skul bilong ol," Mista Nana i tok.

Em i tok wok long kisim ol Gret 9 na 11 i pinis las wik Februeri 10 na olgeta trensfa wok bai klia long pinis bilong dispela mun.

Long wankain taim, Mista Nana i amamas long gutpela stat long dispela yia insait long NCD we 95 pesen bilong ol tisa i bin kam gut long statim wok long 2006 skul yia.

Long sait bilong ol skul fi, Mista Nana i tok ol i larim ol skul pikinini i go insait long skul taim ol i peim daunbito mak skul fi ol i kolim long "Minimum entri fi".

Dispela i bihainim tok tok bilong Edukesen Minista.

"Tasol mipela i singaut long ol papamama i mas luksave long wok bilong ol na peim olgeta skul fi bilong ol pikinini bilong ol na taim bilong pinisim ol skul fi em long pinis bilong Tem 1. Dispela em disisen bilong Distrik Edukesen Bot," Mista Nana i tok.

Em i tok planti papamama na sumatin i gat bikpela skul fi dinau long ol skul long NCD long las tupela yia na ol i mas mekim samting long pinisim ol peimen.



DIPATMEN BILONG FOREN AFES NA IMIGRESEN

Imigresen na Sitisensip Divisen

PABLIK NOTIS

APEC Bisnis Travel Kat

APEC Bisnis Travel Kat

Stat long mun Januari 2006, PNG i stat wok aninit long APEC Bisnis Travel Skim. Aninit long dispela Skim, husat ol PNG manmeri gat nem i ken wokim aplikesen bilong kisim wanpela APEC Bisnis Travel Kat. Dispela APEC Bisnis Travel Kat bai opim rot bilong ol tru tru bisnis manmeri long mekim wok bisnis bilong ol wantaim ol APEC memba ekonomi long raun i go long ol APEC memba ekonomi na ol i no inap long aplai long kisim visa olgeta taim ol i travel raun.

OI APEC Memba ekonomi em:

- Australia
- Brunei Darussalam
- Hong Kong (China)
- Chinese Taipei
- Singapore
- New Zealand
- The Philipines
- Chile
- China
- Indonesia
- Malaysia
- Japan
- Peru
- Thailand

Elijabiliti Kraitiria o mak bilong skelim

Long kwolifai long aplai long kisim wanpela APEC Bisnis Travel Kat, wanpela PNG sitisen o manmeri i mas mekim wok bisnis wantaim ol APEC memba ekonomi na i mas i gat sapot bilong wanpela long ol dispela bisnis:

- PNG Business Council;
- Chile PNG Chamber of Commerce;
- Chile PNG Chamber of Mines and Petroleum;
- Chile PNG Fisheries Authority; na
- Chile PNG Forestry Authority.

I go moa yet, ol apliken i mas:

- Chile i gat wanpela PNG paspot aninit long lo bilong PNG; na
- Chile i gat gutpela pasin na nem insait long bisnis komyuniti na i no sanap kot insait long PNG.

Rot bilong bihainim long Aplai

Sapos yu tok yesa long ol samting antap na yu laik aplai long kisim wanpela APEC Bisnis Travel Kat, yu mas givim wanpela aplikesen fom pepa wantaim olgeta sapoting pepa long

Imigresen na Sitisensip Divisen Opis, Moale Haus, Waigani. Yu ken kisim ol Aplikesen fom pepa long Moale Haus. Ol Klaien Sevis taim em long 9 kilok moning i go inap 12 kilok belo long Mande, Trinde na Fraide. Ol aplikesen em ol bai stretim kwiktairim tasol bai i mas kisim tok orait i kam long ol APEC Memba Ekonomi pastaim.

Aplikesen Fi

Aplikesen fi bilong wanpela APEC Bisnis Travel Kat em:

- Chile K400 bilong nambawan kat; na
- Chile K300 bilong riniuum kat olgeta taim.

Validiti o taim bilong kat long wok

OI APEC Bisnis Travel Kat inap wok inap long:

- Chile Tupela krismas (o bihainim laip bilong paspot - wanem long tupela i sotpela taim moa) long stat bilong em; na
- Chile Tripela krismas (o bihainim laip bilong paspot - wanem long tuepla i sotpela taim moa) long taim bilong riniuel.

Maski kat i ken stap laip inap long tripela krismas olgeta wokabaut i go long wanpela APEC Memba Ekonomi i no inap long abrusim mak bilong 60 de. Bihaun long dispela mak, husat manmeri i holim kat i mas lusim dispela kantri em i stap long en. Sapos em i no lusim kantri, bai em i karim bikpela tambu

long go bek long dispela wanpela APEC Memba Ekonomi o kanselim bilong kat em i holim. Wok

Husat manmeri i holim wanpela APEC Bisnis Travel Kat i no inap long painim nupela wok insait long ol APEC Memba Ekonomi. Nogat tru.

Kanselesen

APEC Bisnis Travel Kat em i olsem ol arapela visa o entri permit na ol i ken kanselim bihainim ol lo bilong ol APEC Memba Ekonomi yet.

OI Dipenden na ol Pikinini

OI Dipenden na ol pikinini i no inap long kisim dispela APEC Bisnis Travel Kat. OI Dipenden spaus o marit na ol pikinini husat i laik bihainim wanpela manmeri i holim wanpela APEC Bisnis Travel Kat bai i mas aplai bilong wanpela visa i kam stret long dispela APEC Memba Ekonomi.

Moa Toksave

Moa toksave na ol APEC Bisnis Travel Kat em yu ken kisim long Imigresen na Sitisensip Divisen opis long Moale Haus, Waigani o yu ken ringim telepon namba 323 1503.

Rt. Hon. Sir Rabbie L. Namaliu
CSM KCMG MP
Minista bilong Foren Afes na Imigresen

TOK LUKAUT

wantaim

DAVID EPHRAIM



Gavman mas Karimaut Bisnis Aweanes

LONG dispela taim populesen bilong yumi i wok long go bikpela moa yet na yu yet ken lukim taim yu laik kalap long bas i go long wok o skul olgeta moning. Long Mosbi yet dispela hevi em i bikpela moa yet.

Traim sanap long Gerehu bas stop we planti manmeri i save resis long kalap long bas i go long skul na wok. Yu gat wanem tingting long dispela; yu ting em asua bilong Gavman o asua bilong ol kampani wantaim ol skul long nogat trenspot long ol summatin na wok manmeri.

Sapos yu no save; mi amamas long tok aut long yu olsem; dispela wok hevi Gavman i sapos long ronim; planti tingting long infomol bisnis. Sore tru wantok infomol bisnis bai ino nap groa strong taim gavman i gat eksport driven polisi; we i fukluk long Macro Ekonomi; we i minim olsem ol bikpela kampani husat i wokim mani long kain kain rot olsem; haus, gol main na ol narapela; Bilong wanem na mi tok olsem em i wok bilong Gavman long helpim na strongim ol besik o ol liklik samting we i save wokim laip i stap amamas na orait.

Trenspot em sapos long ron aninit long ol Provinsel gavman menesmen; ol bisnis man husat i gat bas i mas sainim kontrek wantaim provinsel gavman na bai kisim ol hap winmani bilong ronim bas;

Long dispela rot bai gat gutpela sevis na i no olsem yu resis olgeta moning long go long wok.

Olsem mi bin statim pastaim antap long infomol sekta bisnis na i moabeta yu mas save moa. Infomol sekta bai ino nap strongim ikonimi bilong wanem, liklik bisnis we ol gras rut i ronim profit i go long ol Saina man long baim kago bilong stoa; orait yu wokim profit yu kisim i go long Saina man; nau Saina man i kisim na wokim kain kain stail bilong em long salim i go ausait long kantri. Long salim ol bikpela mani i go ausait wantaim nogat takis long mak bilong K25,000 na Saina man i ken putim long planti ol beng akaun na salim long planti nem i o long kantri bilong em.

Yu ting wanem long dispela?

Sapos gavman laik sapotim infomol bisnis, em mas kamapim edukesen lening rot long lainim long gras rut long kamapim bikpela bisnis yusim ol risos olsem diwai em i gat.

Yu gat wanem tingting long dispela tingting mi gat?

Mani i no inap stopim sik HIV/AIDS

Dia Edita
 MI LAIK salim kompian bilong mi i go long Wantok Niuspepa na nesanel gavman na pablik long skelim. Planti taim mi save ritim long niuspepa na harim long redio olsem, gavman i save toktok planti long sik HIV/AIDS na tromoi bikpela mani tru long en. Na tu ol narapela kantri tu i save givim bikpela helpim mani long daunim dispela sik HIV/AIDS na i no pinis yet. Na nau mi laik toksave long Nesanel Gavman long rausim bek dispela lo bilong banisim ol manmeri husat i gat dispela sik bikos dispela lo i stap na sik i wok long groa bikpela tru long kantri bilong yumi PNG. Plis mi laikim nesenel gavman mas rausim bek dispela lo nau na kisim poto bilong dispela 11,852 manmeri we i gat dispela sik pinis na putim long pablik. Na mi laikim Gavman wantaim Helt Dipatmen mas kisim nem na poto bilong ol na putim long pablik na ol pablik i ken lukim nem na poto bilong ol. Na taim ol manmeri

husat i gat HIV/AIDS ol harim ol lukim nem na poto bilong ol kamap long pablik ples em bai ol i no inap long raun gen na givim sik long ol narapela manmeri bikos ol bai sem na i no inap long raun long pablik. So dispela rot tasol em bai stopim sik HIV/AIDS. So nau mi gat tupela askim long gavman na pablik.
 Nambawan, sapos wanpela man em kilim narapela man, orait lo blong kantri em tok wanem?
 Namba tu, sapos ol manmeri husat i gat dispela sik ol wok long kilim planti ol gutpela manmeri na pikinini, na lo bilong kantri bilong yumi em tok wanem sapos kantri bilong yumi i nogat lo bilong dispela? Plis mi laik bai nesenel gavman mas putim ol long pablik olsem yupela save wokim long ol stilman. Na em tasol husat laik sapatim mi em welkam tasol.

**JACOB ABRAHAM
 KIMBE
 WES NU BRITEN
 PROVINS**

Uvistrak long Kimbe

Dia Edita
 GAVANA bilong Benk na tu Gavman bilong PNG i stopim ol manmeri long ol i noken harim gris bilong ol konman long putim mani bilong ol long "kwik mani skim" tasol ol manmeri long Wes Nu Briten olsem long Kimbe taun, Talasea, Hoskins, Bialla na ol Oil Pam setelmen i no isi long kapsaitim mani bilong ol i go long haus bilong Peter Pokarup long Kimbe taun.

Maski planti taim ol manmeri harim long redio ol ol ritim long niuspepa, tasol ol i got het long givim mani bilong ol long kon lain.

Ol i harim kon toktok bilong kisim bikpela mani, olsem na ol i wokim ID kat na save kat na i no isi long go na kam long haus bilong Mista Pokarup long Kimbe.

Planti pablik seven na ol wokman bilong gavman na tu ol arapela. Kompyuta bilong ol i givim print aut setmen, hamas mani baibai ol i kisim, sampela bai ol i kisim bikpela mani tru.

Antap long setmen i gat nem bilong Noah Musingku na Tonu long Bogenvil. Nem bilong bosman bilong Kwik Mani Skim, Noah Musingku - Buka, Dr. Kwam Malai - Pot Mosbi, Susie Hapoto - Madang, Peter Pokarup - Kimbe.

Mi raitim dispela pas bilong helpim yumi no ken givim mani bilong yu long ol kon lain, nogut mani bilong yu em bai i lus. Sapat o agensim, rait i go long Wantok Niuspepa na mi ken lukim.

**LUKE M D GOREA
 KIMBE
 WES NU BRITEN PROVINS**

U-Vistrak i paolim ol Manus pipel

Dia Edita
 MI LAIK tokaut long pablik olsem U-Vistrak kwik mani skim bilong Noah Musingku i kamap pinis long Lorengau, Manus provins.

Ol manmeri bilong Manus i harim gris toktok bilong ol kon lain na givim planti mani pinis. Man i go pas long dispela kwik mani skim i wokim aninit long haus bilong em olsem benk long konim ol manmeri bilong Manus.

I gat sain bilong 'pay out' tu i stap na ol longlong bilong Manus ya i no isi long putim mani long hap.

Tok lukaut i go long ol pikinini Manus i stap longwe olsem sapos ol tain long ples i ring i kam long salim bilong baim skul fi bilong ol pikinini, no ken tru givim kes mani i go long ol.


Salim i go long skul o putim long sek fom. Ol lain long ples i wok long giaman yusim skul fi na bai yu salim mani. Taim yu salim pinis na ol kisim, bai i no inap ring na toksave olsem ol kisim mani pinis. Ol bai hariap tru long sanap long lain long putim mani long dispela kon skim.

Gavana bilong Benk bilong Papua Niugini i mas salim wanpela man i go long Lorengau hariap tru na skulim ol dispela Manus pipel we het bilong ol i lok pinis long dispela mani skim.

Ol polis tu i mas arestim ol dispela kon lain na putim ol long kalabus.

Yu husat i laik sapat o agensim, rait tasol long Wantok Niuspepa.

**NAUNAP IROS
 LORENGAU
 MANUS PROVINS**



Gutpela manmeri soim tru pasin bilong PNG long halivim

LAS WIK Sarere nait mitupela misis painim hevi long ka aksiden long 2 mail hil we wanpela bas i ron i kam antap long wrong sait long rot. Mipela traime bes long abrusim bas, tasol mipela bam na ka i kisim bagarap, mi wantaim misis i kisim sok na bagarap long skin.

Mi laik salim wanpela traipela tenkyu long ol manmeri husat i bin halivim mipela long sait long aksiden. Pasin bilong yupela, i nambawan stret, i tru tru pasin bilong PNG long halivim narapela

manmeri long taim bilong hevi yupela soim gutpela Kristen pasin stret.

Ol lain 2 mail, tenkyu tru, ol lain Protect Sekyuriti na ol Polis lain tu ya. Kain halivim bilong yupela i kam long mitupela i nambawan tru.

Tenkyu tumas na God i blesim yupela.

**BRIAN RICHES NA VAL SALAMA
 POT MOSBI**

Tenkyu Darapap pipel

Dia Edita
 MI RAITIM dispela pas i go long tok tenkyu long ol Darapap pipel long Murik Leik long Is Sepik provins.

Ol i bin lukautim mi na ol grup membas bilong mi long wanpela wokabaut mipela wokim long Fonde 2/2/06. Mipela lusim Wewak taun long wanpela 75 hos pawa autbot moto long 9.30 na go long Darapap ples we si em i rap liklik na mekim hat long mipela long go insait long basis bilong Darapap na Memdam ples.

Mipela kamap long Darapap ples long biknait stret na ol pipel i kam kisim mipela. Bikpela si bruk na klostu bagarapim mipela long ol diwai na ol kokonas

long nambis. Bikpela tenkyu i go long ol pipel bilong Darapap ples long lukautim mipela na long Fraide mipela go raun lukluk long Memdam ples na lukluk i go long Karau ples bilong Praim Minista Sir Michael Somare.

Dispela ples Darapap em pulap long ol si kukamba na kina, fis, longpela tel bilong kaikai. Tenkyu long go sindaun wantaim yupela ol Darapap long hausboi bilong yupela.

**JOHN KRISAKI
 WEWAK
 IS SEPIK PROVINS**

Morobe Savings & Loans Society stap yet o dai pinis?

Dia Edita
 MI YET wanpela mangi bilong ples baksait long ol longpela maunten bilong Boana, tasol nau mi stap long ples bilong Klinkii. Mi laik bai Gavana bilong Morobe Songang Luther Wenge i bekim dispela pas bilong mi na bai ol papama, na ol memba bilong Morobe Savings na Loans Society. bai save wanem samting bai kamap long dispela yia 2006 i go 2007 na i go moa yet. Mi gat 4-pela askim:

Wan, Morobe Savings na Loans Society dai pinis o stap yet?

Tu, sapos em stap yet, wanem kona bilong Lae siti Morobe Savings i stap?

Tri, sapos em i dai pinis, husat tru i asua?

Foa, Gavana bilong Morobe na Papa bilong Pipel Fes Pati bai yu mekim wanem long savings bilong ol pipel?

Mi bai amamas long bekim bilong yu.

**MISTA MORRIS R. BONDI
 BULOLO
 MOROBE PROVINS**

Gavman stap we?

Dia Edita
 MI WANPELA mangi Lumi na mi stap long ples inap 26 krismas olgeta. Mi bilong ples Montrowo, Alingki, Sandaun provins.

Mi laik askim gavman bilong yumi na Memba bilong Aitape/Lumi na 4-pela Memba bilong Sandaun.

Yupela i go long wanem hap na yupela lusim tingting long mipela ol busman olsem Lumi, Yangkok, Fatim, Karaitem na Edwakei. Mipela man ya na mipela stap long ples. Mipela i no askim yupela long mani, nogat. Mipela ol mangi long ples i laikim rot tasol i no mani bilong yu.


Na sapos yupela i no stretim wari bilong Lumi na Yangkok, tingting gut long 2007. Makim olgeta manmeri bilong Lumi, Yangkok na Sandaun olgeta. Kain man olsem mi, mi gat wanpela fementri na olsem na mi toktok planti long dispela.

I no wanem em rot tasol. Mi wanpela fes mangi long statim wanpela fementri long ples bilong mi Montrowo Aungki long Wes Wape, Lumi distrik. Long nau yet mipela i no save lukim kar i ron i go long Fatima o Lumi, nogat tru. Ating yumi mas i stap olsem tumbuna bilong bipo 1940.

Ating wanpela memba tasol em Andrew Kumbakor, Nuku Open. Em orait ya. Yupela Nuku no ken rausim em, larim em i stap. Em rait man ya na ol sampela mipela mas rausim ol long 2007.

Em tru ya rausim ol kelia, olgeta pipel bilong Sandun yupela wanbel long dispela toktok, orait sapatim mi tasol. Sapos yu laik bekim toktok, mi wanbel tasol.

**JAY WAIWO
 LUMI
 SANDAUN PROVINS**



**Yu laik autim tingting bilong yu -
 Salim wanpela pas i kam long Edita long:
 Ol Pas i go long Edita
 P. O. Box 1982
 BOROKO
 NCD**

Sapos yu save long email, yu ken salim pas bilong yu i kam long: editorial@wantok.com.pg
 Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa.
 Wantok i gat rait long katim o stretim ol pas bai em i bihainim olgeta lo bilong niuspepa.

WANTOK

KOMENTRI

Agrikalsa - Baksait bun bilong PNG

SAPOS yu gat graun, yu gat bihain taim. Sapos yu nogat graun, yu bai dirip tasol olsem kanu i nogat stia bilong em.

Tru tumas, agrikalsa na wok gaden em i samt- ing i stap insait long blut bilong yumi ol manmeri bilong Papua Niugini.

Nesenel Gavman i bin kirapim bikpela luksave bilong en long agrikalsa sekta taim em i opim Grin Revolusen polisi bilong em.

Aninit long dispela polisi bilong gavman, planti wok i bin kirap nabaut long kantri bilong strongim wok bilong ol liklik ples manmeri husat i save sir- daun long wok agrikalsa.

Ol dispela lain, ol liklik manmeri bilong ples husat i gat lain kakao, kokonas, kopi o gaden kumu bilong ol yet i save long kaikai i save kam long hatwok.

Insait long niuspepa bilong ol grasruts stret, i gat wanpela spesol i lukluk long wok agrikalsa. Insait long dispela spesol bai yu ritim stori long Pres Produs Developmen Ejensi (FPDA) na ting- ting bilong ol long opim wanpela bikpela bak stua bilong ol pres kaikai i save kam long ol ples insait long Hailans rijen.

Dispela em i wanpela bikpela wok kamap we i soim tru olsem wok bilong groim ol kumu na arapela gaden kaikai bai i ken holim strong kantri bilong yumi long bihain taim.

Tude sapos yu wokabaut i go insait long ol bikpela stua insait long ol taun na siti, bai yu lukim planti ol kumu na prut samting em ol i save baim long ol ovasis kantri na kam salim gen hia insait long PNG.

Bilong wanem na bai yumi mas lukluk long ol arapela kantri long baim ol samting we mipela yet i ken groim hia long graun bilong yumi stret.

Planti arapela kantri long wol i save tromoi bikpela mani tru long baim ol prut na kumu bikos ol i nogat moa rot long groim ol yet.

Na yumi hia long dispela ples we graun bilong en i gat planti gris tru na ol tumbuna bilong yumi i gat inap save long wok long graun, bai yumi mas baim kumu bilong Australia o prut bilong Nu Silan yet? Bilong wanem na i olsem?

FPDA i mas kisim luksave na sapot bilong ol arapela pres kaikai bisnis insait long kantri. Wok ol i save mekim i no bilong strongim ol bikpela bis- nisman tasol. Nogat. Ol i save tingting tu long ol liklik manmeri husat i save gaden gaden kaikai bilong ol. Luksave i mas i go tu long ol lain olsem Nesenel Agrikalsa Risets Institut (NARI) husat i save givim gutpela stia long ol liklik fama na husat i save painim ol nupela, moa strongpela rot bilong kisim kaikai long graun. Bikos sapos yumi nogat graun, bai yumi lus long bihain taim.



Somare i no inap surik

SOMARE bai tingting long rausim husat na kisim husat long kam insait long kabinet bilong em nau?

Em bikpela askim planti poli- tikel pati na ol politiks lain i wok long askim i go i kam.

Somare gavman i ken senisim ol minista i go kam nau bikos em i nogat wanpela sam- ting bai i pretim gavman bilong em long nau i go inap long 2007 nesenel ileksen. Olgeta plen na polisi bilong gavman i stap pinis na i wok long wok i stap.

Wok bilong gavman em long putim mani tasol i go long ol dispela plen na polisi long ol i wok strong moa inap long 2007.

Plen bilong gavman long strongim wok didiman na wokim moa rot long pulim moa mani i kam insait long kantri i karim kaikai pinis olsem na nau strong bilong mani i sanap strong agensim mani bilong arapela kantri. Ol bisnis i stat



long kirap na ron strong na planti bisnis i mekim profit na ol i amamas long dispela gav- man.

Olsem na Somare bai ting- ting long amamasim olgeta lida bilong palamen. Long mekim dispela em i mas rausim sam- pela minista na makim sampela nupela.

Sampela han mak i kamap olsem gavman bai senisim ol minista yet. Ol toktok long makim bilong Difens Komanda na givim em nupela taitel olsem Jenerel i kamapim sampela kain tok pret long Minista bilong Difens. I gat tokwin i kamap pinis olsem Difens minista bai i go na narapela man bai kisim ples. Sapos em i go, dispela i min olsem pati bilong em PNG

Pati bai lusim ol sia bilong em tu long Agrikalsa.

Long narapela sait, ol lain bilong Pipels Nesenel Kongres (PNC) i amamas na wetim dis- pela taim tasol bai Prais Minista i singautim ol i go long gavman. Oposisen lida na PNC lida Peter O'Neill i bin statim wanpela gutpela plen o senis bilong ol distrik i bihainim tasol em i no pinisim. Olsem na ating Prais Minista i mas kisim em i go bek long pinisim dispela dis- trik level rifom bilong em.

Pipels Progres Pati (PPP) tu i no sindaun gut long gavman. Hap i stap long gavman na hap i stap long oposisen. Olsem na Somare bai ting long lusim ol i go long sait na stretim sindaun bilong ol. Na em inap senisim wantaim ol lain bilong PNC. Sapos olsem orait ol minista olsem Paul Tiensten, Posi Menai na Mark Mapaikai bai lusim wok minista bilong ol.

PNC i gat bikpela lain memba long oposisen na ol

inap long kisim olsem 4-pela minista sapos Somare i singau- tim ol i go.

Somare i no inap pret o surik long mekim dispela kain senis bikos em taim bilong givim bel isi long olgeta lida. Tasol em bai mekim bihainim gutpela promis olsem husat bai sapolim pati bilong em, Nesenel Alaiens (NA) long 2007 nesenel ileksen na kam bek na sapolim em long kisim gavman. Dispela wanbel na promis tasol bai mekim Prais Minista i rausim husat na kisim husat long nau.

Kristen Demokretik Pati tu i suvim het i kam insait long piksa long kisim singaut bilong Somare long ol i mas i go bung wantaim em. Em pati bilong memba bilong Henganofi Dokta Banare Bun. Bikos long gutpela wok Dokta Bun i mekim agensim hevi bilong sik AIDS insait long kantri, dispela inap winim wanbel bilong Prais Minista long makim wanpela wok Minista long em.

Televisin i gat gutpela na nogut bilong en

Gutpela bilong televisin

Taim televisin i no kam yet long PNG, yumi no save lukluk i go longwe long narapela graun o kantri. Na tu insait long PNG, sampela bilong yumi i no save long narapela provins na ol liklik ples tu. Tasol televisin i bin kam insait long PNG, i helpim planti bilong yumi nau bai yumi i ken lukim narapela provins tu. Long televisin bai yu lukluk long ol kain kain samting i bin kamap o i wok long kamap o bai i kamap.

Long televisin bai yu lukim ol bikpela pait na bikpela guria na narapela ol samting i kamap pinis o wok long kamap insait long PNG na tu long narapela kantri.

Long televisin bai luksave long nupela manmeri kain olsem, praim minista, na king o kwin na ol arapela bikman na meri tu. Long televisin bai yu lukim tu ol kain kain bikpela hevi olsem Esia Sunami na guria tu. Dispela em ol gutpela bilong televisin.

Nau bai yumi lukluk long nogut bilong televisin



Long yia 1973 na i kam long yia 1986, kantri bilong yumi PNG i bin i stap gut, nogat kain sik olsem sik HIV/AIDS i stap. Tasol gavman i bin tok orait na kisim televisin kam insait long PNG long yia 1986.

Tupela televisin i bin i kamaut long ea. Namba wan em NTN na EMTV, tupela i bin ron. I no long taim gavman i nogat mani long ronim wok bilong NTN insait long kantri olsem na ol i pasim. Nau wanpela televisin tasol i ron nau yumi kolim EMTV. Dispela EMTV, yumi lukim long olgeta hap insait long kantri PNG. Tasol i gat sampela televisin stesin i save kam insait long ol bikpela taun na siti. I gat wanpela samting ol i kolim dis na i gat narapela samting tu i stap ol i kolim amplipiaia. Dispela i save pulim narapela televisin i kam insait long PNG. Long televisin ol i soim ol kain

piksa i no gutpela tumas long lukim. Long EMTV program i save kamap ol gutpela tasol ol muvi piksa i no gutpela tumas. Long piksa sampela pasin nogut i save kamap. Ol kain pasin olsem raskol, stil, pasin pamuk, ol kain kain pasin bilong nait klab, pasin bilong haijekim ol kar na balus, holap long benk na sampela bikpela haus.

Dispela ol i kamap na ol yangpela manmeri i sindaun na kisim skul long wokim ol dispela kain kain pasin.

Taim ol i lukim pinis na ol i go traim, na samting i kam gut olsem na ol i go het long mekim i stap. Long narapela bikpela TV stesin em SBS na ABC na Haitron kampani i save givim sevis long sampela televisin i kam insait long PNG i save soim kain kain pasin nogut long ol manmeri i save lukluk long ol. Nogut tru em tupela televisin SBS na ABC. Dispela tupela televisin i save soim planti rot bilong pulim mani long skin bilong ol manmeri. Na tu ol i save soim kain kain rot bilong pasin pamuk. Dispela i save kirapim tingting bilong ol man- meri na nau pasin pamuk i go

bikpela na dispela sik HIV/AIDS tu i kam insait na bagarapim planti manmeri pinis.

Ol gavman bilong yumi i painim as bilong hau dispela sik HIV/AIDS i bin kam long PNG na i go bikpela. Hia em sam- pela rot mi toktok long em.

Pasin bilong reip i go bikpela insait long kantri em wanpela bilong ol dispela kain samting i stap long as bilong em. Taim ai bilong yumi lukim wanem kain samting i wok long kamap, tingting i kirap na mekim eksen.

Insait long televisin SBS na ABC taim muvi piksa i kamap nogat malolo ol piksa i save kamap olsem video kaset yu i save pilai long em. Taim piksa i kamap em bai stat na pinis olgeta long pinis bilong em. Taim ol yangpela manmeri o pikinini o ol bikpela manmeri husat i save lukluk long ol dis- pela stesin, ol i save sikirap long bihainim ol kain samting i save kamap insait long ol dis- pela tupela bikpela stesin. Gavman na AIDS Awenes Komiti i mas lukluk moa long dispela tu na painim sampela rot long yumi ken stretim ron bilong ol televisin.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

AI/General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Tripela Bali nain i kamap long Bali kot long trinde Kot tok tupela mas indai

LASPELA tripela memba blong ol dispela pipel bilong Australia, em ol i bin bungim ol sas bilong traim bringim hait ol drags, i bin sanap long Bali kot blong ol i kalabusim ol.

Olgeta bai nap bungim mekimsave long stap kalabus inap ol i dai.

Port Moresby niusman nau i stap long hap Steve Marshall, i ripot ikam long Denpasar, ol i ting ol jas bilong Bali kot bai go het wantaim tingting bilong ol long tambu tru long ol strongpela trak bihain long ol i bin givim strongpela mekimsave long sikispela long ol memba blong "Bali 9" long dispela wik.

Foapela pipel bilong Australia i bin kisim toksave long kisim laip kalabus na tupela i bungim 'fairing skwat'.

Aste, Mathew Norman krismas bilong em 19, Si Yi Chen, krismas bilong em 20 na Tach Duc Thanh Nguyen 27, i kisim wanem kain toksave i kam long ol lain jas.

Sukumaran na Andrew Chan ol i bin painim ol i rong long rereim ol tingting blong Bali 9 drag run, na kot i tok ol bai i mas indai.

- Redio Australia

Sri Lanka President i rulim aut askim long narapela steit bilong Tamil

SRI LANKA Presiden, Mahinda Rajapakse i tok pinis bikpela askim o diman bilong ol Tamil Tiger long ol i mas gat wanpela stet o kantri bilong ol yet long not na is bilong allan, bai nogat, ol i noken kisim.

Taim em i wok long mekim ol dispela toktok, pastaim long ol pis o bel isi toktok i kamap long Switzerland, Presiden i tok gavman bai noken serim o brukim pawa bai i ken go long sampela liklik lain, na tok dispela long rausim tingting long wanpela Tamil stet i mas kamap.

Liberation of Tigers of Tamil Eelam i tok lukaut pinis bai ol i statim gen ol pait agensim Gavman sapos gavman i no givim ol wanpela stet bilong ol yet.

Presiden Rajapakse i tok em bai traim long luksave long askim blong ol Tamil long kontrolim ol lain i gat ol samting bilong pait.

Ol Tigers i sutim tok long ami long saposim ol lain i laik bruk, em Komanda Karum i go pas long ol.

- Redio Australia




AUTIM BELHAT: Wanpela bus draiva long kantri Nicaraguan bus draiva i kukim taia long pasim rot bilong ol kar long namba 8 de bilong pablik trenspot straik insait long siti Managua. Samting olsem 1,200 bus draiva i bin straik bikos ol i laikim gavman bilong ol long helpim long baim piul bilong ol.



MI STAIL O? Rocky em nem bilong dispela liklik dok i wok long lukluk strong long kamera i stap. Rocky em i stap insait long wanpela resis ol i kolim Westminster Kennel Club Dog So long Nu York Siti. Rocky bai resis wantaim samting olsem 2,500 dok i resis long stail bilong ol.




BRUKIM BANIS: Ol sapota bilong Haiti presidensel kendidet Rene Preval i traim long go insait long Montana Hotel we Provinsel Iektorel Senta i bin kanselim wanpela pres konferens long tokaut long ol namba bilong ileksen. Ol sapota i kros na sanapim ol rot blok na kukim ol taia insait long biksiti Port-au-Prince.



UNIVERSAL FEATURES

YOUR REWARDED SERVICES FROM TELIKOM PNG

<h3>CALL RETURN</h3> <p>NOW YOU CAN RETRIEVE THE LAST NUMBER, DATE & TIME OF CALL!!!</p>	<h3>CALL REMINDER</h3> <p>THIS FEATURE SENDS AS A VOICE MAIL BOX!!!</p>	<h3>CALL COMPLETION</h3> <p>NOW YOU CAN CALL UP A BUSY LINE SIMPLY BY PRESSING YOUR PHONE!!!</p>	<h3>ENQUIRY CALL</h3> <p>SIMPLY PUTTING YOUR FIRST CALLER ON HOLD WHILE MAKING SECOND CALL!!!</p>
<h3>CALL FORWARDING</h3> <p>NOW YOU CAN FORWARD YOUR CALLS TO ANYWHERE YOU WANT!!!</p>	<h3>CALL WAITING</h3> <p>NOW YOU CAN WAIT FOR YOUR CALLS TO BE ANSWERED!!!</p>	<h3>FREE PARTY CONFERENCE</h3> <p>NOW YOU CAN TALK TO TWO PEOPLE AT THE SAME TIME!!!</p>	<h3>HOTLINE DELAY</h3> <p>NO NEED TO DIAL YOUR HOT NUMBER. IT STARTS DIALLING AUTOMATICALLY!!!</p>




TELIKOM PNG LIMITED
Now we're really talking!

www.telikompng.com.pg

LUKLUK LONG RUREI INDASTERIS

insait
long PNG



Papua Niugini Kofi Growas Federesen

- Papua Niugini Kofi Growas Federesen (PNGCGF) em i wanpela ogenaísesen bilong ol lain i save planim na lukautim kofi na i gat 90, 000 memba husait em ol bikpela investa bilong kofi indastri long PNG.
- PNGCGF fes taim tru nau i ken helpim ol lain i planim kofi long salim o eksportim i go ovasis.
- I gat bikpela sea long kampani bilong ol yet long USA, Kofi Pasifika Inc, husait ol i save salim kofi bilong ol i go long wol.

PNGCGF i gat nupela komoditi maket strateji we bai helpim ol lain i gat gutpela risos long developim na lukautim bai ken strongim indastri na tu helpim laip na sindaun bilong ol famili bilong ol na Papua Niugini.

Sapos yu laik save moa:

PNG Coffee Federation

P.O Box 1066

Goroka, Isten Hailans Provins

Telefon: 732 1388 Fax: 732 1385

E-mel: kofipasifica@datec.net.pg

Intanet: coffeepacifica.com



RUREL INDASTRIS KAUNSIIL

Stori bilong en

Rurel Industriis Kaunsil em i wanpela long ol planti promoti bilong agrikalsa olsem wanpela bikpela kontributa long ekonomik progress o wok i go het na strongpela sindaun insait long Papua Niugini. Dispela kaunsil em ol ogenaiesen na asosiesen husat i save mekim kain kain wok agrikalsa insait long kantri i bin sanapim na em i bin stat wok long mun Epril 1990. Long stat bilong em yet, Kaunsil i bin givim bikpela wok long praivet sekta na ekonomi taim em i sindaun long ol kain kain forum o kibung we ol lain olsem Invesmen Promosen Atoriti, Nesenel Traipatait Kaunsil, Konsaltativ Implimentesen na Monitaring Kaunsil na ol arapela. RIC em i wanpela memba bilong Komoditis Woking Grup we Dipatmen bilong Agrikalsa na Laipstok yet i siaman bilong en. Rurel Industriis Kaunsil i makim intres o sindaun bilong olgeta fama insait long Papua Niugini, ol i save wok long sabsistens o komesel wok agrikalsa, ol i save painim gavman na komyuniti luksave olsem faming na ol fama

em ol bikpela samting long bihainim sindaun bilong Papua Niugini.

Ol bikpela as tingting

Ol bikpela as tingting bilong Rurel Industriis Kaunsil em:

- A. Long promotim agrikalsa industri insait long Papua Niugini
- B. Long promotim na lukautim welpel bilong ol memba
- C. Long skelim olgeta askim i kam long husat Memba o Asosiesen insait long rurel industri.
- D. Long bungim olgeta Memba aninit long wanpela bodi long kisim gutpela luksave long lo bilong ol rurel industri.
- E. Long givim ripot long wan wan taim i go long ol atoriti bihainim ol lo na regulesen o ol arapela lo o regulesen we i karamapim rurel industri.
- F. Long sanap olsem mausman i go long Palamen bilong Papua Niugini o long ol arapela Atoriti o opisel bodi long toktok long wok bilong Asosiesen long bagarapim laik bilong ol

- G. Long karim ol bikpela as tingting bilong Asosiesen long wok bung o sanap wantaim husat bodi o asosiesen i gat wankain as tingting olsem dispela Asosiesen na long dispela as em ol i mas kamap long wanpela agrimen long kamapim dispela kain wokbung namel long ol memba.
- H. Long makim o votim wanpela manmeri o sampela manmeri long makim Asosiesen long wanem ol Komiti o Bod bihainim laik na askim bilong Asosiesen.
- I. Long tilim aut ol infomesen long sait bilong rurel industri namel long ol memba.
- J. Long bungim na tilim ol namba na arapela infomesen bilong ol rurel industri.
- K. Long mekim ol rekomendesen o stia tok long ol arapela samting we i bikpela long lukluk bilong

- L. Long kisim na karimaut ol arapela wok we i mas kamap bihainim ol arapela as tingting bilong Asosiesen.
- M. Long makim ol Trasti long holim hap o sampela hap bilong o propeti bilong Asosiesen.
- N. Long rausim husat memba bilong Eksekutiv o Opisa bilong Asosiesen bihainim wanem lo o mekimsave agensim dispela memba o opisa sapos ol i mekim rong long wok ol i lukautim o ol kos memba o opisa i no baim taim ol i mekim wok bilong ol olsem wanpela memba o opisa. Wanem mekimsave o fain mani we opisa i mas baim we kot yet i makim.
- O. Long investim mani bilong Asosiesen olsem Eksekutiv yet i laik mekim.
- P. O long mekim ol arapela samting we i ken karim kaikai bilong ol arapela samting antap.

Kaunsil i ron aninit long lukaut bilong Brown Bai CBE olsem siaman, i gat mausman long olgeta bikpela agrikalsa olsem kakao, kopi, kokonas, wel pam, suga, laipstok, ti, kakaruk na pisin, plantesen forestri, raba, spaises, kukubu na ol arapela gavman opis husat i save promotim agrkalsa developmen. Fiseris sekta em ol i askim ol long kisim membasip. Mipela i ting membasip bai go antap taim moa ogenaiesen i luksave olsem RIC i stap na i gat ol bikpela gutpela samting we i ken kamap.

Agrikalsa

RIC i billip olsem bihain taim bilong Papua Niugini i sindaun wantaim agrikalsa sekta. Dispela em i wanpela eria we bikpela namba bilong ol Papua Niugini pipel i save gut long en, na i ken mekim kamap olsem wok bisnis insait long praivet na gavman sekta wantaim. Agrikalsa sekta em i baksait bun bilong Papua Niugini ekonomi we em i save givim bikpela winmani na wok long planti long olgeta pipel insait long kantri. Na tu, em i save givim kaikai na ol samting bilong mekim wok insait long ol rurel komyuniti o bus ples bilong kantri. Long ol yia i kam na go pinis, ol gavman i wok long toktok tasol long

agrikalsa sekta we ol i save tok ol i luksave long en, tasol long mekim wok long strongim toktok, i nogat sapot bilong ol rurel produsa. Bikpela lukluk bilong gavman i bin go long non-riniuabel risos sekta, menufeksaring na ol taun na siti wok. Pasin bilong nogat luksave i lukim i nogat nupela invesmen insait long agrikalsa sekta na dispela i daunim kontribusen bilong winmani em i save givim long Gros Domestik Prodak. Wanpela long ol bikpela as tingting bilong Rurel Industriis Kaunsil em long mekim olgeta pipel bilong Papua Niugini long luksave long agrkalsa na bikpela wok bilong em. Agrikalsa i save givim wok bilong ol Papua Niugini manmeri, wanpela gutpela rot bilong kisim winmani bilong ol wan wan manmeri na ol famili na ol gutpela kaikai bilong famili. Agrikalsa i save mekim bikpela wok long kamapim moa wok na developmen bilong kantri. RIC bai wok wantaim gavman na ol arapela ogenaiesen long lukim moa developen long agrikalsa, ol polisi na ol plen em ol i wokim na karimaut, long strongim sindaun bilong ol pipel bihainim ol tumbuna pasin bilong Papua Niugini stret. Developmen bilong agrikalsa sekta i laikim olgeta sekta bilong komyuniti, gavman wantaim, long mekim wok bilong ol long kamapim wanpela bikpela wok developmen tasol. I gat samting olsem 200,000 Papua Niugini manmeri i wok insait long fomol sekta bilong kantri na strong bilong dispela sekta long go bikpela moa na kisim moa pipel i nogat olgeta. Agrkalsa sekta i gat sans long kisim planti yangpela pipel husat i pinisim skul tasol i nogat wok.

Rurel Industriis Kaunsil Membasip

Wanem ol rijinei na nesenel asosiesen husat i makim ol groas o praimeris prosesa bilong ol agrikalsa kaia o laipstok we ol i laik strongim agrikalsa developmen insait long Papua Niugini i ken aplai long kisim membasip wantaim Kaunsil. Ol aplikesen bilong membasip em ol i mas raitim na salim i go long Kaunsil yet. Em i laik bilong Kaunsil yet long tok orait o rausim dispela aplikesen. I gat wanpela enuel membasip fi.



KAMAP GUT TRU: NARI wokmanmeri i soim sampela kumu ol i groim long Aiyura Veli, Isten Hailans provins.

RURAL INDUSTRIES COUNCIL
P.O. BOX 1530 PORT MORESBY, NCD
PAPUA NEW GUINEA
Telephone: 3215773 Fax: 3217223
Email: ric@daltron.com.pg

RUREL INDASTRIS KAUNSEL

AGRIKALSA EM I GIVIM BIKPELA HALIVIM LONG SAIT BILONG OL KAINKAIN WOK DEVELOPMEN LONG KANTRI NA OL KAIN WOK DEVELOPMEN WE BAI I GO YET LONG SAPOTIM PNG NA OL PIPEL BILONG EM LONG PLANTI YIA I KAM.

*Toktok i kam long Siaman bilong RIC
 Brown Bai CBE*



Deputi Praim Minista na Minista bilong Petroleum Sir Moi Avei i lukluk long wanpela wina rebit we Sief Saintis bilong NARI, Dokta Allan Quartermain i soim em. Nesenel Plening Sekreteri Valentine Kambori i lukluk long baksait.



Ol yangpela pikinini givim kaukau na lip long ol rebit. Nem bilong ol em Sam Mazi, Jobi Bongji na Pauline Walter.

KAUKAU I GAT STRONG: Dokta Xie Jiang i lukluk long sampela kaikai we Fud Prosesing na Presavesen Yunit bilong FPDA i bin mekim long Lae. Wantaim Dokta Jiang em FPPU Kodineta Joyce kisai na Pos Haves Saintis bilong NARI, Joel Waramboi.

Poto: Gary Fagan



As ples kaikai bilong groim rebit

Senior Anzu i raitim

OL REBIT fama nau i ken givim ol as ples kaikai long ol animel bilong ol. Wok risets we Nesenel Agrikalsa Risets Institut (NARI) i karimaut i tok olsem ol enei kaikai olsem kaukau o kokonas em gutpela kaikai taim ol rebit i kisim ol arapela pres grin lip kaikai. Dispela tupela kaikai wantaim bai halivim long strongim ol liklik rebit taim ol i wok long bikpela.

NARI i bin autim dispela nupela kaikai bilong ol rebit i go long PNG faming komyniti bihain long ol i kamapim sampela wok risets wok traim. Yunivesiti bilong Teknoloji long Lae (Unitech) i bin kamapim nambawan wok painimaut taim ol rebit i bin kamap insait long kantri long 1993. Bihain long en

groim rebit i bin kamap bikpela tru. Ol dispela animel i opim rot long givim gutpela kaikai long famili, kisim winmani na givim ol long wok bisnis bilong ol fama yet.

Wanpela ten 5 (15) rebit i bin kamap long PNG long nambawan taim. Nau i gat samting olsem 2500 rebit i stap long moa long 50 ples insait long kantri.

Ol rebit i ken yusim kain kain gaden kaikai bilong strongim ol yet. Tasol ol i no save karim gut sapos ol i kaikai lip tasol.

Unitech i bin kamapim wanpela kain kaikai we ol rebit i ken kaikai na Goodman Fielders kaikai Mil. Tasol dispela pellet kaikai i bin lus bikos nogat planti fama i bin laik baim.

I gat ol arapela rebit pellet kaikai i stap, tasol bikpela samting em kos bilong mekim. Planti long ol

fama i save lukautim ol rebit i stap long ol bus ples na i hat long kisim ol sevis nabaut. Olsem na ol fama i lukluk moa long ol lokol kaikai bilong givim long ol rebit.

Ol kaikai insait long PNG we i gat bikpela enei na i ken halivim ol rebit em ol kaikai olsem tapiok, banana, kaukau sugakein na kokonas.

Ol rebit i kamap gut insait long olgeta hap bilong kantri. Ol fama long Westen Hailans, na Milen Be provins i bin tok strong long kamapim dispela as ples kaikai bilong ol rebit. Ol rebit i ken mekim kain kain wok. Ol i gutpela bilong lukautim baksait long haus na wok bilong lukautim i no bikpela wok tumas. Long PNG, mipela i gat tupela kain rebit - Canberra Half Lop na Nu Silan Wait.

PNG lukluk long prosesim kaukau

Gary Fagan i raitim

BIKPELA paitim toktok i stat pinis long sanapim wanpela projek bilong prosesim kaukau insait long Papua Niugini. Ol paitim toktok i go het pinis namel long Crop Risets Institut bilong Sichuan

Adademy bilong Agrikalsarel Sains long Saina na ol patna i sanap wantaim Nesenel Agrikalsarel Risets Institut (NARI) na Pres Produs Developmen Ejensi (FPDA).

Ol opisel bilong ol patna i bin bung long Lae i no long taim i go pinis wantaim Asosiet Profesa bilong Agrikalsarel Prodaks Prosesing Senta bilong Crop Ristets Institut Dokta Xie Jiang long Bubia, ausait long Lae siti. Ol i bin bung long kamapim wanpela projek long testim olgeta teknoloji bilong prosesim kaukau na painimaut maket bilong em na ol arapela prodak insait long PNG.

Dokta Jiang i bin tok olsem em i ai op long lukim wok FPDA na


NARI i mekim na i em i tok em bai lukluk long wok klostu moa wantaim ol PNG patna long sanapim wanpela bikpela wokbung aninit long Baileterel Aid Arensment i stap pinis. FPDA na NARI bai wok bung long mekim ol wok painimaut long prodak developmen prosesing, stores, pekim, na sekim maket bilong ol nupela prodak i ken kamap long kaukau, olsem nudels.

Aninit long Fud Prosesing na Presavesen Yunit (FPPU) bilong ol, FPDA bai wokim fama trening, soim ol long yusim ol prosesing teknoloji na long bihainim ol arapela rot bilong prosesim ol arapela samting wantaim kaukau.

Maketing na Infrastraksa Divisinel

Menesa Ken Konafo i tok i gat bikpela sans bilong mekim ol sips aninit long dispela nupela progrem.

Long wankain taim Dairekta bilong Risets long NARI, Dokta Sergie Bang i bin salim pas i go long Saina embesi long Pot Mosbi na tok kliia olsem long ol yia i go pinis, NARI i bin makim sampela kaukau we i gat strong bilong karim planti kaukau, i ken groa long taim bilong drai, i nogat ol birua na i ken groa long kain kain ples. Olgeta dispela ol kain kain kaukau em ol i tiim i go aut long pablik pinis na nau ol bai lukluk long tanim ol dispela kain kaukau i go long kamap ol arapela prodak.



Toughest on Earth.

Hastings Deering



Product People Commitment.

We deliver.



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAU	982 1244	982 1129
LIHIR	986 4105	986 4107
KIMBE	983 5144	983 5144

Pres kaikai depo bilong ol fama

Senior! Anzu i raitim

PRES **Produs**
Developmen **Ejensi**
(FPDA) i lukluk long sanapim wanpela nupela pres prut na kumu depo o bakstua long Kainantu, Isten Hailans Provins, bilong ol fama insait long Hailans rijen.

Taim em i bin toktok long wanpela fil de long Aiyura, FPDA Ekting Jenerel Menesa Robert Lutulele i tok FPDA bod ov dairektas i bin givim tok orait long halivim ol pres produs fama na sanapim wanpela rot bilong halivim ol long kisim ol gaden kaikai bilong ol i go long maket.

Mista Lutulele i tok ol fama i gat hevi long salim ol kaikai bilong ol i go long ol gutpela maket long Lae, Pot Mosbi na Madang. Em i tok FPDA i lukluk long ol arapela rot bilong halivim ol fama long salim kaikai bilong ol. Na wanpela bikpela wok nau em long sanapim wanpela depo bilong ol provins insait long Hailans rijen.

Em i tok wanpela hap graun long Kainantu em i gutpela get i go long Hailans. Samting olsem 3 o 4 awa ron long kar i go long Nadzab ples balus na Namasu wof long Lae, Mista Lutulele i tokim moa long 300 fama olsem dispela bai nambawan bikpela depot bilong ol fama insait long Hailans.

Em i salensim tu ol fama grup na ol fama long yusim ol lain ejensi na opis insait long agrkalsa sekta olsem Nesenel Agrikalsa Risets Institut, Provinsal Divisen bilong Praimeri Industri na FPDA na go lukim ol long lainim moa na groim inap long bungim saplai bilong depot.

Mista Lutulele i tok i gat wanpela bikpela maket bilong ol pres kaikai insait long kantri na ol fama i mas stretim ol yet na wok strong long kamapim gutpela kwolati kaikai we i gat strong bilong en.

"Long kisim pres kaikai i go long maket em i wanpela bikpela wok tru. I mas i gat gutpela wok komit-

men i kam long ol fama, ol risets ogenaísesen long kamapim ol gutpela teknoloji olsem ol mobeta kain kaikai na mobeta rot bilong daunim ol binatang na sik bai mipela i ken i gat ol gutpela kaikai."

"Mipela i mas kamapim gutpela kwolati kaikai na daunim ol impot o pres kaikai i kam long ol arapela kantri. Em i wanpela salens bilong mipela long wok bung, na i mas i gat strongpela tingting i kam long ol fama," Mista Lutulele i tok.

Long wankain taim FPDA i bin kamapim wanpela gutpela displei na givim ol stia tok long ol fama long nambawan fil de bilong Bikpela Hailans Progrem bilong NARI long Aiyura insait long Isten Hailans provins. Moa fama na skul pikinini na pablik i bin kisim skul long ol FPDA wokmanmeri long groim ol poteto sid na rot bilong rausim long graun na salim. Dispela namba wan fil de i bin kamap las ya.



WE BILONG PLANIM KAPIS: Pai Pirao bilong NARI Aiyura i soim wanpela ful trei i gat ol kapis sidling long en insait long neseri.

WE BILONG RAUSIM KAPIS: Joana Galuwa bilong NARI Tambul, Westen Hailans provins, i soim sam-pela rot long rausim kumu long graun. Em i toktok long ol fama insait long Kaugel veli.



KOKONAS INDUSTRI KOPORESEN

OL BAIA, EKSPOTA NA PROSESA BILONG OL KOKONAS PRODAK INSAIT LONG PNG

Lic No	Buyers	Licensed Province of Purchase	BL68	PAK Domo Limited	Manus
BL01	WR Carpenter (PNG) Limited	East New Britain	BL69	Alung's Nerve Centre Limited	Madang
BL02	"	West New Britain	Lic No	Exporters	Licensed Province of Export
BL03	"	New Ireland	EL01	WR. Carpenter (PNG) Ltd	East New Britain
BL04	"	North Solomons	EL10	Agmark Pacific Ltd	East New Britain
BL06	Silan Limited	Manus	EL11	Agmark Pacific Ltd	Morobe
BL10	Agmark Pacific Limited	East New Britain	EL31	Kaivulo Ltd	West New Britain
BL11	"	Morobe	EL34	Kimbe Shipping & Transport Ltd	West New Britain
BL38	"	Madang	EL43	Island Copra Traders	West New Britain
BL39	"	West New Britain	EL46	Alen Enterprises Ltd	Milne Bay
BL36	Kivulo Limited	West New Britain	EL48	Niu Sepik Cocoa Growers Ltd	East Sepik
BL37	Kilinwater Plantation Ltd	East New Britain	EL51	Coconut Oil Production Madang Ltd	Madang
BL40	Kimbe Shipping & Transport Ltd	West New Britain	Lic No	Processors	Licensed Province of Processing
BL55	Alen Enterprises Ltd	Milne Bay	PL01	WR. Carpenter (PNG) Limited	East New Britain
BL57	Niu Sepik Cocoa Growers Ltd	East Sepik	PL08	Coconut Oil Production Madang Ltd	Madang
BL62	Coconut Oil Production Madang Ltd	Madang	PL09	P.I.R. Enterprises Limited	Milne Bay
BL67	P.I.R. Enterprises Limited	Milne Bay			

Ol kampani na ogenaísesen we nem bilong ol i stap antap i rejista pinis wantaim Koporeesen na wok bilong ol i bihainim lo. Ol lain we nem bilong ol i no stap long hia na i wok bisnis yet em ol i nogat laisens long wok o em ol difolta o ol i hait na wok i stap na pablik i mas ripotim ol long Industri Afeas Divisen long telepon 321 1133. Strongpela tok stia i go long ol manmeri long salim kopra bilong ol long ol dispela kampani we nem bilong ol i stap antap tasol bikos ol i gat KIK Baias Laisens.

TOK ORAIT I KAM LONG MENESING DAIREKTA

Tok Pisin FM stesin bungim namba 9 krismas



TAIM mi bin harim olsem mi bai lusim Kalang FM i go long sanapim wanpela tok pisin redio stesen bilong PNGFM long 1996, wanpela bipo midia bosman i bin tokim mi olsem tingting bilong statim wanpela komesel redio stesen long tok pisin em i wanpela krangi tingting olgeta long wanem kantri i bin i gat sampela NBC stesen i wok long brotkas long namba wan bikpela tok ples pinis.

Dispela bipo midia bosman i bin traim tanim tingting bilong mi olsem dispela tok pisin redio stesen mi laik sanapim bai no inap stap laip inap long wanpela yia na bai no inap pulim planti manmeri.

Mi bin kisim dispela toktok olsem wanpela salens long mi yet taim mi stat wantaim PNG FM long namba wan de bilong mun Jenuari 1997 we mi bin stat long sanapim Yumi FM.


Praim minista long dispela taim, Sir Julius Chan i bin opim 93 FM, Yumi FM long Februari 24, 1997 na em i bin presim baten long statim nambawan brotkas bilong stesen wantaim bikpela singsing bilong Barike long dispela taim - Wan Kantri. Dispela singsing i bin kamap nambawan opisel singsing long pairap long Yumi FM.

'Yumi go nau'

Long dispela bikpela de mi bin smail na tanim i go long Stesen Menesa, Mark Rogers na Sels Dairekta Peter Aitsi na tok isi tasol, "Em nau, yumi go nau."

Na maski long tok lukaut i kam long bipo midia bosman, Yumi FM i bin kisim luksave olsem "Nambawan redio stesen we planti pipel insait long kantri i save harim' insait long nambawan yia bilong em long 1998. Wanpela independen maket wok painimaut i bin tokaut.

Namba bilong ol manmeri husat i bin



Ol anaunsa bilong Yumi FM. Long fran i go long baksait: Turner 'Kas-T' Arifeae (San Kamap So); Angra Kennedy; Debbie Dobunaba; Emile 'Ankol ET' Tenoa; na Turana Kemi. Insait piksa em Vavi Esi.

harim Yumi FM long 1999 i holim stesen long namba wan ples na nau yet em i nambawan stesen insait long PNG yet.

Nau em i 2006 na 9-pela yia i lus pinis. Tasol stesen i sindaun antap yet na i wok long strong moa taim ol i opim ol program bilong em i go aut long ol bikpela siti, taun, ol main sail, risos projek ples na ol viles insait long olgeta provins.

Nau nambawan tok pisin komesel redio stesen bilong PNG bai go aut long olgeta provins long amamasim namba 9 yia bilong ol long dispela mun.

Saba, wanpela siks man ben we Rolly Bogese bilong Isabel provins long Solomon Ailans i go pas long en. Ol i bin kisim askim long kam na amamasim bondei bilong Yumi FM long wanpela pilai raun bilong ol i go long Mosbi, Lae, Madang na Rabaul.

Dispela em i wankain rot bilong tua we wanpela arapela Solomon Ailans atis, Sharzy, i bin bihainim taim em i kam pilai long SP Ailan Wei Tua long mun Ogas las yia.

Plen i bagarap


Yumi FM na susa ste-

Yumi FM Program Dairekta Kas-T i tok maski Saba bai no inap kam pilai raun, ol bai gat inap lokol musik atis bilong kirapim das yet.

sen bilong em Nau FM i bin mekim bikpela tok promosen bilong raun bilong Saba i kam inap long pinis bilong Jenuari taim ol i kisim toksave i kam long Honiara olsem ben bai no inap long kam nau.

Program Dairekta bilong Yumi FM na mausman bilong Brekfas So, Kas-T i tokim mi olsem sampela ben memba bilong Saba i no bin inap long kisim tok orait long ol bosman bilong ol long kam long dispela pilai raun.

"Mipela i kisim toksave i kam long ol bos bilong sampela ol ben memba olsem ol bai i no inap larim ol i kam tua long PNG," Kas-T i tok. "Sampela long ol i holim ol bikpela wok tu na ol bosman bilong ol i tokim mipela olsem em i sotpela taim long ol i kisim oksave olsem na ol i no inap long lusim ol ben memba long kam



Poto: Nicky Bernard

long dispela tua."

Kas-T i tok ol i no amamas tru long dispela na ol lain lisena bilong Yumi FM tu i no amamas olsem Saba bai no inap long kam long makim namba 9 bonde bilong stesen.

"I nogat bisnis olsem so binis," Kas-T i tok. "So bai i mas go het yet, maski mipela i no inap kisim ol i kam nau."

Em i tok Yumi FM na Totol Iven Kampani nau i wok long sekim gen ol plen bilong ol bai ol i ken kamapim wanpela pati bilong ol lisena bai ol i ken amamas yet.

Sikpela bikpela ben bai pairap

Bikos dispela samting i kamap, Yumi FM i toksave olsem ol bai mas daunim sampela ol program we ol i bin laik mekim bipo.

"Nau bai mipela i mekim wanpela bikpela

so tasol insait long Mosbi siti we bai i gat 6-pela bikpela ben na solo atis i stap hia long Mosbi, na mi toktok pinis wantaim olgeta na ol i skin kirap long dispela sans long pilai laiv long halivim Yumi FM."

Nupela Bonde program nau bai lukim Rabbie Gamenu husat i bin mekim nem wantaim singsing bilong em Betty Betty long 1990s, Sebeats of Sepoe husat i bin kisim luksave long SP Musik Awots las yia, X-Vibes bilong Quakes Productions studio, Twinhoks, Jr Insects, ol Yalibu stail mangi bilong Imbokeri na Cyclone Studio Ben. Azzimbah tu bai bung gen long stap insait long dispela so.

Azzimbah lukim olsem sans ya

"Mipela i kisim dispela sans taim Kas-T i

bin askim mipela bai ben i ken bung na singsing gen na rekot tu bihain long mipela i bin bruk inap 5-pela yia," lit singa bilong Azzimbah, Martin Rawali i tok. "Ol mangi bilong mi i wok long kirapim dispela tingting long bung gen, na mi ting dispela bai sans we mipela i wok long wetim long lukim ol plen bilong mipela long karim kaikai."

Rawali i tok long apin-un yet ol mangi i bin bung na stat redim ol singsing bilong ol.

Azzimbah ben i stap strong wantaim Yumi FM bikos ol i bin nambawan grup husat i bin go pilai raun long Momase na Hailans Rijen long 1998 aninit long sponsasip bilong Ela Motors na Yumi FM.

Azzimbah i bin pilai long Madang, Lae na Goroka na bihainim rot wantaim wanpela 35 sita bas we i bin karim nem bilong ben.

Bihain long dispela bikpela tua, Azzimbah i bin kilim musik industri wantaim tupela albam i kam long Pasific Gold studios na ol bikpela singsing olsem Azzimbah, Fooks long Mi, Bomana, Kusai, na planti arapela singsing i go insait long top 10. Azzimbah, Fooks long Mi na Bomana i bin go olgeta long namba 1 long Yumi FM Wikli Hit Pareit.

"Long namba 9 bondei konset Azzimbah bai pilaim ol bikpela singsing bilong ol wantaim sampela nupela singsing tu we mipela i bin kamapim aninit long nem Ex-Azzimbah na sampela singsing mi bin rekotim long solo albam bilong mi."

Rawali i tok em i lukim dispela bonde pati olsem wanpela gutpela sans long givim ol fens na sapota sampela nupela musik bilong em we em bai autim long nupela solo albam bilong em, 'Jail'.

Ben bai bungim olgeta orijinel memba. Lit gita man bilong ol Ivana Keti tasol bai no inap stap long wanem em i wok long skul long kamap sios pasto.

Rawali i tok Azzimbah i wok long tingting long rekot olsem wanpela ben yet na larim em i rekotim solo albam bilong em tu.

"Tasol nau yet mipela i redi long pairap long pinis bilong dispela mun long Pot Mosbi Kantri Klub long bonde bilong Yumi FM," Rawali i tok. Program Dairekta Kas-T i tok i no gutpela Saba bai no inap stap, tasol ol arapela ben i kisim ples bilong ol bai gat kik tu ya.

"Mipela i kisim pinis sampela gutpela toktok i kam long ol lisena bilong mipela long ol ples olsem Lahir na Pogera husat bai kam daun long Mosbi long amamas wantaim mipela. Dispela em bai gutpela sans bilong ol pipel long Lae na Madang long kam bung wantaim mipela, na tu ol lisena insait long NCD na Sentrel Provins i ken kam tu."

Saba bai kam yet

Kas-T i tok gutpela nius em Saba bai kam pilai raun yet long PNG bihain long dispela yia na ol klab i save wok wantaim Yumi FM we ol i bin redi long bonde bilong Yumi FM bai gat sans yet long lukim Saba i pilai long ol klab bilong ol.


"I gat bikpela sapot tru bilong Solomon Ailans musik insait long PNG. Dispela i klia long bikpela bekim Sharzy i bin kisim long 2005 long SP Ailan Wei Tua bilong em, Bogenvil

Independens Tua na SP Musik Awots, na mipela i bilip olsem Saba bai kam na kirapim wankain das namel long ol sapota bilong ol long hia," Kas-T i tok. Em i tok tu olsem em i ken lukim namba 10 bonde bilong Yumi FM stesen long 2007 bai bikpela moa yet na i luk olsem bai wanpela ovasis atis bai kam tu.

Ol tiket bilong Yumi FM bonde pati em ol bai salim long get bilong POMCC long K25. Olsem na sapos ya laikim Yumi FM, bungim mani na kam stap wantaim ol long Februari 25, 2006.

GLASIM MUSIK
em i kamap long Wantok Niuspepa tasol yu ken ritim long tok Inglis insait long The National niuspepa olgeta Mande.

Raun wantaim Kanage olgeta wik



SP NATIONAL WEEKLY HITPARADE

Bikpela Sponsa: SP LAGER - FEBRUARI 18/02/06

Singsing	Musik Atis	Dispela Wik
Ramandu Beach	Off Cuts	1
Stap Sore	Kekene	2
Milomilo	Kekene	3
Skul Mangi	Gedix	4
Angel	Kekene	5
Queen 4 Lane	Leonard ft Anslom	6
Maten Kandiek	Twin Hoks of Kavieng	7
Gutsomi	Leftovers	8
Mi Wrong	Leftovers	9
Pasin Barata	Dadii Gii	10
Biga Ai	David Rangas	11
Lavili Fes Biutiful Bodi	Stranded	12
Korivido	Saba	13
Spent All My Life	Triple J	14
Living On A Prayer	Troublezone ft Sasha	15
Keliu Ngala	Saba	16
Daba	Litol Rastas	17
Tavue	Off Cuts	18
Rosie Marara	Sharzy	19
Stailim Stailim	Murphy	20

Host: Kas. T Yumi FM

TV GAID

FONDE 16 FEBRUARI, 2006

8.30PM M SUNDAY NIGHT MOVIE: LITTLE OBERON (2006) Mystery/Thriller. Sigrid Thornton heads an elite in the new Australian television. Thornton portrays the aging eccentric artist Lola Green who lives in the sleepy mountain town of Little Oberon. Sparked by when Lisa is visited by her estranged and tempestuous daughter Georgia (Holliston) and rebellious granddaughter Natalie (Byrne), and the tiny community is shaken with a job.

11.00PM G EMTV NEWS REPLAY
11.30PM G PRAISE
00.30AM EMTV PRIME TIME LINE UP

MANDE 20 FEBRUARI, 2006

5.27AM STATION OPEN
5.30AM G JOYCE MEYER Religious programme
6.00AM G TODAY
9.00AM G CREFFLO DOLLAR Religious programme
CLASSROOM BROADCAST
9.30AM Personal Development - Grade 6
10.20AM Making A Living - Grade 7
11.10AM Social Science - Grade 7
12.00PM Mathematics - Grade 8
12.45PM Teacher Training Program Manager
1.15PM Science - Grade 8
2.00PM Teacher Training Program
KIDS KONIA
2.30PM G JAY JAY THE JET PLANE
3.00PM G NEW MACDONALD'S FARM
3.30PM G H&S
4.00PM G BUSH BEAT
4.30PM G Y
4.57PM G EMTV TOK SAVE
5.00PM G BERT'S FAMILY FEUD
5.29PM G EMTV NEWS UPDATE
5.30PM G TEMPTATION: The New Sale of the Century
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G CHM SUPERSOUND
7.57PM G EMTV TOK SAVE
8.00AM G SPORT SCENE
return
Sport Scene will keep you up-to-date on sports and activities taking place in & around Port Moresby, plus run down on events & results in other regions. Hosts: Hilbert Armit & Aji Kamaraman.
9.00PM PG THE APPRENTICE
11.00PM G EMTV NEWS REPLAY
11.30PM PG KING OF QUEENS
MIDNIGHT EMTV PRIME TIME LINE UP

FRAIDE 17 FEBRUARI, 2006

5.27AM STATION OPEN
5.30AM G JOYCE MEYER Religious programme
6.00AM G TODAY
9.00AM G CREFFLO DOLLAR Religious programme
CLASSROOM BROADCAST
9.30AM Personal Development - Grade 6
10.20AM Making A Living - Grade 7
11.10AM Social Science - Grade 7
12.00PM Mathematics - Grade 8
12.45PM Teacher Training Program Manager
1.15PM Science - Grade 8
2.00PM Teacher Training Program
KIDS KONIA
2.30PM G JAY JAY THE JET PLANE
3.00PM G NEW MACDONALD'S FARM
3.30PM G ROCKE & FRIENDS
4.00PM G BUSH BEAT
4.30PM G Y
4.57PM G EMTV TOK SAVE
5.00PM G BERT'S FAMILY FEUD
5.29PM G EMTV NEWS UPDATE
5.30PM G TEMPTATION: The New Sale of the Century
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM PG THE ALICE
8.00PM G TOK PKSA
return
8.27PM G EMTV TOK SAVE
8.30PM PG RENOVATION RESCUE
9.30PM PG HOLIDAY SHOWDOWN
10.30PM G EMTV NEWS REPLAY
11.00PM PG WIFE SWAP
MIDNIGHT EMTV PRIME TIME LINE UP

SARERE 18 FEBRUARI, 2006

8.00AM G PLANET FANTIA
9.30AM G GOODSPORTS
10.00AM PG SO FRESH
11.30AM G WORLD OF WILDLIFE
12.00PM G THE PACIFIC WAY
EMTV WIDE WORLD OF SPORT
1.00PM G ICC CRICKET SHOW
1.30PM G THE GOLF SHOW
2.00PM G RUGBY UNION
HIGHLANDERS v BLUES
4.00PM G THE CAR SHOW
4.30PM G THE BOAT SHOW
5.00PM G ESCAPE WITH ET
5.30PM G FISHING WILD
AUSTRALIA
6.00PM G NATIONAL EMTV NEWS
6.30PM G AUSTRALIA'S FUNNIEST HOME VIDEO SHOW **return**
7.30PM G EMTV WIDE WORLD OF SPORT
RUGBY UNION: REDS v CRUSADERS
All the action of the Super 14's from Brisbane
9.27PM G EMTV TOK SAVE
9.30PM G SOUTH PACIFIC MUSIC
10.30PM M WALKER TEXAS RANGER
11.30PM G EMTV NEWS REPLAY
MIDNIGHT EMTV PRIME TIME LINE UP

SANDE 19 FEBRUARI, 2006

7.26AM **STATION OPEN**
7.27AM G EMTV TOK SAVE
7.30AM G BUSINESS SUCCESS
8.00AM G BUSINESS SUNDAY
9.00AM G SUNDAY
11.00AM G RING CLIP - NSW v WA
12.30PM G SOME CALL IT SPORT
1.00PM G RING CLIP...continues...
4.30PM G THEY MUST BE MAD
5.00PM G THE PACIFIC WAY
6.00PM G NATIONAL EMTV NEWS
6.30PM G 7TH HEAVEN
series premiere
7.30PM G 80 MINUTES
return
The 80 Minutes team comprising of Richard Crutten, Liz Hayes, Peter Overton & Tacia Brown expose scandals, invest gate intrusions, examine the interesting and unusual, and travel the world to bring you an eyewitness account of important and dramatic moments in our lives.

8.30PM M SUNDAY NIGHT MOVIE: LITTLE OBERON (2006) Mystery/Thriller. Sigrid Thornton heads an elite in the new Australian television. Thornton portrays the aging eccentric artist Lola Green who lives in the sleepy mountain town of Little Oberon. Sparked by when Lisa is visited by her estranged and tempestuous daughter Georgia (Holliston) and rebellious granddaughter Natalie (Byrne), and the tiny community is shaken with a job.

11.00PM G EMTV NEWS REPLAY
11.30PM G PRAISE
00.30AM EMTV PRIME TIME LINE UP

MANDE 20 FEBRUARI, 2006

5.27AM STATION OPEN
5.30AM G JOYCE MEYER Religious programme
6.00AM G TODAY
9.00AM G CREFFLO DOLLAR Religious programme
CLASSROOM BROADCAST
9.45AM Personal Development - Grade 7
10.30AM Making A Living - Grade 7
11.10AM Social Science - Grade 7
12.00PM Mathematics - Grade 8
12.45PM Teacher Training Program Manager
1.15PM Science - Grade 8
2.00PM Teacher Training Program
KIDS KONIA
2.30PM G BANANAS IN PYJAMA **return**
3.00PM G NEW MACDONALD'S FARM **new series**
3.30PM G H&S **new series**
4.00PM G Y **return**
4.30PM G HOT SOURCE **new series**
4.57PM G EMTV TOK SAVE
5.00PM G BERT'S FAMILY FEUD
5.29PM G EMTV NEWS UPDATE
5.30PM G TEMPTATION: The New Sale of the Century
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G PRAISE
8.00PM G TOK PKSA MONDAY EDITION **return**
8.27PM G EMTV TOK SAVE
8.30PM PG WHO WANTS TO BE A MILLIONAIRE
9.30PM M CSI MIAMI
10.30PM G EMTV NEWS REPLAY
11.00PM G CHM SUPERSOUND
MIDNIGHT EMTV PRIME TIME LINE UP

TUNDE 21 FEBRUARI, 2006

5.27AM STATION OPEN
5.30AM G JOYCE MEYER Religious programme
6.00AM G TODAY
9.00AM G CREFFLO DOLLAR Religious programme
CLASSROOM BROADCAST
9.45AM Personal Development - Grade 7
10.30AM Making A Living - Grade 7
11.10AM Social Science - Grade 7
12.00PM Mathematics - Grade 8
12.45PM Teacher Training Program Manager
1.15PM Science - Grade 8
2.00PM Teacher Training Program
KIDS KONIA
2.30PM G BANANAS IN PYJAMA
3.00PM G NEW MACDONALD'S FARM
3.30PM G H&S
4.00PM G Y
4.30PM G HOT SOURCE
4.57PM G EMTV TOK SAVE
5.00PM G BERT'S FAMILY FEUD
5.29PM G EMTV NEWS UPDATE
5.30PM G TEMPTATION: The New Sale of the Century
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G AUS & HOME
7.57PM G EMTV TOK SAVE
8.00PM PG CELEBRITY OVERHAUL
9.00PM PG KING OF QUEENS
9.30PM M COLD SQUAD
10.30PM G EMTV NEWS REPLAY
11.00PM M CSI
00.00AM EMTV PRIME TIME LINE UP

TRINDE 22 FEBRUARI, 2006

5.27AM STATION OPEN
5.30AM G JOYCE MEYER Religious programme
6.00AM G TODAY
9.00AM G CREFFLO DOLLAR Religious programme
CLASSROOM BROADCAST
9.45AM Personal Development - Grade 7
10.30AM Making A Living - Grade 7
11.10AM Social Science - Grade 7
12.00PM Mathematics - Grade 8
12.45PM Teacher Training Program Manager
1.15PM Science - Grade 8
2.00PM Teacher Training Program
KIDS KONIA
2.30PM G BANANAS IN PYJAMAS
3.00PM G NEW MACDONALD'S FARM
3.30PM G H&S
4.00PM G Y
4.30PM G HOT SOURCE
4.57PM G EMTV TOK SAVE
5.00PM G BERT'S FAMILY FEUD
5.29PM G EMTV NEWS UPDATE
5.30PM G TEMPTATION: The New Sale of the Century
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G CC CRICKET WORLD
7.30PM PG HOLLEODS DAUGHTERS
8.27PM G EMTV TOK SAVE
8.30PM M WEDNESDAY NIGHT MOVIE: SLEEPY HOLLOW (1999) Horror/Mystery/Thriller - Corvidale Island Crane is sent to an isolated village to investigate a series of murders reportedly committed by a headless home man. Stars: Johnny Depp, Christine Ricci, Miranda Richardson.
10.30PM G EMTV NEWS REPLAY
11.30PM G SOUTH PACIFIC MUSIC
12.30AM EMTV PRIME TIME LINE UP

CATHOLIC RADIO 103.5 FM

FONDE

6.00 - ANGELUS
6.05 - MEDITATION/INSPIRATIONAL MUSIC
7.00 - VATICAN RADIO WORLD NEWS
7.15 - VATICAN ENGLISH PROGRAM
7.35 - NON-STOP GOSPEL MUSIC
8.00 - JOURNEY HOME (EWTN)
8.00 - VATICAN RADIO WORLD NEWS
9.15 - VATICAN ENGLISH PROGRAM
9.40 - KIDS SING-ALONG
10.00 - CATHOLIC JUKEBOX
10.30 - GOSPEL MUSIC
11.00 - NON-STOP GOSPEL MUSIC
12.00 - ANGELUS
12.05 - VATICAN WORLD NEWS
12.20 - VATICAN ENGLISH PROGRAM
12.40 - REFLECTION MUSIC
1.00 - LAMB'S SUPPER WITH DR. SCHOTT HAHN
2.00 - MUSIC
3.00 - CHAPLET OF DIVINE MERCY
3.20 - NON-STOP GOSPEL MUSIC
4.00 - CATHOLIC JUKEBOX (ENCORE)
4.30 - NON-STOP GOSPEL MUSIC
5.00 - JOURNEY HOME
6.00 - ANGELUS
6.05 - MADANG LOCAL NEWS
6.10 - VATICAN ENGLISH PROGRAM
6.30 - LAMB'S SUPPER WITH DR. SCHOTT HAHN
7.00 - HOLY ROSARY
7.30 - CATHOLIC INSIGHT
8.00 - VATICAN WORLD NEWS
8.15 - MADANG LOCAL NEWS
8.30 - VATICAN ENGLISH PROGRAM
9.00 - TOK STRET LONG HVAIDS
10.30 - VATICAN ENGLISH PROGRAM

6.05 - SUNDAY EUCHARIST (replay)
7.00 - HOLY ROSARY
7.30 - CATHOLIC INSIGHT
8.00 - VATICAN WORLD NEWS
8.15 - VATICAN ENGLISH PROGRAM
8.40 - IN THE LORD'S VINEYARD
10.00 - NON-STOP GOSPEL MUSIC

MANDE

6.00 - ANGELUS
6.05 - MEDITATION/INSPIRATIONAL MUSIC
7.00 - VATICAN WORLD NEWS
7.15 - VATICAN ENGLISH PROGRAM
7.35 - NON-STOP MUSIC
8.00 - BEST OF JOURNEY HOME
9.00 - VATICAN WORLD NEWS
9.15 - VATICAN ENGLISH PROGRAM
9.35 - KIDS SING ALONG
10.00 - CATHOLIC JUKEBOX (EWTN)
10.30 - NON-STOP GOSPEL MUSIC
12.00 - ANGELUS
12.05 - VATICAN WORLD NEWS
12.20 - VATICAN ENGLISH PROGRAM
12.40 - AFTERNOON REFLECTION MUSIC
1.00 - THE WAY TO FOLLOW JESUS
1.30 - GOSPEL MUSIC
3.00 - CHAPLET OF DIVINE MERCY
3.20 - NON-STOP GOSPEL MUSIC
4.00 - CATHOLIC JUKEBOX (EWTN)
4.30 - NON-STOP GOSPEL MUSIC
5.00 - MESSAGE IN MUSIC
6.00 - ANGELUS
6.05 - VATICAN ENGLISH PROGRAM
6.30 - MANY FACES OF MARY
7.00 - HOLY ROSARY
7.30 - BENEDICTION
8.00 - VATICAN WORLD NEWS
8.15 - CRN LOCAL NEWS
8.30 - VATICAN ENGLISH PROGRAM
9.00 - BEST OF JOURNEY HOME
10.00 - CATHOLIC JUKEBOX (EWTN)
10.30 - VATICAN ENGLISH PROGRAM
11.00 - NON-STOP GOSPEL MUSIC

FRAIDE

6.00 - ANGELUS
6.05 - MEDITATION/INSPIRATIONAL MUSIC
7.00 - VATICAN WORLD NEWS
7.15 - VATICAN ENGLISH PROGRAM
7.35 - NON-STOP GOSPEL MUSIC
8.00 - RADIO ST JOSEPH PRESENTS
9.00 - VATICAN WORLD NEWS
9.15 - ENGLISH PROGRAM
9.35 - KIDS SING-ALONG
10.00 - CATHOLIC JUKEBOX
10.30 - NON-STOP GOSPEL MUSIC
11.00 - WAVE FACTOR (EWTN)
12.00 - ANGELUS
12.05 - VATICAN ENGLISH PROGRAM
12.40 - REFLECTION MUSIC
1.00 - SUPER SAINTS
1.30 - GOSPEL MUSIC
12.20 - VATICAN ENGLISH PROGRAM
12.40 - REFLECTION MUSIC
1.00 - SUPER SAINTS
1.30 - GOSPEL MUSIC
3.00 - CHAPLET OF DIVINE MERCY
3.20 - NON-STOP GOSPEL MUSIC
4.00 - CATHOLIC JUKEBOX
4.30 - NON-STOP GOSPEL MUSIC
5.00 - WAVE FACTOR (EWTN)
6.00 - ANGELUS
6.05 - VATICAN ENGLISH PROGRAM
6.30 - FATIMA
7.00 - HOLY ROSARY
7.30 - STATIONS OF THE CROSS
8.00 - VATICAN WORLD NEWS
8.15 - CRN LOCAL NEWS
8.30 - VATICAN ENGLISH PROGRAM
9.00 - TOK STRET LONG HVAIDS
10.00 - CATHOLIC JUKEBOX
10.30 - VATICAN ENGLISH PROGRAM
11.00 - NON-STOP GOSPEL MUSIC

SARERE

6.00 - ANGELUS
6.05 - MEDITATION/INSPIRATIONAL MUSIC
7.00 - OUR FATHER'S PLAN
7.30 - CROSSROADS (EWTN)
8.00 - VATICAN WORLD NEWS
8.15 - VATICAN PROGRAM
8.35 - MUSIC
9.30 - BACKSTAGE (EWTN)
10.00 - WAVE FACTOR
11.00 - NON-STOP GOSPEL MUSIC
12.00 - ANGELUS
12.05 - VATICAN WORLD NEWS
12.20 - VATICAN ENGLISH PROGRAM
12.40 - GOSPEL MUSIC
3.00 - CHAPLET OF DIVINE MERCY
3.20 - GOSPEL MUSIC
4.00 - BACKSTAGE
4.30 - NON-STOP GOSPEL MUSIC
5.00 - WORLD OVER NEWS
6.00 - ANGELUS
6.05 - VATICAN ENGLISH PROGRAM
6.30 - MIRACLES OF THE CROSS
7.00 - HOLY ROSARY
7.30 - CROSSROADS
8.00 - VATICAN WORLD NEWS
8.15 - VATICAN ENGLISH PROGRAM
9.00 - WORLD OVER NEWS (EWTN)
9.00 - BACKSTAGE
10.30 - VATICAN ENGLISH PROGRAM
10.50 - NON-STOP GOSPEL MUSIC

TRINDE

6.00 - ANGELUS
6.05 - MEDITATION/INSPIRATIONAL MUSIC
7.00 - VATICAN WORLD NEWS
7.15 - VATICAN ENGLISH PROGRAM
7.35 - NON-STOP GOSPEL MUSIC
8.00 - SCRIPTURE MATTERS WITH DR. SCHOTT HAHN (EWTN)
9.00 - VATICAN WORLD NEWS
9.15 - VATICAN ENGLISH PROGRAM
9.35 - KIDS SING ALONG
10.00 - CATHOLIC JUKEBOX
10.30 - NON-STOP GOSPEL MUSIC
12.00 - ANGELUS
12.05 - VATICAN WORLD NEWS
12.20 - VATICAN ENGLISH PROGRAM
12.40 - REFLECTION MUSIC
1.00 - FIRST COMES LOVE DR. SCHOTT HAHN (EWTN)
1.30 - AFTERNOON GOSPEL MUSIC
3.00 - CHAPLET OF DIVINE MERCY
3.20 - NON-STOP GOSPEL MUSIC
4.00 - CATHOLIC JUKEBOX
4.30 - NON-STOP GOSPEL MUSIC
5.00 - SCRIPTURE MATTERS
6.00 - ANGELUS
6.05 - VATICAN WORLD NEWS
6.10 - VANIMO LOCAL NEWS
6.30 - VATICAN ENGLISH PROGRAM
6.30 - FATIMA HEAVEN'S PEACE PLAN
7.00 - HOLY ROSARY
7.30 - DOCTORS OF THE CHURCH
8.00 - VATICAN WORLD NEWS
8.15 - VANIMO LOCAL NEWS
8.20 - VATICAN ENGLISH PROGRAM
9.00 - TOK STRET ABOUT HVAIDS WITH FR. JUDE
10.00 - CATHOLIC JUKEBOX
10.30 - VATICAN ENGLISH PROGRAM
10.50 - NON-STOP GOSPEL MUSIC

SANDE

6.00 - ANGELUS
6.05 - MEDITATION/INSPIRATIONAL MUSIC
7.00 - VATICAN WORLD NEWS
7.15 - VATICAN ENGLISH PROGRAM
7.35 - NON-STOP GOSPEL MUSIC
8.00 - SUNDAY EUCHARIST LIVE
10.30 - NON-STOP MUSIC
11.00 - IN THE LORD'S VINEYARD
12.00 - ANGELUS
12.05 - VATICAN WORLD NEWS
12.20 - VATICAN ENGLISH PROGRAM
12.40 - GOSPEL MUSIC
3.00 - CHAPLET OF DIVINE MERCY
3.20 - GOSPEL MUSIC
4.00 - SIGNS OF THE TIMES (RTA)
6.00 - ANGELUS



Laikim Penpren

- Nem:** Fred McGogo
- Krismas:** 24 (man)
- Adres:** Box 183, Mankessim, C/R, Ghana, West Africa
- Save laikim:** Ritim buk, raitim pas na lukim ol arapela pipel.

- Nem:** Rex Parie
- Krismas:** 17 (man)
- Adres:** PO Box 2160, Lae, Morobe Province
- Save laikim:** Harim lokel musik, tok pilai wan taim ol pren, rait long of pren, senisim presen na poto.

- Nem:** Kerry Sakias Irunde
- Krismas:** 15 (man)
- Adres:** Clifton Primary School, PO Box 922, Rabaul, ENBP
- Save laikim:** Harim gospel musik, raitim pas, raun long taun wantaim ol pren na go lotu.

- Nem:** Benedick Mea
- Krismas:** 18 (man)
- Adres:** Sapuri Plantation, Division 1, PO Box 451, Kimbe, WNB
- Save laikim:** Pilai volibol, soka, skelim musik, tok pilai wantaim ol wantaim, Baibel stadi na go long lotu.

- Nem:** Mathias Mailes
- Krismas:** 19 (man)
- Adres:** Sapuri Plantation, Division 1, PO Box 451, Kimbe, WNB
- Save laikim:** Pilai soka, tas ragbi, volibol, ritim Baibel na harim gospel musik.

- Nem:** Merolyn Loni
- Krismas:** 17 (meri)
- Adres:** C/ Kavui Primary School, PO Box 790, Kimbe, WNB
- Save laikim:** Harim musik, danis na pilai volibol.

- Nem:** Christina Loni
- Krismas:** 15 (meri)
- Adres:** C/ Kavui Primary School, PO Box 790, Kimbe, WNB
- Save laikim:** Harim musik, pilai spots na ritim buk.

- Nem:** Jacklyn Pano
- Krismas:** 19 (meri)
- Adres:** C/ - Hoskins Secondary School, PO Box 468, Kimbe, WNB
- Save laikim:** Harim musik, raun wantaim prens na pilai softbol.

- Nem:** Miss Adriana Verae Aidoo
- Krismas:** 27 (meri)
- Adres:** PO Box AD 157, Maket Lane, Adisadel Oguua, C/R, Ghana, West Africa
- Save laikim:** Kukim kaikai, raun lukim arapela ples na harim musik.

- Nem:** Miss Monica Walker
- Krismas:** 27 (meri)
- Adres:** PO Box CC London Bridge Street, Central Region, 1316 Cape Coast, Ghana, West Africa
- Save laikim:** Pilai spot, kukim kaikai, lukim TV na raitim pas.



STORI TUMBUNA

BIPO wanpela man na meri bilong em i save stap long ples Amia long hap bilong Gumine sab provins long Simbu. Nem bilong man em Olimi na meri em Dimaima.

Tupela i kisim planti samting olsem karuka, marita na sampela arapela samting tu i kam long dispela taim.

Long taim tupela i kam namel long bus, Olimi i tokim Dimaima long wetim em antap long maunten ol i kolim

Olmukul. Olimi i go long katim rop bilong wokim banis, olsem na meri bilong em Dimaima wet i go tasol ai bilong em i raun. Nau em i lukim wanpela naispela haus i stap we i gat planti kumu i stap arere long haus .Dimaima i aigris nogut tru olsem na em i go klostu long dispela haus.

Long dispela haus i gat wanpela lapun meri i stap. Lapun meri ya i lukim Dimaima na tok, meri, husat i tokim yu kam long hia. Na Dimaima i bekim tok, mi kam long slip na bai mi

go bek long tumora. Lapun Meri ya i amamas tru long wanem, em i laik kilim Dimaima na kaikaim em.

Long taim em i tudak nau, lapun meri ya i redim ol spia na bihain em i go kisim kumu long gaden. Lapun ya i kukim kumu na givim long Dimaima, tasol Dimaima i pilim swit tru na aigris moa yet olsem na em i pinisim olgeta kumu.

Long nait nau taim Dimaima i laik slip na em i lukiuk i go antap na lukim spia. Taim em i lukim spia bilong kilim

ma, em i kirap na tok, mi laik go long toilet. Dimaima i kisim liklik sit paia na i go olgeta long rot na i go pinis long Maunten Olmukul.

Lapun meri ya i ting Dimaima i stap yet long toilet, tasol nogat em i go pinis. Nau lapun ya i kisim spia na ron i go long kilim Dimaima na em i singaut 'kumu'. Na kumu insait long bel bilong Dimaima i tok yes long wanem, kumu bilong lapun i stap insait long bel bilong Dimaima.

Bel bilong Dimaima i tok yes, i go i go taim

lapun meri ya i singaut long kumu. Dimaima i go pinis na i kamap long ples Mui na autim stori bilong lapun meri ya long Olimi. Olimi i seksek nogut tru long lapun meri ya, na taim em i kam klostu Olimi i katim nek bilong lapun meri na em i dai.

Nau long dispela taim, ol man na meri i save go i kam long dispela rot long Bomai. Em long wanem, lapun meri ya i dai pinis.

**GUMINE
SIMBU PROVINS**

Mi laik save long Laiplain



Dia Laiplain
Mi laik save long Laiplain, olsem na mi putim askim bilong mi na bai yu ken mekim klia long mi. Mi amamas long lukim etres bilong yu.

CURIOUS
Dia Pren
LAIPPLAIN i gat wanpela grup man na meri husat i laik helpim ol narapela pipel i gat hevi. Ol i save toktok long ol long telipon o raitim pas i go long ol bilong traim helpim ol painim ansa long ol hevi bilong ol.

Ol Laiplain pipel i mekim dispela wok olsem ol volantia. Ol i mekim wok nating na ol i no save kisim pe long en.

Ol Laiplain volantia kaunsela i wokim kos bilong helpim ol long rot we ol yet i ken helpim ol narapela i stretim hevi bilong ol. Ol Kaunsela yet i no save stretim wari bilong ol narapela, nogat. Ol i save givim ol tingting long helpim ol pipel wantaim wari na helpim ol long lukim wanem samting

Ol Laiplain Kaunsela i no save tokim ol narapela lain hevi we pipel i tokim ol long en. Husat i rait i kam o singautim ol long telipon long toktok long ol wari na hevi bilong ol, em samting ol i toktok long em i namel long man o meri

ya na Laiplain telipon long olgeta hap kaunsela. Nogat narapela man o meri bai bilong kantri.


Bai mipela i amamas tasol long harim moa long yu sapos yu laik salim narapela pas i kam.

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

LAIPPLAIN

PERSONAL LOANS

BSP



Why wait for what you want?

BSP HAS PERSONAL LOANS FOR

CARS / BOATS / HOLIDAYS / COMPUTERS / TV's / FRIDGES / SCHOOL FEES...

*Offer ends 30th April 2006

FREE*

BSP T-SHIRT

WITH EVERY LOAN!

if you choose an automatic salary deduction.

MAKE REPAYMENTS EASY & WORRY-FREE

For fast answers on your Personal Loan - just call the BSP Personal Lending Call Centre - 180 1212

ONLY A NATIONALLY OWNED BANK LIKE BSP UNDERSTANDS PNG BANKING NEEDS

Bank South Pacific bsp.com.pg



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Pometia pinnata (taun)

Nem bilong en: taun

As ples na ples em i groa long en:

Pometia i save groa stat long Sri Lanka i go olsem long Saut Is Esia. Insait long PNG Pometia pinnata em i namba wan bikpela diwai long mekim timba. Em i save groa bihainim ol nambis ples long ol kain kain graun na ples kunai stat long karanas bilong nambis i go inap long ol renfores long ples daun na i go antap long ol aluvial flatplen na futhil. Em i strongpela diwai insait long renfors na het bilong em i save abrusim ol arapela diwai insait long fores.

Wanem kain diwai:

Taun em i wanpela namel i go bikpela sais diwai, we longpela bilong em i save abrusim 50 mita na namel bilong em i 1.5mita samting. Het bilong em i bikpela na i gat planti han diwai na lip na i save gat ol yangpela retpela lip olgeta taim.

Ol rop bilong diwai aninit long graun i save op. Skin diwai bilong em i grei i go pink na orens braun, em i smut na i go rap. Ol i ken bruk i go liklik. Insait skin diwai bilong em i no bikpela na i gat planti rot. Kala bilong em i pink na braun. Sapos yu katim o brukim skin bai yu lukim wanpela retpela wara. Ol liklik binatang i save karim na maritim ol diwai taim ol plaua i laik kamap. Prut bilong em i raun liklik, skin bilong em i smut na em i save kamap grin yelo, yelo, ret, pepel o bilak. Insait i gat wanpela switpela waitpela mit bilong em i raunim wanpela bikpela sit o pikinini.

Rot bilong yusim:

Taun em ol i save yusim olsem wanpela gutpela diwai bilong mekim haus, pluarung, plaiwut, ol sia tebol samting, bot, ol windua frem, ol dua na snuka tebol tu. Waitpela mit bilong em i swit moa long kaikai.



Diwai Taun.



Lip bilong Diwai taun.

Flaua, ol prut na sid:

Taim bilong plaua i save kamap namel long olgeta tupela yia. Prut bilong em i save bikpela na mau long mun Desemba i go long mun Mas.

Sit koleksen na prosesing:

Yu ken kisim sit long het bilong diwai o long graun. Sit no inap stap longtaim insait long wara o ples i drai tumas na ol binatang na sik i ken bagarapim hariap tru.

Wok Neseri:

Rausim mit bilong em na em bai kru. Yu mas planim sit kwiktair bihain long yu kisim na bungim olgeta. Em bai i mas sindaun samting olsem 7 inap long 10-pela de bipo long em i stat long kru. Yu ken planim insait long pot pastaim. Taim sit i stat long kru, yu ken brukim skin wantaim pin. Ol yanpela sitling i save groa hariap tru long nambawan mun bilong ol.

McCARTHY & ASSOCIATES (FORESTRY) PTY. LTD.

National & International Forest Consultants

mccat@datec.net.pg

"Long kisim tok stia long olgeta wok diwai"

Hani Bi ken helpim kopi karim moa kaikai

James Kila i raitim

DISPELA stori nau em wanpela bikpela nius tru bilong olgeta lain kopi groas insait long PNG olsem hani-bi o binen i save helpim kopi i ken karim moa bihain long em i plaua.

Wanpela saveman o saintis long Yunaitet Stet ov Amerika (USA) i tokaut long dispela dispela gutpela nius. Na bikpela samting tru em olsem planti kopi famas insait long PNG i mas amamas na lukautim binen insait long kopi gaden bilong ol tu.

Bihain long dispela nius i bin kamap long sampela taim long las yia wanpela kopi projek insait long Daulo distrik long Isten Hailans provins em Sihereni kopi projek i no westim taim.

Jenerel Menesa bilong Sihereni Kopi Projek David Oromarie i baim sampela haus bilong ol bi o bi-haiv na i putim insait long kopi plentesin long pulim ol



HELPIM BILONG BINEN: Mista Oromarie long raitian i soim CIC Sief Saintis Tom Kukhang (namel) wantaim narapela CIC opisa Abel Philemon long ol bokis bilong hani bi insait long kopi gaden bilong em.

hani bi long go long hap.

Mista Oromarie i tok olsem em i laik mekim samting em ol save lain long ovasis i mekim na painim ansa bilong em pinis. Dispela em i laik bringim i kam long kopi projek bilong em long PNG.

I no long taim i go pinis em i bin soim Sif Saintis bilong Kopi Industri Koporesin (CIC) Tom Kukhang na CIC spesel projek opisa long dispela wok em i

kamapim wantaim ol hani bi long plentesin bilong em long Sihereni. Tru tumas, ol dispela lain i guria tru.

Dispela em bikos ol saveman o saintis bilong CIC i no save long dispela. Ol i save stap tasol long Aiyura na i no save wanem samting sampela ol liklik lain long ples i kamap long tingting bilong ol.

Dispela saveman o saintis bilong USA Dokta David Roubik i bin pulim

tru bel bilong bosman bilong Sihereni kopi projek, husat i laik dispela wok painimaut i mas helpim kopi projek bilong em. Dispela stadi o wok-painimaut long USA i tokaut olsem hani bi i ken helpim long karim bilong kopi long gut antap moa long 50-pesen.

Wok painimaut bilong dispela i bin kamap bihain long dispela saveman bilong USA i bin mekim wok long ol hani bi long ol kopi plentesin long kantri Panama insait long Latin Amerika. Stadi o wok glasim we i bin kamap long Panama i bin kamap long wankain ol kopi em nau i stap insait long PNG.

Insait long stadi dispela saveman i tokaut olsem kopi diwai i save karim plaua na kaikai long en yet. Wankain tingting tu em planti ol kopi fama insait long wol tu i ting olsem nogat narapela samting bai helpim plaua na ol prut bilong kopi diwai.



PHOTO: ANDREW MOLEN

InterOil stretim ol papagraun

TOK I DAI: Taim wanpela wok i kamap long wanpela hap, ol lain yu i mas stretim fes em ol papa graun na komyuniti afeas menesa bilong InterOil, Mista Gerson Toamen i amamas long stretim ol papa graun bilong ol ples, Taro No.1 na Taro Agibu long hap bilong Gimi senses divisen long Okapa distrik long Isten Hailans provins we ol i putim wanpela helipet o ples bilong sindaunim helikopta. InterOil i baim kompensesen long ol papagraun las wik Fonde (Februari 9). Ol man i go pas long Udu-Avipi Risos Ona's Asosiesen Inc. (ROA) bilong Gimi, Mista Yasi Hagavi, Laki Hutenu, Hatadi Bau, Tony Iva na Tony I-Ivo i tok amamas taim ol i kisim sek long Pot Mosbi, long InterOil i luksave na tingim ol.



Rugged, dependable Cat components carefully matched to most efficiently get maximum rimpull to the ground and full power to the loader hydraulics.

The 928Gz delivers fast response and aggressive performance, even in tough applications. The Caterpillar power train makes it possible, featuring a Cat 3056E DIT ATAAC diesel engine and power shift transmission precision-matched to a Cat torque converter and rugged axles. The power train is carefully tested and balanced to provide optimum performance in all operating conditions.

Hastings Deering



Product People Commitment.
We deliver.

PORT MORESBY		
Spring Garden Road, Hohola, PNG		
Ph: (675) 300 8300 - Fax: (675) 325 0141		
	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

PACIFIC BEAT

PNG na Solomon Ailan pasim tok long boda

WOK BILONG kontrolim ol boda namel long PNG na Solomon Ailans em ol i strongim bihainim wanpela bung namel long PNG Foren Afeas Minista Sir Rabbie Namaliu na wanwok bilong em long Solomon Ailans, Laurie Chan long wik i go pinis long Honiara.

Ol bin luksave long tripela boda agrimen i stap pinis na dispela i karamapim Fremwok Tiriti Gaiding Ritensens, Besik Agrimen long Boda Arensmen na agrimen long lukautim ol spesel eria. Ol bin sainim ol triti bihainim wanpela reid we ol man nogut i go insait long ples na bagarapim na stilim ol samtling we wanpela grup bilong ol yangpela long Bogenvil i bin mekim long wanpela loging kampani i stap long Solomon Ailan sait bilong boda.

Husat i Askim: Caroline Tiriman

Husat i Bekim: Johnson Honimae makim maus bilong Solomon Ailan gavman na Sir Rabbie Namaliu, Foren Afeas minista, PNG.

TIRIMAN: Tupela samtling we i bin kamap i no long taim i go pinis i mekim wok bung wantaim namel long tupela kantri i kamap bikpela. Long dispela mun tasol, 9-pela trabel man bilong Bogenvil i bin wokim wanpela reid long Solomon Ailan. Ol polis i no holim na sasim ol yet. 12-pela lain Fiji i bin laik abrusim boda long Solomon Ailan na go long Bogenvil. Foren Minista Sir Rabbie Namaliu i tok wok bilong boda menesmen na arenjmen bai wankain olsem dispela we PNG i gat wantaim Indonesia na Australia.

NAMALIU: Foren Minista (Laurie Chan) na mi i tok orait long tokim ol Dipatmen woklain bilong mipela long kirapim ol



WOK BUNG WANTAIM: Sir Rabbie (las long raithan) na wanwok bilong em long Solomon Ailans Laurie Chan (namba tu long lephan i go long rait) i bin bung long strongim wok bung namel long PNG na Solomon Ailans long lukautim ol boda.

komiti husat bai lukautim ol wan wan eria olsem ol boda krosa, sekyuriti na intelijens na tu, wanpela moa komiti, olsem mipela i gat wantaim Australia na Indonesia.

Taim mipela i gat dispela pinis, bai mipela i lukluk long ol tumbuna boda krosa husat i gat graun long narapela sait bilong boda, bai mipela i toktok na ol i ken tokim mipela sait bilong ol na rot we mipela i ken lukluk long em.

Bai mipela i mas gat ol han o liklik hap hap agrimen moa antap long bikpela wan long karamapim ol tredisinel boda krosa, pipel i gat ol hauslain long narapela sait bilong boda, husat i gat graun long narapela sait, ples bilong painim abus, painim pis na long keis bilong

Australia na Indonesia, i save i go na i kam long laik wantaim nogat visa o tok orait pepa. Olgeta ol dispela samtling em mipela bai lukluk long ol na kamap wantaim rait agrimen na sainim na ol samtling i bin kamap long boda tupela wik i go pinis em ol atoriti i ken stretim bihainim lo.

TIRIMAN: Aninit long nupela agrimen we tupela kantri i tok orait long sanapim ol stesen long monitaim boda sekyuriti, na long wankain taim, helpim ol sitisen bilong ol long i go na i kam long lukim ol famili na hauslain bilong ol. John Honimae em i Yunit Etwaisa bilong gavman bilong Solomon Ailan.

HONIMAE: Em as long ol i laik kirapim ol boda pos. sapos yu ken go long ol boda stesen na soim ol olsem yu gat ol hauslain long narapela sait ol i ken larim yu i go long narapela sait, yu rekotim nem na taim bai yu kam bek na ol arapela samtling moa olsem.

Olsem na em i bikpela samtling long sanapim ol dispela boda pos o stesen. Mi save long tupela long Solomon Ailan, ating bai i gat wanpela long Taro na narapela long Soisel na ating wanpela long Sotlens we i stap klostu stret long boda namel long tupela kantri na larim ol pipel i go na i kam long boda stesen wantaim nogat pepa olsem ol visa samtling.

RADIO TOK PISIN PROGRAM
TUNE IN: 101.9 FM

Radio Australia Tok Pisin Program - stat long mun Mas 2005

MANDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
Nait	
7PM	Stesen Op
7.01PM	Ol Hettain na Program Priviu
7.15PM	Spots
7.30PM	Nius na Karen Afeas
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
Nait	
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
Nait	
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
Nait	
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE Moring	
6AM	Stesen Op - Nius Hettain - Musik na ol intaviu
6.30AM	Nius na Karent Afeas
7AM	Stesen Pas
Nait	
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE Nait	
7PM	Stesen op - Ol Nius Hettain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokat Ben
8.30PM	Nius
8.40PM	Musik/Chit Chat
9PM	Stesen Pas
SANDE Nait	
7PM	Stesen op - Ol Nius Hettain/Program Priviu
7.05PM	Musik na Chit Chat
7.30PM	Nius
7.40PM	Femilil Blong Serah (Redio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

Pacific BEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

NETBOL
POT MOSBI PRAVET
KAMPANI NETBOL
Sande 19/02/06
Rita Flynn Kot
Primia Divison Kot 2

1:00	Courts v PPrint 1
1:45	Kina v Kenmore
2:30	BBell v BSP 2
3:15	Fairdeal v Daltron

Divison 1 Kot 3

1:00	Pride v SPB 1
1:45	STC Fin v NTL
2:30	Datec 1 v HDPNG
3:15	OSL v Theodist

Divison 2 Kot 4

1:00	PomTrans v GFI
1:45	Datec 2 v CCA
2:30	QBE v AHC

Divison 3 Kot 5

1:00	WPC Askonce v BBros
1:45	PWC v BBell 2
2:30	CBros v Kumul Hotels
3:15	LBC v National

Divison 4 Kot 6

1:00	PNGSF v Moore
1:45	Meddent v STC SHIPP
2:30	BSP v Andersons

Divison 5 Kot 7

1:00	Renos v BKO Motors
1:45	Able v POSF
2:30	C-21 v Mirupasi
3:15	PAC. Ind v Fincorp

Divison 6 Kot 8

1:00	Johnsons v Paraka
1:45	Raywhite v RH H. Mart
2:30	Air Niugini v Ela Motors

Divison 7 Kot 9

1:00	Pro-Clean v APNG
1:45	City Pharmacy v Star-Fish
2:30	DHL v PPrint 2
3:15	Cul-Delight v Arnotts 1

Divison 8 Kot 10

1:00	Nasfund v STC Hotels
------	----------------------

1:45 Kassman v Copytek
Divison 9 Kot 11

1:00	Deloittes v Global
1:45	IPA v Temis
2:30	Veupunama v MRDC

Divison 10 Kot 12

1:00	Sinton v PDE
------	--------------

KRIKET
POT MOSBI HEBOU
KRIKET
Sarere 18/02/06

A Gret

10:00	BNG Poreporena v TST Coasters Amini
10:00	OS Hoods v Raukele Colts

B Gret

12:30	Chubb United v KCC Nomads
12:30	Mobil Steamships v BNG Poreporena STC

Anda 17

8:10	Lamanan Mariners v Chubb United HMS2
------	--------------------------------------

Anda 15

9:00	Chubb United v KCC Nomads
------	---------------------------

Meri

12:00	BNG Poreporena v Chubb United HMS2
-------	------------------------------------

Sande 19/02/06

A Gret

10:00	Lamana Mariners v Chubb United Amini
10:00	Mobil Steamships v BNG Poreporena Colts

B Gret

12:00	Taora v PB Cheung STC
12:00	Sup. Aroma Coast

v Raukele Nomads

Anda 17

8:10	BNG v Poreporena v KCC Nomads
------	-------------------------------

Anda 15

8:30	BNG Poreporena v Lamana Mariners HMS2
------	---------------------------------------

Meri

12:00	KCC v Lamana Mariners HMS2
-------	----------------------------

Ol spot asosiesen husat i laik salim dro bilong ol long Wantok Niuspepa i mas salim i kam long feks edres 325 2579 o long imel edres pzuvani@wantok.com.pg, editorial@wantok.com.pg o long postol edres Wantok Niuspepa PO Box 1982, Boroko o long telepon namba 325 2500.

BOC sponsaip Kundus

BIKPELA PNG Ges kampani BOC Gas nau i sponsaip PNG ragbi lig anda 19 tim we bai long Not Kwinslen narapela mun. Nem bilong tim nau em BOC Gas Kundus. Dispela tim em ol i makim bihain long GAs Anda 19 nesene! jon sempionsip long 2005. Long dispela ol i givim kain helpim gen long tim. Bob Parrish kantri menesa bilong kampani long taim bilong givim dispela helpim i tok em i kampani i amamas long wokbung gen wantaim ragbi lig long kantri na long developim pilai namel long ol yangpela. Jesi bilong ol Anda 19 tim nau bai karim nem bilong kampani.

AFL Lae nupela bos

osi rul
Bustin Anzu i raitim

BIPO Intanesenel pilai Joe Lipu em i nupela presiden bilong AFL-Lae. Lipu, husat i save pilai wantaim West klab long Pot Mosbi nau wokman bilong Balob Tisa Koles.

Em bai go pas wantaim dispela nupela luksave bilong AFL wantaim ol eksekutiv bilong em long kirapim gen dispela kod long Morobe Provins. Lipu, husat i gat planti save long dispela pilai bai go pas long kirapim na strongim dispela pilai na pulim tu ol narapela lain o tim husat i gat laik long dispela pilai. Dispela pilai i no gat sampela luksave na i no bin ron gut long sampela yia i go pinis. Ol narapela eksekutiv husait bai helpim Lipu long ronim AFL insait long Lae em Peter Morris (Vais presiden), Philip

Lavatu (sekretari), Sam Nalung (tresera) na Peter Reme olsem helpim tresera. AFL-PNG Vais presiden Thomas Nori i go pas long ronim ileksen i tok dispela bung bilong ol long makim ol dispela lain i soim olsem dispela kod bai i go strong moa yet. "Mipela i bin gat 40-pela man meri, wantaim tupela meri, husat i kam long dispela bung na soim sapot bilong ol long kirapim bek dispela pilai," em i tok. Stori i go raun olsem 8-pela tim bai regista long pilai long dispela yia. 6-pela klab - Unitech, West, Pomkans, Lae United, Koboni na Defence, i soim pes pinis long ron insait long dispela yia. Em i singaut tu i go long ol narapela senta long stat na redi long pilai long makim ol tim bilong ol long pilai resis insait long nesene! sempim-

BSP skruim helpim bilong em

swimming
Paul Zuvani i raitim

PLEN bilong helpim na developim PNG Swimming long kantri i go gut, PNG Swimming Inc presiden Elizabeth Wells i tok taim Benk Saut Pasifik long aste avinun i givim K20,000 long PNGSInc.


Dispela mani em mani mak benk i makim long givim long PNG Swim stat long 2005 i go inap long 2008 Olimpik Gem long Beijing, Saina. Tasol benk i save givim helpim stat long 2002 yet. Wells i tok bikos long kain sapot em i helpim ol gut long promotim pilai long komyniti. Na yet i gat pilai we wanwan ol klab i save ronim ol pilai bilong ol, long ol i save kamap long nesene! pilai na long dispela PNG Swimming i save makim ol gutpela swima long 12 yia na i go antap long development skwat na taget skwat. "Helpim bilong BSP i givim mipela dispela sans long kamap long ol bikpela pilai long intenesenel level we mipela i traim long mekim gut na kamap gutpela embeseda bilong kantri bilong mipela," Wells i tok. "Long makim maus bilong PNGSI mi givim bikpela tok tenk yu long



MIPELA MAS TREN HAT: Ol yangpela long Boroko Swiming Klab husat i tren aste long Sir Donald Cleland pul long taim BSP i givim K20,00 long PNGSI. Benk Saut Pasifik long em i givim gutpela sapot i go long PNG Swimming Inc," em i tok. Foapela bikpela em PNGSI i makim long 2006 em Komenwel Gem long Mas 15 i go inap long 26, FINA Wol Sot Kos Sempionsip long Shanghai, Saina long Epriel, Osenia Swiming Sempionsip long Cairns, Australia long Julai 7 i go inap long 12 na Pan Pasifik Sempionsip long Kanada bihain long dispela hia. Ol memba long 2006 Komenwel Gem Kundu tim em Ryan Pini, Anna-Liza Mopio Jane, Judith Meauri na Nicole Ellsworth. Ol opisa em Wells yet na tim menesa Serenah Pini.



SALENS: Praim Minista Sir Michael Somare husat i fonsim PM Golf Salens las wik wantaim PNG Spot Federesn long resim mani bilong salim Tim PNG i go long pilai.



SORI TUMAS: Ketsa bilong Gazelle i wetim bal long kam hariap bai me i ken autim Eagles pilai long Pom Sofbol tasol em i hat long pilai bilong ol long Bisini Daimon las Sande.

Marcus Bai wantaim Bradford Bulls

Nem:

MARCUS BAI

Pilai:

Ragbi Lig

De Mama Karim (DOB):

11/10/1972

Ples Mama Karim:

Ulamona, Papua Niugini

Hevi bilong em:

91 kilogrem

Longpela bilong em:

1.6 mita

Klab em pilai
bipo:

**Inglan Leeds
Rhinos (2004-
'05).**

Klab em pilai nau:

Bradford Bulls

Makim PNG:

**1995 Nu Silan Wol Kap na 2000
Inglan Wol Kap. Namel long dis-
pela i bin makim PNG na pilai egen-
sim long ol kantri olsem Australia
Kangaroo, Nu Silan Warriors, Frans
Roosters na Britis Lions.**

Ol bikpela pilai long ovasis i winim:

**2000 NRL gren fainol wantaim Melbon
Storm na 2004 Inglan Supa Lig gren
fainol wantaim Leeds Rhinos.**

Wol Ragbi Lig Klab Salens o

Sempionsip:

**2000 wantaim Melbon Storm, 2005 wan-
taim Rhinos na wantaim BULLS.**

Namba wan taim i joinim ovasis klab:

**1997 Inglan Supa Lig klab Hull FC (I kamap (8) taim tasol.
Kam bek long PNG long hevi bilong kol.**

Ol yia i bihainim 1997:

**1998 joinim Gold Coast, 1999 - 2003 wantaim Melbon
Storm, 2004 - 2005 wantaim Inglan Supa Lig Leeds Rhinos
na 2006 Bradford Bulls.**

Winim Awot:

1998 NRL Dally M Winga bilong yia

Plen bihain long stap olsem pilaia:

**Nogat. Mi no save yet. Tasol mi gat bikpela laik long
kam bek long PNG long traim long mekim sampela
wok olsem kosa sapos PNGRFL i gat sampela
tingting long yusim mipela.**

*Sans bilong sampela PNG pilaia long
pilai long Inglan:*

**Yes, tasol i mas i gat gut
pela luk save na trast
(bilip). I mas i gat wanpela-
man long PNG we i gat gut-
pela wokbung namel long
em na olklab long Inglan
we ol i traim long kisim ol
pilaia long PNG i go. Nogut
long namel na ol samting i
bruk daun na bai
dispela bilip i lus nating.**

*Toktok long ol bikpela (sinia) ragbi
lig pilaia:*

**I gat ol klab long narapela kantri husat
gutpela pilaia long go pilai. Tasol
samting em ol pilaia i mas soim tru
ol. Ol i mas soim olsem ol dediketed
long tren na inap long pilai gut.**

*Ol hap we pilaia inap long soim ol yet
long narapela ol ovasis klab:*

**Ol bikpela Tes pilai o Sevens pilai em
sans ol pilaia i mas soim ol yet.**

Toktok long ol yangpela pilaia:

**I nogat sotkat. Yu mas wokha
long tren bilong yu na pilai
bilong yu.**




Foto: BRADFORD
BULLS NIUSMAN

KLIA! Marcus Bai long taim ol Bulls i pilai egensim Wakefield Trinity Wildcat tim las Sande long namba wan 2006 Supa Lig sisen pilai. Dispela Sarere ol i pilai wantaim Harlequins.

SPOT RAUN

wantaim

SCOTT VAVINE



Lukluk long kamap bilong mipela long ol bikpela pilai

DISPELA wik mipela bai lukluk long kamap bilong mipela long ol bikpela pilai long ol taim i go pinis na long dispela taim yet.

Bikpela as tingting long toktok long dispela em long mekim kifa sampela samting we ol lain husat i pas wantaim wok bilong spot i mas lukluk gut i go insait long em.

Long tok stret kantri bilong mipela i salim planti tim o wanwan ol pilaia i go long narapela ol kantri long bikpela ol pilai.

Dispela i go bek long 1963 we i namba wan Saut Pasifik Gem long Fiji.

Stat long taim mipela i kamapim ol pilai bilong mipela mipela i no winim yet ol kantri long Saut Pasifik rijn long ol bikpela pilai.

Wanpela taim tasol em mipela i kamap namba wan em long 1991 Saut Pasifik Gem hia long PNG. Sapos nogat mipela i save kamap namba tu, o foa tasol.

Taim mipela i salim tim bilong mipela i go long Saut Pasifik Gem dispela i stat bilong mipela long salim ol tim i go long ol Komenwel na Olimpik Gem.

Lukluk long ol Komenwel Gem mipela i wokim gut liklik. Mipela i no ken lus tingting olsem Tumak Sogolik i bin kisim silva long boksing long 1978 long Kenada Komenwel Gem, Geua Tau i kism gol medol long bouting long 1990 Nu Silan Komenwel Gem na Lynch Ipera i kism brons medol long boksing long 1998 Malaysia Komenwel Gem. Dispela em ol sampela gutpela mak.

Tasol long makim mipela wantaim ol arapela Komenwel kantri mipela i stap daunbilo long tebol. Sapos lukluk long mak bilong Olimpik Gem yumi no ken toktok tumas. Yumi pasim ai na lus tingting long traim kamap.

Long taim mipela i go long Olimpik Gem kantri bilong mipela i bin mekim nogut tru long ol mak bilong win.

Long Olimpik Gem o long Komenwel Gem tu em mipela i toktok long ol tim na ol pilaia husat i profesinol pilaia. Yumi lukluk long ol lain husat laip bilong ol em pilai. I olsem pilai i wok bilong ol.

Na dispela i go wantaim taim na mani. Ol i save yusim olgeta taim long tren na pilai na i save yusim planti mani long dispela ol samting long kamap namba wan.

Sapos toktok long dispela traim lukluk long mipela yet. Hamas taim na mani em mipela i save putim i go insait long trenim ol pilaia bilong mipela na kamap long ol pilai.

I nogat tru. Dispela long wanem mipela i save givim namba tu tingting long ol pilai. Pilai i no namba wan tingting long laip.

Sapos kain olsem i gutpela mipela i lukluk long sampela samting long skelim kamap bilong mipela long dispela ol pilai.

Sampela ol tingting em:

- MAKIM stret ol pilaia o tim husat i gat gutpela sans long win na olsem mipela i no lusim nating mani na ol arapela samting long salim ol i go long pilai;
- PASIM ol pilaia o tim husat i wok long traim hat long kwalifai tasol long kamap long ol pilai;
- KAMAPIM sampela kain gutpela samting we i ken pulim tingting bilong ol pilaia o tim long wok hat long em na mekim ol i kamap gut long ol pilai;
- KAMAP wantaim ol plen we ol etlit i gat wok klas save long go insait long ol bikpela pilai.

Antap em ol sampela tingting bilong mi yet we mi ting i gutpela mipela i mas glasim gut long katim sampela kos o sas bilong mani na taim we mipela i no ken lusim nating.

Na dispela i no long ol pilaia na tim i go long Saut Pasifik, Komenwel o Olimpik Gem tasol i go long olgeta arapela pilai. Mi hop dispela ol tingting i ken helpim mipela. Mi askim olgeta lain long tingting gut na mekim ol gutpela plen long kamapim gutpela ol mak.

Jaukae wokim Tim PNG yunifom

Tim PNG kolos
James Kilai i raitim

DISPELA nupela stail bilong werim ol bilum koloswe i wok long putim gutpela na naispela kala long kantri tede bai lukim gutpela promosen tru taim Tim PNG i putim long Komenwel Gem long Melbon, Australia long narapela mun.

Wanpela lokel kampani yet long Goroka em Jaukae Bilum Wea husat i namba wan lain tru long wokim dispela bilum kolos nau yet i ok long redim sampela long dispela ol kolos we ol lain husat bai go long Komenwel Gem.

Jaukae Bilum Wear i save go pas long woim planti ol kainkain stail bilum kolos na dispela wok i save kamap long Goroka.

Dispela bisnis i bin stat namba wan taim tru long Gepanhina viles long Kama long Goroka taun yet. Tupela lain husat i go pas long dispela wok em Florence na masta bilong Jaukae.

Meri Jaukae husat i wanpela wod kaunsel long



DISPELA EM DRES: Meri kaunsel bilong Goroka LLG, Florence Jaukae i save promotim bilum kolos long Goroka olgeta de.

Goroka Rurel Lokol Level Gavman i wanpela strongpela sapota tru bilong bilum kolos long PNG. Em i bin sanap strong na kirapim na kamapim ol nupela disain o mak bilong wokim bilum kolos insait long

kantri. Jaukae i tok Jaukae Bilum Wear i wokim sampela nek-tai em ol lain tim bai werim na tu wanpela bikpela benao hap bilum kolos em i mak we i soim kala na fleg bilong PNG.

Dispela em ol i givim olsem presen o sovenia i go long PNG Spot Federsen.

Tru tumas dispela ol lain husat bai werim bilum kolos long Melbon bai karim stret nem bilong PNG na tu dispela i nupela kain stail bilum pasin i go long soim ol lain bilong ovasis olsem PNG tu i gat stail na kala bilong em yet we i stail na narakain tru.

Jaukae i tok olsem dispela tingting bilong long kamap wantaim bilum kolos em long developim skills na save bilong ol meri insait long PNG long ol i mas go het long wokim ol bilum beg i go kamap olsem kolos na tu ol narapela samting tu.

Nau yet insait long Goroka taun dispela resa meri Florence Jaukae i no save bisi stret. Em i save werim ol bilum kolos olgeta taim na i go kam long wok.

Wokabaut bilong em i save opim ai bilong ol manmeri stret. Sampela i save guria stret long Goroka taun na lsten Hailans provins na tu PNG.

Foapela klab laikim Lae lig

ragbi

Bustin Anzu i raitim

FOA pela klab insait long Lae siti i sambai tasol long pilai resis insait long SP Lager Lae ragbi lig kompetisen long dispela yia. Tasol dispela, em bai ol i wet na lukim sapos sampela bilong ol dispela 10-pela klab i no bihainim gut rot bilong afiliesen long dispela yia.

Dispela namba wan kibung, bikpela tru bihain long ol nupela lain i kisim opis bai sindaun gut na glasim dispela ol ripot bilong ol olupela klab. Sapos sampela i no stretim ol pepa wok bilong ol, ol bai givim spes long ol nupela lain

long resis insait long dispela pilai.

Dispela bung bai kamap long dispela wik Serere long Lae Intanesinol Hotel. Long dispela miting, ol bai tok aut sapos ol dispela nupela klab i ken go na pilai o nogat. Nau yet, ol bai wet na lukluk tasol.

Daniela Nandoma, presiden bilong Lae ragbi lig i tok bikpela samting nau yet, em samting i stap long han bilong ol 10-pela klab long kam aut na toksave long wokabaut bilong klab bilong ol.

"Olgeta samting nau i stap long han bilong ol dispela 10-pela klab. Sapos ol i stretim olgeta pepa wok bilong ol, orait ol i no ken wari tumas. Tasol sapos sampela samting

i no stret, em bai ol i opim rot bilong ol dispela 4 - pela klab long kam insait.

"Mipela i bin lainim long ol pastaim eksperiens olsem planti bilong ol dispela samting i no save stap stret. Long dispela taim nau, olgeta dispela samting i mas stap stret," em i tok.

Em i tok aut tu olsem ol dispela klab tu i mas redi na i stap.

Presiden Nandoma i tok long ol dispela 4-pela tim, wanpela em stap long 9 Mail na i go antap long Nadzab ples balus, narapela em long ol mails, ol manki stap long 2 mail i go long 5 mail.

Narapela tim em Tarangau, wanpela olupela klab insait

long Lae ragbi lig. Long dispela yia, em bai kam bek. Long las yia, ol i bin peim klab afiliesen tasol i no gat man i kam soim pes long pilai.

Narapela tim, Nandoma i tok em ol aspies Morobe stret yet bai pilai.

Planti bilong ol Morobe i save pilaim soka na dispela kain stail em ol i laik sentisim. Ol i mas pilaim ol narapela ol pilai tu insait long provins.

"Mi wantaim ol nupela lain bilong mi bai lukluk long dispela hevi bilong bipo olsem sampela example long wok insait long dispela sisen bilong ragbi lig," em i tok

Bulls yusim Bai long wok sairiti

Paul Zuvani i raitim


PAPUA Niugini biknem ragbi lig man Marcus Bai em Bradford Bulls wantaim wanpela pilai laki kampani bai yusim long mekim wok sairiti.

Las wik Bulls wantaim laki kampani- Littlewoods long Ingran i sainim wanpela pepa we tupela bai wok bung wantaim long kamapim mani na bihain givim i go long wanpela sairiti grup we bai helpim ol turangu pikinini.

Maski Bai i nupela boi long tim ol kampani na tim i gat bikpela bilip long Bai long karim bilong tingting ol i gat long en.

Long dispela kain wok Bai i tokim Wantok Spot olsem em i amamas long kain wok olsem.

"Mi bin mekim kain wok olsem planti bipo na dispela i no nupela samting long mi. Tasol wantaim Braford (Bulls) dispela em i namba wan taim," Bai i tok.



HELPIM: I-r Lesley Vainikolo, kosa Brian Noble na Marcus bai i sanap wantaim ol meri long statim wok sairiti long pilai ragbi lig.

"Yes, brata mi amamas tasol long mekim kain wok long helpim ol pikinini we ol i nogat papamama long lukautim. I gutpela mipela i helpim ol," em i tok.

"Mi helpim planti ol pikinini long PNG taim ol i kam (go)

long Melbon long haus sik na olsem dispela i no nupela samting."

Em i tok ol kampani tu sapos i gutpela i ken kamapim kain wok tu wantaim ol spot long kamapim ol mani na lukautim kain ol manmeri olsem. Long

dispela Littewood kampani bai tromoi 50 paun (K415) long wanwan ol traim em Bai i putim.

Na mani em ol i kamapim Bradford Bulls kosa Brian Noble bai givim long sairiti grup em i laik long givim em sapos ol Bulls i winim gen 2006 sisen. Tasol sapos ol i lus gen Noble bai givim dispela mani long sairiti grup ol i kotim Mencap.

Narapela wan pilaia bilong Bai em bikpela boi Lesley Vainikolo husat i pilai wing tu olsem Bai em ol i makim em tu long ol bai bet sapos em i putim trai long pilai bilong ol.

Long taim bilong sainim pepa sif eksekyutiv opisa bilong Bulls Gareth Davies i tok: "Mi amamas long tokaut long wokbung wantaim Littlewoods Bet Direct. Mipela i amamas olsem ol makim mipela long wok wantaim."

Mathew Booth, maketing menesa bilong Littlewoods i

Melbon sempionsip

Eletik

Paul Zuvani

TUMORA ol PNG rana bai lukuk long narapela traipela maunten long go antap taim ol i ron long Viktoria eletik trek na fil sempionsip.

PNG Eletik presiden Tony Green i tok i gat ol biknem rana olsem Olimpik gol medol man Marlon Devonish na Mark Lewis- Francis bilong Inglan husat bai kamap long dispela resis tu. Ol bai resis wantaim ol rana olsem Joshua Roos na Patrick Johnson bilong Australia.

Ol boi nogut bilong PNG husat bai kamap long 100m rilei tim em Andrew Doonar, Henry Ben, Wally Kirika na Anton Lui. Ol narapela em 400m hedola Mowen Boino na 3000m rana Sapolai Yao.

Boino bai resis wantaim Chris Rawlinson, namba wan rana bilong Inglan na ol top rana bilong Australia.

Tasol bikpela samting em long Australia Klab rilei long Sande. "Mipela i laki long kisim tok orait long ron long dispela resis na mipela i tok tenk yu long kain tok orait," Green i tok.

PNG i wanpela tim bilong narapela kantri husat i kisim dispela tok orait long kamap long dispela ol resis.

Dispela resis em klab sempionsip na olsem Australia i no lukluk long larim ol arapela kantri i kamap long dispela



MI KAM: Mowen Boino long taim em i resis long Australia sempionsip.

resis. "Laki tru olsem mipela i soim laik bilong mipela long-taim tru na tokaut long asting bilong laik bilong mipela long kamap long dispela na olsem ol i save."

Green i tok em i namba wan taim kain tim i ron gen long Melbon bihain long 1956 Melbon Olimpik Gem na em i gutpela long lukim wanem samting ol bai mekim.

Ol rana bilong PNG i stap insait long dispela 175 rana husat bai kamap long dispela Viktoria sempionsip.

12-pela tim i tokaut long kamap long 4 X 400m rilei na 16-pela tim i tokaut long kamap long 4 X 100m rilei resis.

Dispela i min olsem rilei tim bilong mipela bai kisim tupela sans long soim strong bilong ol.

Em i tok resis bilong tumora bai lukim 1340 etlit husat i mekim ol grasrut long Australia Stet na Teritori bai kamap long Melbon Kriket Graun na resis.

Wantaim ol em ol 81 etlit bilong narapela kantri husat bai kam long 14-pela arapela kantri.

Bikos Melbon i gutpela siti wantaim bikpela laik long Melbon Kriket Graun mak bilong ol manmeri long resis long dispela Viktoria Sempionsip i go long 500 pesen moa.

"Dispela em i wanpela samting i save kamap long wanpela taim long laik bilong man na ol rana long Australia i laik kamap long dispela resis," Green i tok.

"Na olsem moa ol manmeri i tokaut long kamap."

Toua inap win

I kam long bek pes

Long renk o mak bilong Komenwel Gem PNG i stap namba wan long 53 kilogrem divison wantaim 200kg total wet em Toua i hapim, namba tu em Kenada meri wantaim total 195kg, India 183kg na Inglan 180kg.

"So yu ken lukim em (Toua) i stap long mak bilong winim medol."

Coffa i tok long tupela wik i go pinis Toua wantaim ol arapela Saut Pasifik wetlifita long Institut i bin resis gen long hapim ain long divison bilong ol long Tuaniamoto Spot Kompleks we ol i mekim gut tru.

"Ol i pait hat we ol rekot i bruk nabaut long olgeta kona bilong stedum," Coffa i tok.

Ol arapela PNG meri wetlifita husat bai go wantaim Toua long Komenwel Gem em 16-ya Badiaghwa Hai Skul na Hanuabada wantok Rita Kari long 58 kg na Catherine Hare.

Long ol man husat i no kisim toksave yet long PNG spot Federesen sapos ol bai go o nogat em John Namona na Leo Kivare long 56kg.

Wetlifiting tim i wanpela bilong ol faivpela pilai long Tim PNG.

Ol arapela pilai we bai go tu em eletiks, swiminig, bouling (man/meri) na boksing.

Boksing tim bai go long Australia long narapela wik long tren moa bipo long ol i go insait long ol pilai.

Na long etletiks em ol i stap pinis long Australia we ol i wok long tren na kamap long ol pilai long Australia. Long tumoro (Fraide) ol bai lusim Brisben we ol i save stap na tren long em bai go long Melbon long kamap long Vikoria Stet (provinsol) pilai.

Dispela ol etlit em rilei tim bilong man we ol rana em Andrew Doonar, Henry Ben, Wally Kirika na Anton Lui.

Hap hap spot

Bogenvil putim ai long bikpela soka

BOGENVIL soka asosiesen i tokaut long tingting bilong em olsem em i mas wanpela bilong ol sikspela semi-profesinol tim husat i mas pilai long dispela nesenele soka resis.

Disepela em bihain long PNG Futbol Asosiesen i tokaut long ronim wanpela resis we sikspela tim we i stap aninit long sponsasip bilong ol kampani bai kamap long dispela semi-profesinol pilai. Dispela bai wanpela long ragbi lig SP Kap resis. BSA eksekutyutiv opisa Joseph Maineke i tok ol bai mekim olgeta samting long lukim ol i stap long dispela resis.

Madang redi long kisim Muruks

ragbi

MADANG ragbi lig pilai graun Ron Albert bai lukim sampela senis long ol toktok namel long ol opisel bilong Madang ragbi lig na SP Kap tim Mabeys na Johnson Muruks bilong Mendi, Sauten Hailans i go orait.

Dispela tingting i kamap bihain long ol bosman bilong Muruks i mekim wanpela lukluk raun long dispela turis taun long las wik. Ol opisel bilong Muruks tim i laik mekim Madang i olsem "ples bilong ol" long ol bai holim hom pilai pilai bilong ol. Lae LBC Bombers na Muruks i bin mekim Lae olsem em hom graun bilong ol long las yia. Dispela yia ol Muruks i laik senisim dispela ples.

9-pela long Madang sofbol sempionsip

sofbol

9-PELA senta long kantri i tokaut long kamap long Madang sofbol nesenele sempionsip long ista. Vais presiden bilong PNG Sofbol Federesen Ralph Tarasomo i tok olsem ol senta- Pot Mosbi, Lae, Mt Hagen, Lihir, Kavieng, ToMadir (Rabaul), Ramu, Wewak na Madang i tokaut long kamap long dispela sempionsip. Ol i wetim yet tingting bilong Kimbe na Goroka.

Dispela sempionsip bai go wantaim long 30-ya kamap bilong nesenele sofbol sempionsip long kantri na Tarasomo i laik bai dispela sempionsip bai i bikpela tru na bai wanpela gutpela sempionsip we i no bin kamap bipo.

Mt Hagen Gomis joinim PNGRFL

ragbi

GOMIS ov-sisen ragbi lig long Maunt Hagen i afiliet wantaim Papua Niugini Ragbi Futbol Lig long las wik. Dispela i bringim namba bilong ol lig long Westen Hailans provins long afiliet long PNGRFL i go antap long foa. Narapela tripela lig em Kurumul, Mt Hagen na Kondopina. Dispea afiliesen i kamap bihain long helpim em Minista bilong Envaironmen na Konsevesen Hon. William Duma i givim. Lig presiden Joel Londson na tresera Michael Teek i tok apilikesen bilong ol long afiliet em PNGRFL i tok orait long Lae AGM.

Bouls gat tingting long mekim gut

Bouling

Bustin Anzu i raitim

PAPUA Niugini nesenele bouling tim bilong ol man i statim trening bilong ol wantaim nesenele tripela taitol long Lae long wiken.

Long dispela siks-man tim, ol i bin putim wanpela gutpela pilai long Sarere na Sande.

PNG Bols Federesen presiden Felix Sapul na tim menesa i tok em i amamas wantaim pilai bilong wanwan ol bolas.

Sapul i tok olgeta dispela 6-pela ol bolas i pilai gut tru na em i gat strongpela bilip olsem ol dispela lain bai karim wanpela medol i kam bek long kantri bihain long pilai insait long Komonwel Gem

long Australia. "Dispela tim i balans na mi gat strongpela bilip olsem ol bai win. Ol yet i putim piksa kam ples kliat wantaim ol dispela win bilong ol," em i tok.

Dispela tim em Nadu Namun, Peter Juni, Joe Taso, Kiliwi Nabo, Lucas Roika and Kila Vuiraka. Ol dispela lain i pilai gut tru long dispela tonamen.

Juni, Roika na Vuiraka i pilai gut na strong tru long winim strongpela Lae bes tim bihain tasol long ol i stap 5-ol dro long namba wan set.

Tasol ol dispela tripela i kam bek long seken hap na bagarapim sindaun bilong ol birua bilong ol 10-2 na wokabaut wantaim taitol.

Skipa John Taylor na namba tu

pilala Ruben Soten i no inap daunim bilip bilong PNG tim taim ol i kam bek long namba tu hap bilong pilai

Taylor na Soten i putim olgeta strong bilong tupela tasol dispela PNG tim i luk olsem ol i gat moa eksperiens long winim dispela gem. Long namba tri na foa pilai ov, Sapul, Namun na Nabo i lus long pasim ol narapela wan lain bilong Lae John Garap, Dian Roo na Peter Takuli long kamap namba tri.

Dispela pilai resis long Lae, we i bringim 16-pela tim i kam yet long Mt. Hagen, Bulolo, Wau na Lae taim Madang i no salim wanpela tim long soim pes.

Lae yet i go pas wantaim 9-pela

tim, 3-pela long Mt Hagen, wanpela long Bulolo, tupela long Goroka na tupela PNG tim.

Long dispela taim tu PNG Bols Federesen Presiden Sapul i bin tok aut olsem em i gat bilip olsem dispela PNG tim bai kam wantaim sampela gutpela stori bihain long pinis bilong Komonwel gems.

"Mi no wari sapos medol em gol, silva o brons. Bikpela tingting na laik bilong mi em ol i mas kam wantaim wanpela medol," em i tok.

PNG Spots Komisn Dairekta bilong Momase rjon John Palai tu i kam soim pes long dispela pilai na givim K200 i go long wanwan pilala, husat i stap long Lae long stretim levi fi bilong ol.

Ol tim mas baim hariap fi: Peka

soka

Bustin Anzu i raitim

BOS bilong Momase Rijinol Soka Federesen i singaut i go long ol tim husat bai pilai resis insait long Momase Rijinol klab sempionsip long ol i mas joinim (afiliet) PNG Futbol Asosiesen (PNGFA) nau.

Federesen presiden John Peka i mekim dispela tok lukaut long las wik.

Peka i tok ol klab husat i no peim dispela afiliesen fi bai i no inap long insait long dispela bikpela soka resis insait long rjon.

Em i tok fi we Federesen i tok orait long em we wanwan klab inap peim long em i sanap olsem K1250 na i no K500 we presiden bilong PNGFA David Chung i tok long em.

Dispela moni em ol klab husat bai pilai long dispela sempionsip mas

peim. Ol i givim dispela toksave na tok lukaut long mekim ol i redi gut tru na i no las minit hariap na kamap wantaim kainkain eskus.

Peka i tok aninit long PNGFA kalenda, olgeta rijinol tonamen bai kamap insait long mun Epriel na Momase Soka Federesen bai kamapim bilong em namel long taim.

Pilai resis bilong dispela Rijinol pilai, Peka i tok ol i makim Aitape, Sandaun provins olsem ples tasol dispela i ken senis sapos Aitape i no redi.

Ol tim i tok bai soim pes long dispela pilai resis em Shornchcliff Blue Kumuls, Huan Chemical West, Bara, Mopi (LFA), Sobou, Unitech, Guria, PNG Power (Lahi), No Drops, Marpex (Bogia), Dali, Murms, LFA, Dali women, (Vanimo).

"Ol narapela asosiesin klab em ol ino tok yesa yet," Peka tok.

Narapela tingting long painim narapela ples em long wanem planti tim husat bai pilai insait long dispela resis em bai ol i kam long Madang na Morobe olsem na moa beta long painim wanpela namel ples.

Madang nau i luk olsem namel ples tasol dispela em olgeta tim mas wanbel long pilai na tu asosiesin eksekutiv i mas wanbel long pilai.

"Sapos Madang tu i gat wankain hevi olsem Wewak, Lae bai kamap olsem ples bilong pilai. Tasol dispela em las tingting bilong Momase Soka Federesen," Peka i tok.

Nau yet em i singaut long olgeta klab long peim dispela afiliesen fi i go inap Epriel 30.

Aninit long nupela rot we PNGFA i makim, olgeta klab i mas pilai pastaim long ol rijinol tonamen na dispela bai oraitim ol long pilai

insait long nesenele sempionsip.

Em i tok tim husat i winim dispela pilai resis na narapela i kamap namba tu long em, bai ron insait long nesenele klab sempionsip. Nesenele klab sempionsip bai kamap long June 15-18. PNGFA i no makim ples bilong holim dispela tonamen yet.


Long wankain taim, Peka i tok ol tim husat bai go kik long dispela pilai resis mas dpositim mani mak bilong K300 long akaun bilong Momase Rijinol Soka Federesen long Lae long ANZ Bank long namba 11607456.

Em i tok tu olsem ol opisels i mas givim nem bilong ol pilala bilong ol wantaim hap pepa o risit bilong moni ol i benkim i go long fainens siaman Joe Yakuiga long pon namba 472 6436 o 472 1822.

"De bilong pinis baim em Epriel 16," em i tok.



WANTOK Spots



Toua inap win

Wetlifting

Paul Zuvani i raitim

I GAT luksave olsem Papua Niugini daimon meri Dika Toua i namba wan long 53kg wetlifting divison bilong em long mak bilong Komenwel Gem.

Paul Coffa, kosa bilong em long Osenia Wetlifting Institut long Apia, Samoa we Toua i stap na tren i tok em i ples klia olsem em bai mekim gut long Komenwel Gem.

Em i tok tu olsem i tru i gat dispela luksave i stap tasol long taim de tru i kamap ol arapela wetlifita tu bai laik hapim ain gut na olsem ol bai i no inap pret tumas long Toua.

"Long mak nau yet em i namba wan long Komenwel Gem. Birua

bilong em bai kam long Kenada, em gol medolis long 58 kilogrem long (2002) Mensesta (Manchester-Inglan Komenwel Gem). Tasol dispela meri nau i lusim na i kamdaun long mak bilong Toua," Coffa i tok.

"Dispela meri India i wampela strongpela meri tasol mi bilip Toua i kisim mak," em i tok.

"Toua i tren hat tru na i wok long mekim gut na i mas mekim gut long dispela Komenwel Gem. Mi no lukluk long narapela samting aninit long gol (medol)."

"Tasol mi no inap kirap nogut long lukim sapos tripela o foapela arapela wetlifita i kalapim mak bilong ol na i laik kisim em. Em bai gutpela long lukim."

i go moa long pes 31




Foto:OWF



Laip bilong Bai


Pes 29

Goroka kampani mekim

Tim PNG kolos - Stori Pes 30

MI KAM: Papua Niugini meri wetlifting sempion Dika Toua i hapim ain long wampela bikpela resis long Tuaniamoto Spot Kompleks, Apia Samoa las wik. Long mak bilong Komenwel Gem em i stap namba wan long 53kg divison na olsem em i stap long mak bilong winim medol. Nau yet em i hapim totel ain wet inap olsem 200kg long klin na jek.

PLANTI OL HYBRID VEGETABLE SEEDS



GUTPELA TAIM BILONG PLANIM OL VEGETABLE SEEDS

Brian Bell
Shop with a friend

PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200
TORTOWN 479 1918 GOROKA 732 1622 KOKOPO 982 9027 MT HAGEN 542 1999 MADANG 852 1899

The publisher of the newspaper operates at Section 58, Allotment 3, Office 2, Waigani Drive